



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

5817


206

S-13

28/5
—
21/12

$\frac{1}{0}$

424



23 SEP 2009

ԱՄՍՕՐԵԱՅ ՄՏԱԾՈՒԹԻՒՆՔ

ՎԱՍՆ ՔԱՀԱՆԱՅԻՑ



22-0140

5001

33 SEP 2008

2828

22523-uh

УНИОНАЛЬНІ НАУКОВІ АКАДЕМІЇ

НАУКОВІ АКАДЕМІЇ НАУК



(4441-2007)

2419-55

20419-60

2001

206

Հրապարակում 17 DEC 2001
ETOS ՅՍԱ Ե 1

S-13

ԱՄՍՕՐԵԱՅ ՄՏԱԾՈՒԹԻՒՆԻՔ

ՎԱՍՆ ՔԱՀԱՆԱՅ Ի Ց

ԵՒ ԽՐԱՏՔ ԿԱՐԵՒՈՐՔ

ԹԵՐԳՄԱՆԱԲԱՐ ՔԱՂԵԱԼՔ

Ի Հ. ՄԿՐՏԻՉ ԱԹՈՌԱԿԱԼ ՎԱՐԴԱՊԵՏԷ

ԱԻԳԵՐԵԱՆՑ

Ի Մխիթարեան Ոչխտէն



ՎԵՆԵՏԻԿ

Ի ՎԱՆՍ ՍՐԲՈՅՆ ՂԱԶԱՐՈՒ

1853

6

17 DEC 2007
13 AUG 2013

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՊՐԱՆՈՒԹՅԱՆ ԿՈՄԻՏԵ

ՅԻՇԱՏԱԿ

ՀԱՆԳՈՒՅԵԱԼ ՀՈԳԻՈՑ

ՊՈՒՐԻՍԵԱՆ

ԲԱՐԵՊԱՇՏՈՆ ՏՈՀՄԻՆ



Յ Ա Ռ Ա Զ Ա Բ Ա Ն

Թէպէտեւ չիք ինչ պատուականագոյն քան դքահանայութեանն սրբանուէր պաշտօն , բայց քանզի որք 'ի Հոգւոյն սրբոյ 'ի սպասաւորութիւն սեղանոյն կոչին քահանայք՝ բազում այն է զի կարգեալք են լինել 'ի զլորումն և 'ի կանգնումն բազմաց 'ի մէջ հաւատացելոց , վասն որոյ և մեծի զգուշութեան պէտք են նոցա , զի մի պաշտօնն սրբութեան փոխեսցի նոցա 'ի կործանումն և 'ի դատապարտութիւն . այլ որպէս աստուածայինն պատուիրէ Պաւղոս՝ ահիւ և դողութեամբ գործել զանձանց փրկութիւն : Վասն որոյ յաւուրս առաքելութեան իմոյ 'ի Պօլիս (1831) 'ի յորդորելոյ Գերասալայձառ Տեառն Անտոն Վարդապետի Նուրիձան , ձեռն արկի 'ի դուզնաբեայս

երկասիրութիւն՝ թարգմանաբար առեալ 'ի
դրոցն Բարթուղիմեայ ուրումն վարդապե-
տի Տալմոնթէ կոչեցելոյ : Եւ ակն ունիմ զի
պաշտօնասէր քահանայից մերոյ ժողովքը
դեան հաճոյական ընծայեսցի մատենիկս
վասն ընտիր խրատուցն 'ի սմա ամփոփե-
լոց, որովք զտէրունեան սպասաւորութեան
մեծապէս խնամով ցուցանել ճղնի զգերա-
զանցութիւն, և թէ քանի փութոյ պէտք
են հրաւիրելոցն 'ի պաշտօն սեղանոյն ար-
ժանի վարս բերել յանձին, զի մի որ յայսմ
աշխարհիս զնոսա ընտրեաց տէր, 'ի հան-
դերձելումն ընդ խոտանան համարիցի զսոս-
կալին արձակելով բարբառ՝ թէ ոչ զիտեմ
ուստի իցէք : Ս.ՅԼ երեւել առաջի նորա
մշակս առանց ամօթոյ, և փոխանակ բըր-


տանցն և վաստակոց ընդունել զպսակն
Վառաց :

Վասն որոյ աղաչեմ զվարդապետս և
զքահանայս սիրողաբար ընդունել զքանս
զրոցս , և սարապ 'ի հոգեչահ վաստակոց
առեալ՝ զեզերել յընթերցումն և այլոց եւս
օգտակար մատենից , որպէս և Յաղագս
Քահանայոչքեանն կոչեցեալ սքանչելոյ զրոց
Յովհաննու Սարկաւագ վարդապետի , որ
յաւուրս այսոսիկ 'ի մերոց մամլոց ընծայե-
ցաւ հասարակաց , և ոսկեղէն մատենկանն՝
Յիշատակարան քահանայական վարոչց , զրոչ-
մեալ հերուն 'ի տալարանի մեծարգոյ Մխի-
թարեանց որ 'ի Վիէննա :



ԱՄՍՕՐԵԱՅ ՄՏԱԾՈՒԹԻՒՆՔ

Վ Ա Ս Ն Ք Ա Հ Ա Ն Ա Յ Ի Յ



Ա.

Քրիստոսի փրկչին բանք առ սպասաւորս սե-
ղանոյն թէ զիւրոյ կարևոր պիտոյ իցին մտա-
ծական աղօթք :

Ա . Մ Ե Ծ աիտփանք են ինձ , որ-
դեակ , զի անկեալ յոտս իմ պաղատիս ,
և լուսոյ առ յինէն ակն կալեալ սպա-
սես : Քանզի և առաւել քան զայլս
պէտս ունիս դու լուսոյ և օգնակա-
նութեան , փոխանակ զի ճշմարտու-
թիւնք իմ զօր հանապազ յականջս և
'ի բերանի քո են , և տակաւին չեն բա-
ւական յամոքել զքեզ : Հնապա մերձե-
ցիր առ իս , և քաջիկ խելամտութեամբ
առնուցուս 'ի միտ , զի ամենայն չա-
րեաց պատճառք նուազութիւնդ այդ
է մտաւորական հրահանգաց : Մտի

յաճախեաց եմուտ յաշխարհ չարու-
թիւն , և 'ի սրբութեան սեղանսն սպրբ
դեալ՝ երևեցոյց քահանայս լոկով ա-
նուամբ և եթ վերապատուեալս , որոց
պաշտամունք 'ի յանդիմանութիւն էն
չարութեան գործոցն նոցա . այլ դու
յանձն քո միայն ճայեսցիս :

Իցէն քո մեղք . այլ ամենայն ինչ
որչափ և սուրբ իցէ , ողորմութիւն ,
խստակրօն վարք , քարոզել զբանն Ես-
տուծոյ , և պատարագ մարթին լինել մե-
ղօք . բայց մեղք և ջերմեռանդն մտա-
ծութիւն յանհնարիցն է թէ կարաս-
ցեն երբէք կալ 'ի հաշտութեան , որ-
պէս իմաստութեամբ յոյժ ազդ առնէ
Իերանն ոսկի : Աամիս 'ի բաց առնել 'ի
քէն զմեղս . դեղն է մտաւորական ա-
ղօթք : Աամիս չանկանել վերտտին 'ի
մեղս . սա է զէն և ասպար ընդդէմ փոր-
ձութեանց՝ որ մարտնչին ընդ քեզ , և
որովք կարասցես նկուն առնել զմեղսա-
սէր զայս աշխարհ յորում դուդ կաս :
Սա է հնոց , յորմէ հանես զհուր փոյթ-
եռանդն 'ի ընու զպարտս՝ որ քեզն
հասանեն խուռն և ծանր : Արանի քեզ
այնուհետե , զի հեռի լիցի 'ի մեղաց
անձն քո , կանգնեսցիս 'ի գլորմա-
նէդ , և բեկեալ օրտիւ և ջերմեռանդն

փափաքանօք բուռն հարցես զձանա-
պարհէ առաքինութեան, գնասցես որ-
պէս զօրութենէ 'ի զօրութիւն, և լի-
նիցիս որպէս զոմն 'ի սրբոց: Ապա թէ
ոչ, լինիցիս դու իբրու ուրուական
պատկեր սպասաւորի Աստուծոյ, և կամ
իբրեւ զհեթանոս որ քահանայա-
զգեստ:

Բ. Եւ եկեղեցի, և ոչխարք իմ
սպասեալ մնան, զի դու հաշտ արաս-
ցես զիս, պաշտպան և կազմուրիչ լի-
ցիս արդարոց, դարձուցես զմեղա-
ւորս, հրահանգեսցես զնոսա, վա-
ռեսցես զսիրտս նոցա և ածցես 'ի փր-
կութիւն: Աշխարհիկք զօր ամենայն,
յանձն առնեն զանձինս յաղօթս քո և
մատուցանեն տուրս ողորմութեանց, և
վայելես յամենայն բարիս եկեղեցւոյ,
վասն զի հայր և պաշտպան կացուցի ես
զքեզ ոչ կենդանեաց միայն այլ և ննջե-
ցելոց: Աւ զի արդ այդպիսի լինիցիս ա-
ռանց աղօթից: Ա՛հ, դամ մի ածցես
զմտաւ եթէ բաւական իցէ վայրիկ մի
'ի վայրկենից կամ աղօթք ինչ ձայնա-
ւոր անհոգի 'ի կարճել զցասումն պա-
տուհասի երկնից, 'ի ձեռս բերել զխա-
ղաղութիւն աշխարհի, և 'ի սուրբ առ-

նել զողիս : Օ ինորդ բոցավառ բորբո-
 քեացես զայլս , եթէ դու սառուցեալ
 գտցիս . որպէս շարժեացես զայլս 'ի
 լաւ անդր , եթէ դու անշարժ կայցես :
 Արդեակ իմ , չէ բաւական 'ի փրկել
 զողիս ոչ գիտութիւն և ոչ ճոռոմու-
 թիւն . քանզի ազդողագոյն է բան
 մի և եթ սրտի բորբոքելոյ յաղօթս ,
 քան բիւր ճառք վարդապետութեանց
 ունայնասէր աստուածաբանի : Եթէ
 կամ իցէ քեզ ձգել զհոգիս առ իս ,
 փութա կանխել 'ի խոկումն . զի զնոյն
 առնեն ամենայն առաքելագործ մշակք
 աւետարանին . և ես իսկ զնոյն արա-
 ըի 'ի տալ քեզ օրինակ : Օ ի սո-
 վաւ լուսաւորեսցին միտք քո և բորբո-
 քեացի եռանդն 'ի շահ ոգւոց : Եւ
 արք աշխարհիկք եթէ զանարատն քո
 տեսանիցեն զքաղաքավարութիւն , առ-
 նուցուն 'ի միտ զի ոչ իբրև զայլս 'ի
 հեղգացեալ և 'ի թուլահաւատ սպա-
 սաւորաց բանին 'ի հարկէ և կամ ա-
 կամայ բերիցիս 'ի պաշտօն քո : Յայն-
 ժամ և աստուածային շնորհք ժամա-
 նեացեն քեզ 'ի թիկունս օգնականու-
 թեան :

Գ . Եկ մերձեցիր առ իս , և մխի-

Թարեացի սիրտ քո . և գիտասցես ստու-
 դու թեամբ զի խօսել ընդ Մատուծոյ՝
 ոչ միայն ոչ փոխեացի քեզ 'ի տանջանս ,
 այլ մանաւանդ լինիցի 'ի զօրավիգն
 և պատճառք ամենայն բարեմասնու-
 թեանց : Ս'ի զկարծեցեալդ անպարա-
 պու թիւն ինձ 'ի դէմս ածիցես . քան-
 զի անմտութիւն մեծ է այնչափ և այն-
 պիսի իմն տարփանօք բերիլ յերկրա-
 ւորս , մինչև չգտանել ժամանակ զեր-
 կնաւորացն խորհելոյ : Մ. յլ ես , որպէս
 իմօց աշակերտացն , ուսուցից և քեզ
 եթէ զիւրդ պարտ իցէ գալ առ իս .
 բացից առաջի քո զշտեմարանս գան-
 ձուց երկնաւոր վարդապետութեան ի-
 մոյ , զի առնուցուս զճաշակ պարզեւացն
 իմօց և հոգւով իմով լցցի սիրտ քո .
 քանզի և առ պատուանդանի խաչիս ա-
 ռաւել ուսցիս քան յայլոց բազմապա-
 տիկ գրոց : Մ'աբէ , արք շինականք և
 աղքատք և տղէտք զօր ամենայն գտա-
 նեն ժամանակ զերկնաւորացն խորհե-
 լոյ , և դու , քահանայդ , անպարամպ ի-
 ցես նմանել նոցա և զփրկութեանդ
 գործ գործել : Օ գիշերն 'ի գլուխ վասն
 քո հանի ես յաղօթս , և զքրտունս ա-
 բեան ոլուն ոլուն հեղի 'ի պարտիզին ,
 և դու հեղգանանս ժամ մի ընդ իս խօսել :

Հրահանգք

Վեր 'ի մտի գէթ զկէս ժամու աւուրն ծախել 'ի կրթութիւն մտաւորական աղօթից և խոկմանց : Սուրբն Փրանկիսկոս սալեզացի իղձ լինէր զի ամենայն պաշտօնեայք սեղանոյն մի դանդաղեսցին մտադիւր պարապել 'ի նոսին զօր ամենայն . որպէս և ինքն առնէր , անպարապն 'ի հոգոց զբաղանաց : Վարձեալ և սուրբն Վարդուտ Պորրոմէոս կամէր զի որք հանդերձեալքն իցեն մատչել 'ի ձեռնադրութիւն քահանայութեան , նախ զայն ածցեն զմտաւ եթէ քաղցրանան նոցա աղօթք մտաւորականք . ապա եթէ ոչ , լաւ իցէ նոցա հրաժարել 'ի պաշտամանէն : Թէպէտեւ ցամաքեալ զհոգի քո տեսանիցես , սակայն 'ի խոկալոյ մի դադարեր . ինդրեա զՆստուածն միսիթարութեան և մի զմիսիթարութիւնն Նստուծոյ . և շայեկանօք առատութեան լցցի սիրտ քո : Մի մոռանար զայն բան խրատուց Յովհաննու Մէլլայ , եթէ որ ոչն իցէ սիրող աղօթից՝ անյարմար է քահանայութեան :

Բ

Վասն վերջին վախճանի :

Ա . Արդեակ իմ , ո՞ ստեղծ զքեզ և ո՞ անբուն ակամք զքեզ պահպանիցէ . ո՞ զժամանակեայսն առատաձեռնեաց քեզ վայելա բարեաց , և ո՞ աւազանին սրբոյ շնորհիւ զքեզ կենագործեաց : Ա՞ ՚ի սպառ սիրեաց զքեզ , մինչեւ զարիւն անգամ հեղուլ մտադիւրութեամբ : — Ա՞ այլ ոք բայց ես ինքն միայն , որ զամենայն կիրս չարչարանաց կալայ յանձին , զի դու փառաւոր առնիցես զիս , զի ծանիցես զիս և սիրեսցես , և նմանող ինձ լինիցիս . և եթէ ՚ի սակաւօրեայ երկրաւոր պանդխտութեանդ հաւատարիմ պատուիրանապահութեամբ ինձ ծառայեսցես , յաշխարհին որ զալոցն է՝ փառօք և պատուով մեծացուցից զքեզ : Այլ մարթ էր արդեօք առնել ինչ մեծ քան զայսոսիկ . և եթէ ընտրոյ տէր զքեզ ինքն էի կարգեալ , ապաքէն լաւագունին չէր քեզ մարթ

ցանկալ : Մի եթէ բարեկամք քո կամ
 ծնողք և ազգակիցք , և կամ աշխարհ
 գլխովին և ինքն սատանայ սէր առա-
 ւել քան զիս սիրեցին զքեզ և կամ ա-
 ռաւել գտան բարերարք : Օ ինչ ինչ
 առնել էր ինձ առ 'ի ձգել զքեզ 'ի սէր
 իմ և յորդորագոյն յերախտապարտ մե-
 ծարանս առնել : Ա՛հ որդեակ , և ըն-
 դէր իցէ քեզ զունայնութեան և ըզ-
 ստութեան երթալ զՏէտ , հալել մաշել
 զանձն քո 'ի հոգս աշխարհի , ամենայ-
 նի 'ի խնդիր լինելով բայց Աստուծոյ :

Բ . Տես , զի՛արդ ըղձալի է ինձ բա-
 րերարել քեզ : Ձիրս բազմապատիկս
 քեզ շնորհեցի և յառաջամասնութիւն
 և իշխանութիւն և պաշտօն սրբու-
 թեան . և օծութեամբ 'ի քահանայու-
 թիւն զքեզ վերառեալ , իբրու և յիմ
 վերայ կացուցի իշխան . զի մեծարոյ
 լեալ յերկրի , և հրաշափառագոյն օրի-
 նակ սրբութեան զանձն ընծայեսցես :
 Մեկնեալ որոշեցի զքեզ յայլոց , զի
 բոլորովիմբ իմ եղիցիս , և հոգք աշ-
 խարհիս և սխտրանք մի տագնապես-
 ցեն զքեզ և յառաքինութեան գնա-
 ցիցն խոտսրեցուսցեն : Իսկ եթէ հեռի
 'ի սրբութեան շաւղացն դեգերիցիս և

'ի փրկութիւն հոգւոց զորս քեզ հա-
 ւատացի ոչ վաստակիցիս, զիարդ իշ-
 խիցես քահանայութեան մեծարոյ ա-
 նուամբն յառաջագահ և բարձրապա-
 տիւ լինել: Մի եթէ ըստ արժանւոյն
 լցեր զպարտս քո յօգուտ եկեղեցւոյ
 սրբոյ, յոյր սակս զձեռնադրութեանն
 ընկալար շնորհ:

Գ. Քահանայդ Աստուծոյ, մի եր-
 բէք արկցես յուշոյ մտաց քոց, եթէ
 որդի փառաւոր առնէ զհայր իւր և ծա-
 ոայ զտէր: Եթէ հայր եմ ես, ընդէր
 չսիրես զիս, և եթէ տէր՝ ընդէր 'ի
 ծառայելոյ հրաժարիցես: Այլ աւե-
 տարանին ուսուցանէ քեզ վարդապե-
 տութիւն եթէ ոչ որ կարէ երկուց տե-
 րանց ծառայել: Մկրտութեան շնոր-
 հիւն 'ի բաց կացեր 'ի սատանայէ և 'ի
 պատրանաց նորա, և օծութեամբ կար-
 գին 'ի բաժին քեզ և 'ի ժառանգու-
 թիւն զիս ընտրեցեր: Իսկ արդ ընդէր
 իցէ քեզ թողուլ լքանել զիս: Այլ
 գիտեա քաջ, զի ցորչափ հեռի կաս
 յինէն, աշխարհդ այդ զոր սիրես ոչ
 կարասցէ երբէք տալ քեզ զխաղաղու-
 թիւն, և խնդութիւն մերժեսցի 'ի
 քէն, եթէ ոչ երկնայնոյ ուրախու-

Թեանն լինիցիս 'ի խնդիր : Օ ի չէ
 քեզ բաւական, որչափ ինչ շատն իցէ
 վասն ամենայն հաւատացելոց . քանզի
 քրիստոնեայ վասն անձին քո զքեզ ա-
 ըրարի և քահանայ վասն այլոց : Ա՛ի
 իշխիցես ասել եթէ շատ է ինձ կեցու-
 ցանել զանձն իմ, զի որ քանքարա-
 թագոյցն լինիցի, չէ զերծ 'ի պատու-
 հասէ : Օ ինչ օգուտ իցէ քեզ, զի 'ի
 վախճանել եկեալ տեսանիցես զի շա-
 հեցար զամենայն աշխարհ և զանձն
 քո տուժեցեր . որով և վրէպ 'ի փրկու-
 թենէն լինիցիս :

Հրահանգք

Յամենայն 'ի գործս քո զսրբոյն
 Փրանկիսկեայ սալեղացւոյ ածցես զմը-
 տաւ զքանս խրատուց եթէ ոչ ինչ եր-
 բէք լինիցի ընդդէմ Մատուծոյ և ոչ
 ինչ առանց Մատուծոյ՝ բայց միայն Մա-
 տուած . քանզի ունայնութիւնք են և
 սնոտիք սնոտեաց որ վասն յաւիտենից
 կենացն չիցեն կարևորք : Սուրբն Տեո-
 նարդոս 'ի սրտին և 'ի բերանի զայս
 հանապազօր յեղյեղէր եթէ « Տեո-

նարդէ, 'ի սուրբ առնել զանձն քո մտեր
 դու 'ի կրօն , : Եւ երանելին Հոե-
 նալդոս, որ ապա յարքեպիսկոսպոսու-
 թիւն Հռաւեննայ ամբարձաւ, մինչ
 դեռ ևս ընդ ժառանգաւորս էր եկեղե-
 ցւոյ՝ զայս ինչ հաստատութեամբ ե-
 դեալ էր 'ի մտի եթէ « Ի պաշտօն
 Մատուծոյ կարգեալ եմ ես, և անհրա-
 ժեշտ պարտք 'ի վերայ կան ինձ ծա-
 ոայել եկեղեցւոյ, վաստակել 'ի փրկու-
 թիւն հոգւոյ և ունել զնախանձ փա-
 ոացն Մատուծոյ. զի շրթունք իմ զգու-
 շասցին գիտութեանց և յուսմունս սրբ-
 բութեան վարժեցայց , : Եւ արդ
 յարտասուս հարեալ ողբասցես զանձն
 քո և ուղղութեան խնամ ունիցիս, ե-
 թէ 'ի թեւակոխել քո տիրահրաւէր օ-
 ծութեանն արժանանալ այլ խորհուրդք
 պրաւեալ կալեալ էին զմիտս քո քան
 'ի նուիրել զանձն Մատուծոյ և հասա-
 րակաց բարւոյ : Մտն է քեզ զամե-
 նայն փոյթ և զջան ունել յանձին, զի
 որպէս զարդարեւ պաշտօնեայ Մատուծոյ
 կարիցես ընդ դուռնն նեղ և անձուկ
 մտանել յերկինս, քան զընդարձակն և
 զլայն կամելով կոխել ճանապարհ՝ ընդ
 դատապարտեալսն տանջեացիս :

Փ

Պատիւ քահանայոջընկերացի :

Ա . Եւթի ծանուցեալ էր քո եթի զիւրդ մեծարոյ և պատուական է քահանայութիւն , անշուշտ աւելի փոյթ 'ի մէջ առնուիր անարատ պահել զանձն քո յաշխարհէ : Եւ արդ զմտաւ ած եթի զիւրդ փառօք և պատուով պըսակեցի զքեզ . և տեսցես զի ամենայն վաղանցուկ փառք աշխարհի , և իշխանութիւնք պետութեանց ստուերք են և երազք զարթուցելոց : Վանզի գեր 'ի վերոյ ամբարձի զքեզ , և 'ի կաւոյ և 'ի տղմոյ աշխարհի ածի 'ի փառս . պաշտօնեայ զքեզ կարգեցի իշխանութեանց որք քան զամենայն մեծամեծս փառաւոր կացուցանեն զքեզ . քանզի և նորահան 'ի հարկի հրամանաց սպասաւորացն Վստուծոյ : Օ հրեշտակացն աւանդեցի քեզ պաշտօն , խնամատար կարգելով փրկութեան հոգւոց . մանաւանդ թէ առաւել քան զզուարթունս բարձր

արարի զքեզ : Այլ դու զայդ զամենայն
 'ի մոռացօնս դարձուցեալ, ոչ միայն ոչ
 ունիս փոյթ վարս հրեշտակակրօնս բե-
 րել յանձին, այլ կամիս վարել կեանս
 անկեանս, և զօշաքաղութեամբդ և
 հաճոյիւք և անմիտ ունայնասիրու-
 թեամբ հաւասարես անասնոց անբանից
 և նմանեաց նոցա :

Բ. Մամ'ի հրեշտակաց կամ 'ի սե-
 րովքից զքոյինդ զայդ յանձն արարի
 իշխանութիւն : Աքանչանաս ընդ աս-
 տուածատես մարգարէն Մովսէս զի ե-
 հերձ զծովն Արամիր, ընդ Յեսու՝ զի
 հրաման ետ արեւու, և եկաց յընթա-
 ցից իւրոց, և ընդ այլ արս զարմանա-
 գործս որոց հնազանդեցան տարերք և
 հիւանդութիւնք և մահունք և դէք :
 Սակայն քոյդ մեծահրաշ է զօրութիւն,
 արձակել զոգիս 'ի կապանաց մեղաց, և
 հրաման տալ Աստուծոյ՝ հեղուլ զչնորհս
 յերկնից յերկիր : Մայրն իմ կուսա-
 ծին, որ գերազանցիկ քան զամենայն
 արարածս երևեցաւ, չունէր և նա զայդ
 իշխանութիւն՝ զմեզս թողլոյ. զի եթէ
 նա միսնգամ զերկինս եբաց և յանա-
 րատն իւր ձգեաց զիս 'ի ծոց, այլ քոյդ
 մեծ է իշխանութիւն ոչ մի անգամ :

այլ հանապազօր կոչել զիս առ քեզ :
 Այլ մարդկային ինչ , այլ աստուածեղէն
 է պատիւ սպասաւորութեանդ . վասն
 որոյ և նախատինս մեծ ինձ դնես եթէ
 անպատիւ զնա արասցես խառնավար
 կենօքդ և բազմապատիկ յանցաւորու
 թեամբ :

Գ . Եթէ իբրև զաշխարհիկ այր
 զգենուցուս , եթէ ծառայ լինիցիս նո
 ցա և եթէ իբրև զնոսա 'ի չարիս անկ
 դիտասցիս , մի քրթմնջեր երբէք և մի
 դներ 'ի սրտի քում զի արհամարհեալ
 այսպանեն զքեզ : Այլ զքէն և եթ բո
 ղոք կալցիս , զի նախ դու ինքն ոչ ծա
 նեար զպատիւ աշտիճանի քո , և ստի
 պեցեր իմն զիս թողուլ զի աշխարհիկք
 'ի պատուհաս անձին քո անգոսնեալ
 նախատեսցեն զքեզ : Այլ ընդէր իցէ
 քեզ , որդեակ , անպատիւ առնել զկարդ
 քո , և ոչ վարել կեանս արժանաւորս
 պատուոյ պաշտամանդ : Իսկ զիւրդ ի
 ցէ այս , զի մեծ լիցի իշխանութիւնդ
 քո , և վարք անշուք . աստուածային
 փառօք ճոխացեալ և գործովքդ յա
 նարգութիւն խոնարհեալ : Օ այս տը
 ռիտուր հատուցանես դու ինձ : Այլ մի
 մոռանար և զայն , զի որչափ մեծարոյ

է քահանայութիւն , այնչափ առաւել
 յաճախեցէ քեզ պատուհասս և պա-
 տիժս և տանջանս , եթէ ոչ կեաս որ-
 պէս պահանջիս : Աշխանութիւն է 'ի
 ձեռին քում հրամանատար լինել երկ-
 նի և երկրի և սանդարամետաց . այլ ե-
 ղով քեզ , եթէ յանգործ և 'ի վատ-
 թարութեան կեանս դանդաչելով փա-
 կիցես քեզ զմուտս երկնից , և 'ի խա-
 ւարն արտաքին մատնիցիս ուր լալ աչաց
 է և կրճել ատամանց :

Հրահանգք

Օ պատիւ աշտիճանիդ յամենայն 'ի
 գործս քո առաջնորդ քեզ կալցիս , և
 մի զաշխարհ և կամ զգործս այնոցիկ որ
 ըստ աշխարհի քաղաքավարիցին : Օ այն
 միշտ ածցես զմտաւ եթէ մեծ իմն հա-
 ւատացաւ քեզ : Յամենայնի օրինակ
 բարեաց կացո զանձն քո 'ի վարդապե-
 տութեան , 'ի սրբութեան և յանարատ
 քաղաքավարութեան : Մանք բերանոյ
 քո լինիցին սուրբ և անստգիւտ , զի և
 հակառակորդք քո չունիցին ասել ինչ
 զքէն բայց զբարի : Աթէ ընդ աշխար-


Տիկս կենցաղավարելով և զփառս առ ՚ի
 նոցանէ խնդրելով կամիցիս պատուա-
 կան յանձին քում զչնորհս քահա-
 նայութեան ցուցանել, լուր զինչ ասէ
 երանելին Տարթուղիմէոս Մարտիրո-
 սեան արքեպիսկոպոսն մեծ. « Օ իմրդ
 դառն է, ասէ, և դժպատե՛հ կուրու-
 թիւնս զի պաշտօնեայն Քրիստոսի կա-
 մի իմաստնագոյն քան զՔրիստոս երե-
 ւել. զի նա հոգւով խոնարհութեան և
 աղքատութեան աշակերտեաց զաշ-
 խարհ, և դու կարծես յաղթել աշ-
 խարհի հոգւով աշխարհի, » : Քրիստո-
 սի բանք են եթէ ոչ կարէ սատանայ
 հանել զսատանայ, և ոչ մարդ հոգւով
 աշխարհի հանել զհոգի աշխարհի :
 Օ այդ եթէ առնիցես, ոչ միայն ծի-
 ծաղեսցի զքեւ աշխարհ, այլ և ընդ
 ամբարհաւաճութիւն քո գայթակղես-
 ցի : Սուրբն Վարդուս Պորրոմէոս այնմ
 որ զաղքատութիւն նորա և զժուժկա-
 լութիւն և զհամեստ չափաւորութիւն
 արհամարհէր, տայր պատասխանի .
 « Ղշմարիտ փառք պաշտօնէից Մտու-
 ծոյ ոչ յաշխարհական պայծառութիւնս
 են և ՚ի զարդս, այլ ՚ի սրբութեան և
 ՚ի կրօնասէր առաքինութեան, » :

Գ

Սրբուքիչե :

Ա . Հաստատութեամբ դիցես 'ի մտի , սիրեցեալ որդեակ , եթէ այնչափ խտիր է ընդ բարեկրօն քահանայ և ընդ աշխարհիկ որչափ ընդ երկինս և ընդ երկիր : Այնչափ ջինջ և մաքուր արժան է քեզ լինել , զի յերկինս անդ և 'ի մէջ հրեշտակաց սրբոց պայծառ փայլեսցես : Սուրբ արա զքեզ , որդեակ իմ . հարկ պաշտամանդ ստիպէ զքեզ յամենայնի նմանող լինել ինձ : Այ տարապայման ինչ խնդրեմ ես 'ի քէն . քանզի առ 'ի վարել ըստ արժանւոյն զաստուածային պաշտամունս քո , ոչ վարկպարագի այլ անզուգական լաւութեան պէտք են : Վու եթէ տեսանիցես զոք յաշխարհիկ մարդկանէ , որ զօր ամենայն խորհիցի 'ի հաղորդութիւն մատչել կենարար հացին , զգուշացուցանես զնա , յուչ նմա ածես եթէ որ պիտի մաքրութեան պէտք իցեն և ա .

55 5142
2419 25
4441-2007



նարատ սրբութեան . իսկ դու ոչ միայն
 իշխես անմաքուր սրտիւ ընդունել զիս ,
 այլ և քահանայագործես և բաշխես
 ժողովրդեան , և յանձին քում զիս ինքն
 կերպարանես . ապա ուրեմն ոչ առաւել
 լագունի պէտս ունիցիս առաքինու-
 թեան : Այլ արդ քննեա զանձն քո ,
 եթէ արժանի վարս անդուգական պար-
 տեացդ բերիցես յանձին :

Բ . Օ իւրդ իցէ քեզ օգտակար
 մերձաւորացդ լինել , եթէ անձին քում
 վնասակար գտանիցիս : Մեր իցէ անար-
 գասաւորիդ ձեռօք՝ զարգասաւորու-
 թիւն այլոցն պարգևել հրահանգօք
 քրիստոսական հաւատոց , քարոզու-
 թեամբ , և որ 'ի սոցին սակի . իցէ քեզ
 մարթ սուրբս և անարատս զհաւատա-
 ցեալն ընծայել Մատուծոյ , մինչդեռ
 քո սիրտ թափուր իցէ յուղղութենէ :
 () ըինակ բարեաց առաջի կայ քեզ ըն-
 ծայել զանձն աշխարհիկ մարդկան ,
 վասն որոյ ամենեւին հեռի լինել արժան
 է և 'ի թեթեւ կարծեցելոցն անգամ
 յանցանաց՝ որք վասն պաշտօնէից սե-
 ղանոյն ծանունք համարին : Մի ինչ ի-
 ցէ 'ի քեզ գուհական , և ռամիկ մարդ-
 կանն քաղաքավարութեան կենցաղ և

541297

սովորոյթք . քանզի որչափ մեծ է աս-
տիճանս պաշտամանդ , այնչափ առաւե-
լուլ արժան է քեզ քան զնոսա ար-
դեամբք և առաքինութեամբք : Աշ-
խարհականաց 'ի բարձրագոյն կայս
զքեզ տեսեալ , ակնկառոյց լինին 'ի
քեզ . այնուհետև անմարթ իցէ քեզ
թաքուցանել զանձն քո , զի աչք նոցա
'ի քեզ են միշտ : Այլ զինչ լինիցի , ա-
ղէ ասա , եթէ 'ի սրբութեան հրա-
հանգս մեծ քան զքեզ նոքա գտանի-
ցին : Յամօթ մեծ յայնժամ ըմբռնես-
ցիս , եթէ նոքա մարդասիրագոյնք քան
զքեզ իցեն և առաւել բարեսէրք և ա-
ռաւել նախանձաւորք փառացն Աստու-
ծոյ : Օ ինչ լինիցիս նոցա 'ի շինու-
թիւն գաղջ վարուքդ և անջան անսիու-
թութեամբ :


Գ . Առաւել քան զամենայն ինչ պա-
տուիրեմ քեզ սիրտ սուրբ ունել . և յայն-
ժամ ճշմարիտն առաքինութիւն դարձ-
ցի քեզ 'ի քաղցրութիւն և 'ի սփոփանս :
Այրանի քեզ եթէ առնուցուս զճաշակ
նորա , և բարձրագահոյս փառաց պատ-
րաստեսցես քեզ յերկինս : Ասկ զինչ
լինիցիս , ո՛վ հէզդ և թշուառական ,
եթէ հակառակն այսոցիկ անցցէ ընդ

քեզ : Հայեաց'ի սուրբս իմ, տես զիարդ
ամենեքին երկնչէին 'ի քահանայութե-
նէ, զի գիտէին եթէ մեծ է պատիւ
նորա, և մեծագոյն և անհրաժեշտ պար-
տիք սրբութեան կան 'ի վերայ նորա, և
դատաստան ասեղ 'ի վերջնումն աւուր
կայ մնայ նմա : Վ բաց արա, որդեակ
իմ, զգաղջութիւն, թող զաշխարհ, և
յեռանդն սրբութեան վառեա՛ զանձն
քո : Ս'եծ են փառք արքայութեանն
երկնից. արժան է քեզ բռնաբարել, զի
բռունք յափշտակեն զնա : Տազումք ա-
նորինագոյնք քան զքեզ զչարեացն թո-
ղին ճանապարհ և 'ի սրբութիւն թեա-
կոխեցին . ես ինքն եղէց քեզ ձեռն-
տու, և որ վասն սիրոյ քոյ յօժարու-
թեամբ կալայ յանձին զմահ խաչի,
ոչ դարձուցից զերեսս իմ 'ի քէն :

Հրահանգք

Սթէ երբէք 'ի պարտուց պաշտա-
մանդ թերասցիս, մի ասիցես եթէ փոքր
ինչ է այս չար, այլ մանաւանդ ասիցես
եթէ յամենայնի արժան է ինձ օրինակ
լինել բարեաց . և այնպէս արմատաքի

զթերուծիւնս քո քանցեսցես : Օ սրբ-
 բախօս աւետարանին պատգամս մի եր-
 բէք արկցես 'ի յուշոյ , յամենայնի
 նմանել ցանկացեալ կենարար փրկչին
 և այլոց առաքինակրօն վարդապետաց
 բանին : Արանելին Ա ինկենտիոս պաւ-
 լայեցի սովոր էր ասել յաճախ , եթէ
 քանզի քահանայութեանն կարգ սեպ-
 հական է փրկչին , վասն որոյ և գերա-
 գոյն է քան զամենայն կարգս աշխար-
 հայինս . և եթէ , ասէր , քաջ ծանու-
 ցեալ էր իմ զմեծութիւն պատուակա-
 նութեան նորա , յօժարամիտ ունէի
 յանձին հրաժեշտ տուեալ յայնմանէ
 և պարապել յերկրագործութիւն . և
 'ի ծանրանալ հասակիս տակաւ զօրա-
 նայ յիս այս խորհուրդ . զի տեսանեմ
 եթէ քանի 'ի բացեայ շրջիմ 'ի կա-
 տարելութենէ անտի , զոր արժան էր
 ինձ ստանալ :



Ե

Յադագրս մեղաց :

Ա . Մ'ուտ յանձն քո , որդեակ , և առցես խոկալ եթէ քանի՛ դժպատե՛հ են մեղք : Այ կարիցես ասել անշուշտ եթէ ոչ զճանրութիւն մեղացն գիտեմ ես . իսկ եթէ գիտիցես , այն առաւել չար է զի անբաժան և անմեկին ունիս զանձն 'ի նոցանէ : (Թէպէտ և չիցես անտեղեակ երախտեացն իմոյ , համայն և այնպէս զարարած չնչին նախապատիւ քան զիս առնես . գիտես զի ընդունայն է աշխարհ , և առաւել քան յ'ս տուած , 'ի նա սւեռեալ և պնդեալ ես սրտիւ . ճանաչես եթէ ոչ անարդինչ և վայրընկեցիկ է քահանայութիւն , և գողցես առաթուր իմն և ընդ ոտիւք զնա կոխես :

Անուն և եթ մեղաց զբազումն 'ի բարեպարիշտ աշխարհականաց պակուցեալ ընդարմացուցանէ , և դու աներկիւղ անկղիտանաս 'ի չարիս : Ա՛վ հէգդ

և թշուառական, և ընդէր իցէ այդ զի
չածես զմտաւ զի 'ի դատ յինէն կոչե-
ցեալ՝ պարտաւոր արարից զքեզ զբանս
քո 'ի կշիռ համեմատութեան ընդ գոր-
ծոցդ արկեալ :

Բ . Օ ինչ չար արարի քեզ, որ-
դեակ, զի դառնացուցանես զիս . մա-
նաւանդ թէ զինչ ինչ պակաս 'ի բա-
րեացն արարի, տալով քեզ միտս և
հանձար սիրել զիս և ծառայել ինձ :
Աչ բարեկամ լոկ զքեզ անուանեցի և
որդի սիրելի, այլ և պաշտօնեայ և խո-
րոց խորհրդոցն իմոց հաղարապետ և
գործակից . և որպէս 'ի բիբ ական՝
այնպէս հայիմ 'ի քեզ, և դու չարաչար
վարուքդ ոչ դադարես 'ի դառնացուցա-
նելոյ զիս : Աթէ փոխանակ քո զայլ
ոք 'ի ձեռն առեալ և զանարդամեծար
չնորհացս հեղուի 'ի նա հոսանս, ա-
պաքէն երախտապարտ մտօք ոչ դա-
դարէր 'ի գոհանալոյ զինէն, զի 'ի
տղմոյ աշխարհի 'ի քահանայականն
աւագութիւն 'ի վեր ամբարձի զնա :
Աղէն իսկ բազումք որոց մի անգամ
մատուցեալ յընթերցումն աստուածա-
շունչ տառից, մի անգամ լուեալ զբարո-
ղութիւն բանին Աստուծոյ և ճշմարիտ

ապաշխարութեամբ կենարար խորհրդոյն հաղորդեալ, վառեցան բորբոքեցան սրտիւ, և եղեն արք աստուածահաճոյք: Այլ աւանդ, զի քո խստացեալ և քարացեալ է սիրտ, և խնուս զականջս, զի մի լուիցես զձայն թովչի ճարտարի:

Գ. Չար մեծ է եթէ հեթանոս որ կամ անհաւատ և կամ հերձեալ 'ի հաղորդութենէ եկեղեցւոյ դառնացուցանիցէ զիս. իսկ եթէ յուղղափառացն աշխարհիկ որ այր յայն յանդգնեսցի, մեծագոյն է չար. ապա եթէ 'ի պաշտօնէիցն իմոց որ զիս անարգիցէ, բաբէ, քանի մեծեղեռն իցէ չարութիւն նորա: Մինչդեռ պարտք անհրաժեշտք առաջի կան քեզ սրբանուէր աղօթիւքդ զարդարադատ ցասումն բարկութեան իմոյ դադարեցուցանել, և յորդորել զայլս և ձգել 'ի սէր իմ. մինչդեռ յանձին կալեալ է քո պատերազմել ընդդէմ մեղաց, և առաւել քան զայլս սիրել զիս. քանզի 'ի սպասաւորութիւն սեղանոյն մատուցեալ և ուխտեցեր ինձ ուխտ ծառայել և սիրել զիս, արդ գողցես զամենայն ինչ 'ի մոռացօնս դարձուցեալ, ոչ ինչ ծանր և դժպատեհ

Համարիս դառնացուցանել զիս , և զայլս
 ևս յանարգութիւն գրգռես : Մ՛հ , քա
 նի մեծ է եղեռն քո և ապերախտու
 թիւն և անզգամութիւն : Արժան էր
 ինձ դարձուցանել զերեսս 'ի քէն , կապ
 տել զքեզ 'ի շնորհաց և 'ի քահանայու
 թենէ գլխովին , և յանդարձականն
 մատնել կորուստ և 'ի խաւար արտա
 քին . այլ դեռ ևս համբերեմ՝ քեզ և
 յապաշխարութիւն կոչեմ , որպէս զի
 բացցին աչք քո տեսանել զսէր իմ և
 փոխարէն սիրել զիս :

Հրահանգք

Վանդի անփոյթ գաղջութիւն քո
 'ի մեղս և 'ի յանցանս արկանէ զքեզ ,
 դիր հանապազօր առաջի աչաց զթե
 րութիւնս քո , զի անդադար արտա
 սուօք կարասցես քաւել զնոսա : ՅԱս
 տուծոյ տուաւ քեզ ժամանակդ , մի ի
 բրեւ ումպէտ ինչ ընդ վայր ծախիցես .
 այլ սուրբ սրտիւ և ապաշխարութեամբ
 աճապարեա լուանալ և մաքրել զքեզ
 արեամբն Վրիստոսի : Արանելին Վրան
 կիսկոս սալեզացի ահիւ և դողութեամբ

ասէր , զի հրեշտակն լինել չէ այնչափ
պատկառելի , որչափ մեծ է քահա-
նայութիւն : Քանի զգուշութեան
պէտք են ինձ , զի 'ի պատարագել մա-
տուցեալ սրբեցից զսիրտ իմ և զմիտս
յամենայն մեղաց , զի մի փոխանակ կե-
նաց՝ զմահ իմ և զդատապարտութիւն
գտից 'ի սուրբ բաժակին :

2

Դարձեալ յաղագս մեղաց :

Ա . Մեղէր է քեզ , որդեակ , այդ-
չափ գէշագէշ պատառել զանձն քո մե-
ղօք . տես զիարդ յայպն կատականաց և
'ի նախատինս կարգեալ ես առաջի աշ-
խարհականաց , և աշտիճան փառաց
քոց արհամարհեալ . և չառնուցուս 'ի
միտ եթէ յաճախութիւն մեղաց քոց
զայդ արհամարհանս ածէ 'ի վերայ .
քանզի և գրեալ իսկ է եթէ “ Ասան
այնորիկ ետու ես զձեզ արհամարհեալս
և նուաստացեալս առաջի ամենայն ժո-

զովրդոց , : (Ս)էպէտեւ ատեցող ոք իցէ
 առաքինութեան , սակայն կամի տեսա-
 նել զայն 'ի քեզ . զչարաչար վարուցդ
 զաղաղակ բարձեալ քրթմնջէ , ծիծա-
 ղի զքեւ , ատեայ զքեզ , և 'ի քո աղագս՝
 զամենայն երիցակիցսդ ընդ վայր հա-
 րեալ այսպանէ : Մէծագք և մեծամեծք
 աշխարհի եթէ 'ի սրբակրօնիցն զոք և
 յանարատ բանին սպասաւորաց տեսա-
 նիցեն , մեծարեն զնա և երկնչին 'ի
 նմանէ . իսկ զքեզ և սինքոր խուժանն
 նախատէ վասն փառասէր պերճանացդ
 և սիրոյ հաճոյից , որովք մանաւանդ 'ի
 մտի եղեալ էր քո լինել մեծարոյ :
 Օ եկեղեցեացն և զվանորէից զբազմա-
 պատիկ շահս օգտի տեսանելով աշխար-
 հականաց , ելլելս զմիմեամբք արա-
 րեալ ընծայաբերք լինին առատատուր
 պարգեւօք . իսկ եթէ տեսցեն զոք յե-
 կեղեցւոյ պաշտօնէիցն ցանկասէր մար-
 մնաւոր իրաց , որ ոչ 'ի թիկունս հասա-
 նիցէ հաւատացելոց , այլ մանաւանդ
 մնասակար նոցա գայթակղական գնա-
 ցիւքն հանդիսասցի , զինչ զարմանք ի-
 ցեն եթէ պակաս առնիցեն այնուհե-
 տեւ զընծայս և զողորմութիւնս : Մեղք
 քո և յանցանք 'ի բազմապատիկ չարու-
 թիւնս անկղիտացուցանեն զաշխար-

Հիկս . և են նորա դործի արդարութեան
 իմոյ 'ի պատուհասել զքեզ . վասն մե-
 ղաց քոց և նմանեացն քոց ածեմ կու-
 տեմ 'ի գլուխս ձեր վիշտս և չարակրու-
 թիւնս . յաճախեն նեղութիւնք 'ի քա-
 ղաքս , աւերեալ խոպանանայ երկիր , և
 տուն սրբութեան իմոյ լքեալ մնայ և
 ընկեցիկ : Քեզ անկ էր հաշտեցուցա-
 նել զիս նախանձու փառաց իմոց և ա-
 ղութիւք . այլ զիւրդ միջնորդ հաշտու-
 թեան լինիցիս , որ բազմապատիկ մե-
 ղօքդ առաւել քան զայլս գրգռես զիս
 յարդարադատ ցասումն բարկութեան :

Բ . Մրազ արագ անցանեն կեանք .
 այլ ցաւէ ինձ 'ի վերայ թշուառացեալ
 հոգւոյդ , յորոյ 'ի կորուստ և 'ի կործա-
 նումն մտադիւրութեամբ դիմեալ ըն-
 թանաս : Մ՛հ , և ո՛ւր իցեն գանձքն այն
 շնորհաց զորս ետու քեզ . և ո՛ւր գործքն
 այն բարութեանց որովք երբեմն մխի-
 թարէիր զիս և սիրովէիր : Սրբութեան
 պաշտամունք շուրջ պար առեալ են
 զքեւ , այլ դու լցեալդ մեղօք անարգա-
 սաւոր զնոսին գործես վասն անձին քոյ
 և այլոց : Յերեսս իսկ յանդիմանեն
 զքեզ յանցուածք քո և սուրբ սպասք ,
 սեղանք , բեմն և խոստովանարանք ,

և արիւն իմ գլխովին : Այլքն այն սրբութեան և հանդէսք պաշտամանց արժան էր զի սուրբ առնիցեն և զքեզ . այլ զի չարաչար զնոսին 'ի կիր առնուս , փոխեսցին քեզ յաղբիւրս անիծից և 'ի նզովս : Ա՛հ , որդեակ , որ յանուն իմ զժողովուրդն օրհնես , և զձրիատուր շնորհս պարգևաց այլոց առատաձեռնես , զիանդ 'ի մեզս թաւալեալ և կամիս զի ատեցից զքեզ և զարշեցայց 'ի քէն : Ար զերկինս բանաս այլոց , կամիցիս դու ինքնին տարագիր ելանել անտի 'ի բաց . որ յայդչափ մեծութիւն և 'ի ճոխութիւն ամբարձեալ ես , զի է զի 'ի խորագոյն անգունդս գահավէժ զանձն արկանես : Այլա ուրեմն 'ի զուր փառաւոր արարի զքեզ և վայրապար արեամբ իմով զքեզ յագեցուցի . քանզի յաճախեցեր առաւել փութալ 'ի գլուրումն և 'ի կործանումն անձին քոյ :


Գ. Տպաւորագոյնս ազդիցե՞ն արդեօք 'ի քեզ այս բանք և ճշմարտութիւնք : Արդեակ իմ , անձին զգաստ լեր , և մի նմանիցես այնոցիկ ոյք ասեն գիտել զամենայն և ինքեանք ոչ զգաստանան . կոչեցեալք յինէն և խնուն զականջս . և զխայթ խղճի մտաց և զշնորհս ար-

համարհեալ, խստանան սրտիւ : Եւ ուր ժողովուրդն 'ի շողալ և եթ փայլատական դղորդի յանձին և գայ յուղղութիւն, դոքա և ոչ 'ի ձայնէ ահագին որոտմանց զարթնուն երբէք : Հայա, դարձ այսօր և բաց զաչս քո, լուր ձայնի իմում և ապրեցո զանձն քո յահագին վտանգէն և 'ի կործանմանէ, որ մօտալուտ 'ի վերայ հասեալ կայ : Այլ եթէ և զայդ ևս արհամարհիցես, երկիր մի գուցէ զվերջին զայս նուազ խօսիցիմ 'ի սիրտ քո, և զխստասրտելդ տեսեալ՝ սկիզբն արարից պատուհասել զքեզ 'ի կուրութեան և յանզգայութեան դանդաչեցուցանելով 'ի լուսաւորութեան անդ շնորհաց :

Հրահանգք

Աղաչեա զտէր զի տացէ քեզ լոյս և շնորհս արգասաւոր առնել զազդեցութիւնս իւր և յորդորամիտ 'ի կատարել զպարտս քոյ, զի մի ընդ թշուառացեալն և դու համարիցիս ոյք տեսանելով ոչ տեսանեն և լսելով ոչ լսեն և չառնուն 'ի միտ : Սուրբն Հռոմուալ

դոս սովոր էր ասել եթէ դիւրագոյն է
դարձուցանել յուղղութիւն զխստա-
սիրտ զոք հրէայ քան զքահանայ ապի-
րատ : Այլ է անզգայ իցես և անզեղջ,
երկիր 'ի սրտի քում . և հաստատու-
թեամբ դիր 'ի մտի՝ բոլորապէս յանձն
առնել զքեզ Վստուծոյ որ զքեզ խնդրէ
և կոչէ սիրալիր , և զանկեղծ ուղղու-
թիւն վարուց 'ի քէն պահանջէ : Ար
խստացուցանիցէ զսիրտ իւր ոչ լսել
զձայն Վստուծոյ և դալ յապաշաւ , ան-
մասն է նա 'ի փրկութենէ : Այլ է խըս-
տասրտութեանն անուն զքեզ ոչ երկե-
ցուցանէ , գիտեա՛ զի արդէն իսկ խըս-
տասիրտ ես . և եղևկ քեզ եթէ յայնմ
պայմանի կենաց յամառեալ անդեալ
կայցես :



Է

Գայրակողորքիւն :

Ա . Այլ չիցէ՞ այդ բաւական , որդեակ
 իմ , զի ոչ միայն անձամբ անձին , այլ և
 այլոց լինիս պատճառք զիս դառնացու-
 ցանելոյ : Օ արիւն իմ բովանդակ ե-
 տու 'ի փրկանս հոգւոց , և դու խուժա-
 դուժ և անհաւատագոյն քան զայնոսիկ
 որ զինն խաչեցին , յափշտակես կապ-
 տես զնոսա 'ի ձեռաց իմոց . խափան
 լեալ բարւոյ՝ թոյլ տաս աճել չարու-
 թեան , և տեառն Աստուծոյ քոյ ընդ-
 դէմդառնաս : Տիրանուէր օծու թեամբն
 զքեզ փառաւորեալ , ասացի արածել
 զոչխարս իմ և առաջնորդել գալ առ իս .
 այլ դու գայլ գիշատիչ մտեր 'ի հօտ իմ
 վարատական տարագիր հանել զնոսա
 յերեսաց իմոց : Ահա՛ղ , զի չիք ոք որ
 այնպէս խաթարեալ եղձանիցէ զկարգս
 բարեզարդութեան սրբոյ եկեղեցւոյ ,
 քան դու և նմանիք քո , որ փոխանակ
 ուղղութեան լինելոյ առաջնորդ , չա-

րեաց լինիք օրինակ : Եթէ այդպէս
կամէիր ընդ իս վարել, ընդէր զսրբու-
թեան նշանակս արկար զքեւ և յեկե-
ղեցի իմ մտեր . քանզի յաշխարհական
կալով կարգի՝ չառնէիր այդչափ անար-
գանս ընդ իս որպէս այժմի՝ ի քահա-
նայու թեան :

Բ . Մեհեցուն աչք ՚ի քեզ են ահրն
կառոյց . եթէ սխալիցես՝ ոչ որ համար-
ձակի խրատել զքեզ . և որչափ մեծա-
րոյ ես աստիճանաւ՝ այնչափ առաւել
տկարացն լինիս ՚ի գայթակղութիւն . և
որպէս բանիս կամք են ասել, յանկա-
նելդ՝ և զաշխարհիկան բռնադատես իմն
՚ի գլորումն . քանզի զմեղանչելն քո տե-
սեալ, այնուհետև և ինքեանք համար-
ձակ անկղիտանան ՚ի չարիս . օրինակ
զքեզ առեալ անվեհեր յօրանան ՚ի գին-
երբուս, բարբառին զանպատշաճս և
գործեն զանօրէնս . և եթէ որ կամիցի
յուղղութիւն զնոսա ածել, տան պա-
տասխանի մեղմեխանօք եթէ և երի-
ցունք և կրօնաւորեալք անգամ գործեն
զայդպիսիս : Քանզի ՚ի տեսանելն զոր
՚ի սպասաւորաց բանին թերացեալ ՚ի
պարտուց պաշտաման իւրոյ, համարին
եթէ ամենայն երիցունք վիճակակիցք

նորա , և չարութեան գործոցն իցեն
կցորդք . վասն որոյ և կրօնից հասանէ
վտանդ՝ մինչդեռ նորա տատանեալ դե-
ղեին 'ի հաւատոյս՝ համարեալ եթէ
խաբէութիւնք իցեն և քարոզութիւնքն
և խորհուրդք և աւետարանն ինքնին :
Ո՛հ , քանի դառնաղէտ և անողոք է
գայթակղութիւն : Ո՛ ողորմ ոգիք 'ի
սպանդ վարեալք , յորմէ արժան էր ձեզ
փրկութեանն արժանանալ շնորհի :

Գ . Ողբոց ես արժանաւոր , քահա-
նայդ , փոխանակ զի չկամեցար 'ի լաւ
անդր 'ի կիր արկանել զլեզու քո և
զհանձար և զինչս . և զքահանայու-
թիւնն գլխովին իբրեւ սուսեր սրեալ 'ի
ձեռն առեր հարկանել , վիրաւոր տա-
պալել և սպանանել զհոգիս : Վրեալ
իսկ է յիմում աւետարանի , զի եթէ
գայթակղեցուցանիցէ ոք զմի 'ի փոքրը-
կանց յիս հաւատացելոց , լաւ էր նմա
երկան իշոյ կախել 'ի պարանոցն և ըն-
կրղմել 'ի խորս ծովու . իսկ իմ իմիք
արժանաւոր իցես դու , պաշտօնեայդ
Ղստուծոյ , որ զշնորհացն լոյս յինէն
ընկալեալ և 'ի սպասաւորութիւն սրբոյ
բեմին հրաւիրեալ , ծանունս յանցանես
մեղօք և անօրէնութեամբ : Աւ եթէ

օրինակաւ դ քով խրատուսեալ բազումք
 յաշխարհականաց, համարձակիցին դոր-
 ծել զանօրէնութիւնս և անկանել ան-
 կանգնելի, գիտեա՛ զի այնչափ մահունց
 պարտաւոր ես դու, որչափ անձինս 'ի
 հաւատացելոց յուղղութեան շաւղացն
 նոցա խոտորեցուցեր : Այլ զիա՛րդ իշ-
 խիցես այնուհետեւ երևել առաջի իմ',
 և ոչ գետս արտասուաց հեղլով ջա-
 նասցիս միւսանգամ դարձուցանել առ
 իս զհոգիս զյափշտակեալս 'ի գրկաց
 իմոց :

Հրահանգք

Օ այս ինչ հանապազօր ածցես զմը-
 տաւ եթէ քահանայ ես Աստուծոյ, և
 զի պարտք անհրաժեշտ 'ի վերայ կան
 քեզ լինել 'ի կանգնումն և մի 'ի կոր-
 ծանումն հաւատացեալ ժողովրդեան :
 Ասէ իսկ և սուրբն Վեռնարդոս, եթէ
 որ ինչ յաշխարհիկ մարդիկ ոչ ծանր և
 դժպատեհ թուի, համարեսցի 'ի մեծ
 մեղս վասն քահանայի : Հա՛պա քաջիկ
 խելամտութեամբ առցես դու քննել
 եթէ 'ի կենցաղելդ ընդ կարևոր բա-

րեկամս քո և կամ ընդ օտարս , և ա-
 ռաւել ընդ մանկամարդս , եղեր երբէք
 պատճառք մեղաց բանիւ և օրինակաւ :
 Մենայն քահանայ պարտի կեցուցա-
 նել զանձն , կեցուցանել և զայլս . իսկ
 որ գահավէժ խորհրդովք 'ի կորստեանն
 ածեալ ձգէ խորխորատ զգինս արեանն
 Վրիստոսի , ո՛հ , քանի՜ փութոյ և խնա-
 մոց պէտք են նմա 'ի շահել միւսանգամ
 և 'ի բժշկել զմիտսն գայթազդեալս :
 Սուրբն Հռեմուհդ մինչ դեռ ևս յաւա-
 գութեան էր և 'ի փառաւոր իշխանու-
 թեան , ետես զմի ոմն յիւրոց սիրե-
 լեացն զի խորհէր զկրօնաւորութեան
 ունել յանձին զկենցաղ : Մնայարեաց
 փոխել զնա 'ի խորհրդոց մտացն , և
 յաջողեցաւ իսկ նմա : Մյլ ապա 'ի
 զեղջ եկեալ և յապաշաւ , վաղվաղակի
 եթող մերկացաւ յանձնէ զաւագու-
 թիւնն և զփառս , և փոխանակ սիրե-
 լոյն ինքնին ընտրեաց զկեանս մենաւո-
 րութեան , զամենայն աւուրս կենացն
 ողբալ զչարն զոր գործեաց :

Ը

Պատարագ սեղանակապուտ :

Ա. Հրեշտակացն դասք 'ի տեսանել
անդ զպատարագս մատուցեալս անար-
ժանութեամբ և սեղանազերծ յան-
դրգնութեամբ, զահի հարեալ ընդար-
մանան, և ծածկեալ զերեսս արտասուեն.
որդեակ իմ, երկիր և դու և ողբա ցա-
ւագին. տես զիանդ պաշտօն հարկանեն
ինձ քահանայք զորս վիճակակիցս առա-
քելոցն իմոց ընտրեցի և վիմին հաւատոյ
որդիս, և նոքա գործակիցք գտան Յու-
դայի և նեռինն կարապետք. և զորոց 'ի
դէպ է ինձ երկրորդել եթէ «Նաւասիկ
ձեռն մատնչի իմոյ ընդ իս 'ի սեղանս»,
Եւ 'ի համբուրել նոցա զսեղան իմ, ար-
ժան է ինձ երկրորդել առ նոսա, եթէ
«Համբուրելով մատնես զորդի մար-
դոյ», քանզի անարժան քահանայք ոչ
ընդ երեսուն արծաթոյ, որպէս զմատ-
նիչն իմ և զկորստեան որդին Յուդաս,
այլ վասն ճնչին հաճոյից, այլ վասն

մարդկային ակնածութեան, այլ վասն
ողորմութեան դուզնաքեայ լումայից՝
իբրեւ զգանգարժեայ ինչ և զանարգ
վաճառեն զանգին պարգեւն և զփրկանս
աշխարհի: Տա՛րէ երախտամուաց ա-
պաշնորհութեան նոցա. քանի՛ դառն է
մատնութիւնս և եղեռն սարսափելի:

Բ. Փոխանակ պատկառանօք և սի-
րով զիս պաշտելոյ, այպն առնեն զի-
նեւ, նմանեալ շրէիցն խաչահանուաց,
որք ծունր ինձ կրկնեալ և եղեգամբ
հարկանէին և յերեսս իմ թքանէին:
Իսկ սոքա այնչափ թքանեն յիմ դէմս՝
որչափ զսրբազան բանսն որ յահաւոր
խորհրդեան՝ անարժանութեամբ բար-
բառիցին: Չիշխէ որ շօշափել զանօթս
սրբութեան, թող թէ զսրբութիւն
սրբոց և զաստուածեղէն խորհուրդն
տղմաշաղախ ձեռօք. իսկ ես զիարդ հան-
դուրժեցից յորժամ զանարժանս տե-
սանիցեմ սեղանոյն պաշտօնեայս, որք
անարգ և աղտեղի անձամբ և սրտիւ
առ իս մերձենան, և իբրեւ զմոխիր և
զտիղմ երկրի ընդ ոտիւք եղեալ առ ա-
թուր հարկանեն: Նոցա մեծ է անօ-
րէնութիւն քան զշրէից, որք միան-
գամ միայն զիս չարչարեցին՝ անտե-

ղեակք աստուածութեան իմոյ . իսկ դոքա թէպէտ և զիս ճանաչիցեն , սակայն բազում անգամ զնոյն գործ գործեն . մանաւանդ թէ չար ևս քան զդւանն են որք հաւատան և սարսեն . իսկ դոքա կամ հաւատան և կամ չդողան անշուշտ :

Գ . Աւանդ , զիւրդ չարաչար 'ի կեր առին դոքա զսէր իմ . պարգեւս պարգեւեցի նոցա , և փոխանակ սիրոյ իմոյ դառնացուցանեն զիս և անարգեն : Ա՛բբ ժուժկայլեալ համբերից ես տեսանել զփրկութիւնն 'ի կորուստ յեղաշրջեալ , զսրբութիւնն 'ի պղծութիւն և զխորհուրդն ահաւոր խոշոշեալ անագորոյն անգթութեամբ , զգեղթափն 'ի մահադեղ փոխեալ և զկենդանութիւնն 'ի մահ : Օ իւրդ արգելից զցասումն իմ յորժամ զքահանայսն տեսանիցեմ որ 'ի բաժակի անդ դերահրաշ ողորմութեան իմոյ զբաժակն կամիցին քամել զսրտմտութեանն Աստուծոյ : Ա՛յլ դու , որդեակ իմ , մատիր ջերմեռանդն և բուրրանուէր սրտիւ զքաւչարարդ մատուցանել զո՛հ , և զարդարադատ բարկութեանս իմոյ դարձուցանել զնետս 'ի կապարճ : Օ այն ածցես զմտաւ զի

անօրէն քահանայք յուտել անդ զմարմին իմ և յրմպել զարիւն, դատաստանս անձանց իւրեանց ուտեն և ըմպեն. վասն որոյ մերձեսցիս առ իս կենդանի հաւատով, ահիւ և արտասուօք և հրաբորբոք սիրով: Օ ի մի մեղացն նոցա կըցորդելով՝ և տանջանացն լինիցիս հաղորդ:

Հրահանգք

Քննեա զանձն քո եթէ պատարագեցեր երբէք ըմբռնեալ ՚ի ծուղակս մերձաւոր առթից, կամ անմաքուր սրտիւ և խորհրդով: Պատարագեցեր մինչդեռ ոխութեամբ էր սիրտ քո ընդ մերձաւորիդ. մատեա՛ր ՚ի բեմն սրբութեան՝ մինչդեռ անկեալ էիր ընդ եկեղեցական անկանոնութեամբ: Մի մոռասցիս յուշ ածել և զայն, զի ՚ի խոստովանել մատուցեալ՝ զորպիսի՞ ընտրեցեր քեզ հայր խոստովանութեան, և ցուցեր նմա, որպէս արժանն պահանջեր, զկարեւոր պէտս անձին քո: Օ ի մի զտուրս պատարագացն կորուսանիցես, իշխեցեր անմաքրապէս պատարա-

գել: Յանցաւոր կացուցանէ զքեզ և լոկ
 պատարագն՝ զորոյ փութացուցանիցես
 զաւարտն, իբրու եթէ գործք կարևորք
 և անհրաժեշտք առաջի կան քեզ. զի
 պատարագ գահավէժ մատուցեալ ՚ի
 քառորդ մի ժամու, ոչ անստգիւտ ՚ի
 մեղաց համարի: Յայսպիսեաց աստի
 և յորոց ՚ի սոցին սակի եթէ գտանիցես
 ինչ ՚ի սրտի քում, հրաժարեա ՚ի պա-
 տարագելոյ. և բունն հար դարմանել
 զվերս սրտի քո, զի մի զազիր և գարշ
 կերպարանօք յանդիման լիցիս տեանն
 քո և Մատուծոյ: Մնկեալ առաջի Յի-
 սուսի դիր ուխտ ընդ անձին քում յա-
 մենայնի զհետ գնալ կամացն նորա. որ-
 պէս զի խնդութեամբ թողեալ զկեն-
 ցաղս զայս, ելցես յերկինս փառաւորել
 զամենատէր թագաւորն Վրիստոս:



Թ.

Վասն ոչ զգոռչանալոյ 'ի մեղաց :

Ա. Արդեակ իմ, այս քանիցս իցէ զի խոստանաս ինձ յետս կալ 'ի մեղանչելոյ, և 'ի խոստմանէդ պակասիս. ապա ուրեմն ոչ մեծ ինչ զիս համարիս. քան զի եթէ խոստանայցես մարդոյ մահկանացուի, զամենայն փոյթ և զջան 'ի մէջ առնուս 'ի հաճել զնա. և ինձ միայնոյ չամաչէս ապախտ առնել: () չարութիւն և զհիբութիւն ընթացիցդ դու ինքնին գիտես և խոստովան լինիս և գարշիս. այլ ապա իբրեւ զշուն աւարդ դառնաս վերստին 'ի փոխաճդ և իբրեւ զխոզ ընդ տիղմ թաւալիս: () այս արժան էր քեզ հատուցանել ինձ դարձուած փոխարինի ընդ երախտեացն ի մոց և սիրոյ. և չամաչիցէս յորժամ զուխտսն զմտաւ ածիցես որովք զքեզ պարաւանդեցեր, 'ի պարտս քո և 'ի սրբութիւն աշտիճանիդ հայեսցիս և 'ի մեծարոյ և յահաւոր պաշտամունսդ :

Բ. Արպիսի խոստովանութիւնք քո
 իցեն զորս առնեսդ . հաստատութեամբ
 դնես 'ի մտի չյանցանել, և յաճախես
 'ի յանցանս . և չէ այդ յապաշաւ և 'ի
 զէղջ գալ, այլ մանաւանդ ծաղր առնել
 զինեւ : Ապաքէն և դու ջրնծայէիր հա-
 ւատս այնմ, որ խոստացեալ և ապախտ
 առնիցէ : Եթէ նստեալ քո 'ի խոստո-
 վանարանի, և գայր առ քեզ ոք քո
 պէս, ոչ հաւատս ընծայէիր անշուշտ
 առաջագրութեանց նորա . և դու զիարդ
 յապահովի և յանդորրու իցես վասն
 խոստովանութեանցդ և հեշտին արձակ
 մանց : Արդարեւ ասեմ քեզ, զի 'ի զուր
 և ընդունայն է այդպիսի խոստովանու-
 թիւն, և փասակար ոչ քեզ միայնոյ՝
 այլ և հօր խոստովանութեանդ որ մատն
 լինի քեզ և պաշտաման իւրոյ . քանզի
 և “ Այր կուրի յորժամ առաջնորդէ՝
 սխալէ, և երկոքին 'ի խորխորատ ան-
 կանիցին ” : Օայս և զայսպիսի գոր-
 ծեալ քո չարիս և անօրէնութիւնս, և
 զիարդ իշխիցես օր ըստ օրէ մատչել 'ի
 սեղան իմ և կենարար հացին և բաժա-
 կի հաղորդել :

Գ. Արդեակ իմ, եթէ ոչ յետս դարձ
 ցիս 'ի չարեացդ և ճշմարիտ ապաշ-

խարուծեամբ զմեղս քո քաւեսցես ,
 կորուստ անհնարին և յաւիտենիցն դա-
 տապարտութիւն կայ մնայ քեզ : Վըստ
 մնեսջիր յանձին քում , զմտաւ ածեալ
 զի սակաւք ոմանք 'ի քահանայից որ ի-
 բրեւ զքեզ անօրինիցին , ժաման լիցին
 փրկութեան : Սուտ 'ի սիրտ քո , և տես
 եթէ զիարդ յողորմ վիճակ անկեալ դը-
 նիս . քանզի յորժամ 'ի սկզբան անդ
 դառնացուցանէիր զիս , խայթք խղճի
 վաղվաղակի ժամանէին 'ի վերայ տաղ-
 նապել զքեզ , զահի զամօթի հարկա-
 նէիր և յերեսաց իմոց խնդրէիր թաք-
 չել . բայց ապա յաճախեալ 'ի մեղս՝ եր-
 կիւղն այն 'ի քէն վերացաւ և ամօթն
 բարձաւ . վասն որոյ բազում այն է զի և
 'ի խոստովանութենէ հրաժարես , և
 կամ այնպիսի արձակմամբ շատանաս՝
 որ ոչ միայն 'ի մեղանչելոյ զքեզ ոչ զգու-
 շացուցանիցէ , այլ առաւել ևս 'ի վտանգս
 կործանման գահավէժ արկանիցէ : Մա-
 բէ , զիարդ յողորմ վիճակի անկեալ դնիս :
 Եւ չիցէ քեզ մարթ ասել եթէ չկա-
 ղեմ ուղղել զանձն իմ . և կամ մեղա-
 դիր ինձ լինել , իբրու զի զանհնարինս
 առ 'ի քէն պահանջիցեմ , և թէ չկա-
 միցիմ օգնական քեզ լինել . զի եթէ
 չկամէի ձեռն տալ՝ ապաքէն և ոչ իսկ

պահանջէի զայդ 'ի քէն . ապա ուրեմն
քո մեղք էն , զի ոչ խնդրես և ոչ բռնա-
դատես զանձն քո : Արիւնն իմ 'ի խոս-
տովանութեան և մարմինն իմ 'ի սեղանի
սրբութեան չիցէն միջնորդք և զօրա-
վիգն 'ի կանգնել զգլորեալդ , եթէ բա-
րւոք 'ի կիր արկանիցես զնոսին : Այն
քեզ , զի ուր այլ մեղաւորք գտանեն
զփրկութիւն և զթողութիւն , դու չա-
րաչար վարելով յաւելուս քեզ յան-
ցանս և դատապարտութիւն :

Հրահանգք

Մատիւր յընդհանրական խոստովա-
նութիւն քաւել զմեղս քո զանցեալս , 'ի
խնդիր լինելով ճշմարիտ դարձի և ուղ-
ղութեան : Մեծարգոյ հայրն Յովհա-
նէս Աւիլա ասէր եթէ 'ի հայր խոստո-
վանութեան ընտրել արժան է զմի 'ի
հազարաց : և սուրբն Փրանկիսկոս սա-
լեզացի յաւելոյր ասել եթէ մանաւանդ
զմի 'ի բիւրուց . “ Օ ի նուագունք ու-
մանք , ասէ , գտանիցին քաջայարմարք
'ի գործ և 'ի պաշտօն այդպիսի , : Աւ-
դարձեալ ասէ . “ Աթէ ոք գտանիցէ

Հայր խոստովանութեան ընտիր յըն-
 տրելոց, մի փութասցի փոխել զայն ա-
 ռանց կարևոր պատճառաց, : Արդ եթէ
 տեսանիցես զանձն քո 'ի մեղս անկեալ,
 փութա, սիրելի, զպարտուպատշաճ
 դեղ դարմանոյն առնուլ 'ի կիր : Ա'ի
 հաւատար զանձն քո յառաջնորդու-
 թիւն թոյլ խոստովանասօր, և մի
 խնդրեր վաղվաղակի արձակմանն ար-
 ժանանալ շնորհի : Յեղյեղեսցես 'ի
 միտսդ զնախադասութիւնսն զորս դա-
 տապարտեաց սրբազան հայրն Վննուլ-
 կենտիոս ժԱ, և տեսցես զի ոչ արտա-
 քոյ մնան և քահանայք մանաւանդ թէ
 այն շանթք դատապարտութեան առա-
 ւել իմն օրինակաւ ազդեսցեն 'ի քեզ
 յորժամ զպարտիս կատարելութեան
 քո զմտաւ ածիցես, յորս առաջի կայ
 քեզ 'ի վեր ելանել : Սուրբն թովմաս
 վիլլանովացի ասէր, եթէ որք ամենե-
 ցուն անխտիր տան զարձակումն հարք
 խոստովանութեան, 'ի կործանումն են
 եկեղեցւոյ . զի խաբեբայք են և մոլո-
 րեցուցիչք, և անագորոյն դահիճք հո-
 գւոց :

Ժ

Անմաքրոշիւն :

Ա . Թէպէտեւ բարեպաշտօն իցես , որդեակ , և ջերմեւանդն և խոնարհ , այլ յողջախոհ մաքրութենէ վերջացեալ , ոչ ինչ ես առաջի իմ . քանզի որ առտուածեղէն բարեկամութեանն թեկնածիցէ , պարտի արժանի վարս յանձին ցուցանել : Յաշխարհականաց եթէ որ յայրատ հայեցուածով 'ի կին մարդ նայեացի , և կամ խորհուրդս այնպիսիս զմտաւ ածիցէ՝ ծանունս մեղանչէ . այլ քանզի դու ուխտիւք խոստացար ինձ հրաժարել յաշխարհէ , վասն որոյ ոչ լոկ 'ի մեզս՝ այլ 'ի սեղանազերծ յանդրդնութիւն քեզ թուեսցի եթէ իշխեցես լծրնկէց լեալ՝ թօթափել զբեռն դիւրատար՝ զոր կամակարութեամբ կալար յանձին : Օ ինձի թուիցի քեզ , որդեակ . այն լեզու որ հանապազօր կուչէ զիս յերկնից անմաքուր լինիցի . ձեռք որ զանապականն իմ և զաստուածային

շօշափեան մարմին , տղմաշաղախք աղտե-
 դեալ իցեն : Եբր յիւրում սրտի ընկալ-
 ցի զորդի կուսին , որ զզաւակն Ես-
 տրղկան 'ի ծոցին կրիցէ : Եթէ մե-
 ղանչել կամիցիս , խնդրեա լեզու այլ
 քան զկարմրացեալն արեամբ իմով , այլ
 ձեռս քան զորս շօշափիցեն զսուրբ մար-
 մին իմ , այլ սիրտ որ պարտի բորբոքիլ
 սիրով իմով . զի եթէ անսուրբ բոցով
 վառիցիս՝ և իբր ապա ժպրհիս 'ի սե-
 ղան իմ մերձենալ , և զիս քահանայա-
 գործել :

Բ . Մինչդեռ զհրեշտակականն պա-
 հանջիս մաքրութիւն , չամաչիցես զերի
 լինել անարգ ախտից . մանաւանդ զի
 առաւելագոյն պարտք 'ի վերայ կան
 քեզ՝ նախաձաւոր մաքրութեան իմոյ
 լեալ՝ 'ի նոյն և զայլս խրախուսել՝ ոչ բա-
 նիւք լոկով , այլ և օրինակաւ անձին քո .
 Օ ի եթէ դու 'ի մաքրութեանն պար-
 զեաց վերջացեալ գտանիցիս , իբր 'ի
 բեմէ քարոզութեան զայլս 'ի նոյն վա-
 ուիցես . և զիարդ աշխարհիկք 'ի զեղջ
 եկեալ 'ի լալ հարկանիցին և 'ի խառ-
 նավար կենացն 'ի բաց կացցեն , մինչ-
 դեռ զքարոզդ տեսանիցեն ոչ ինչ ընդ-
 հատ վարս յանձին բերելով : Մասն

որոյ զի տացես օրինակ բարի աշխարհականաց, արժան է քեզ խորշիլ յամենայն ընտանութենէ որ յաչս այլոց թուիցի վնասակար: Մի՛ ՚ի ներքինդ քո վստահացեալ զիտակցութիւն՝ արհամարհեսցես զբանս նոցա. քանզի արժան է քեզ ոչ միայն ՚ի մեղաց հրատարել, այլ և յօրինակ բարեաց զանձն ընծայել ամենեցուն. վասն որոյ և ՚ի կենակցութենէ և ՚ի բանից իսկ արժան է քեզ փախչել որ յաչս այլոց անսուրբ թուիցին: Յայսպիսեաց աստի էթէ ոչ զգուշացիս, աղէտք անհնարինք և կործանումն բազմապատիկ ՚ի վերայ հասանեն ողորմ հոգւոց սիրելեացն ի մոց. զի իբրեւ բռնի ընդ քարշ ձգես զնոսա ՚ի մեղս:

Գ. Օգոյշ լեր անձին քում զի մի դիցես զոտս քո յայս ճանապարհ կորրուտեան, ուր դիւրին է մտանել և ելանելն դժուարահնար: Սատանայ քանզի գիտէ էթէ ՚ի գայթակղեցուցանել զձեզ՝ կրկնաշահ ճոխանայ, վասն որոյ ամենայն փութով զհետ պնդի, ճգունս բազմապատիկս ունի յանձին զի զձեզ մոլորեցուցէ: Մնկան մեծամեծ անձինք որ ՚ի սրբութեան և յառաքինու-

Թեան հաւասարապատիւ և բարձա-
կիցք էին հերոնիմեայ, Մփրոսիոսի և
մեծին Գրիգորի : Այլ քեզ եթէ
մի անգամ և եթ անկցիս . զի անկանել
մի անգամ հազարս զհետ իւր ձգէ ա-
նարժան խորհրդոց և գործոց , և անի-
րաւութեանց և ամպարչտութեանց :
Այլ այնուհետեւ այնչափ զօրացեալ
արմատացի 'ի քեզ ախտն այն չարա-
շուէր , զի ոչ ազդեսցեն երբէք խրատք
ծնողաց և աղօթք բարեսիրաց և յան-
դիմանութիւնք առաջնորդաց և հասա-
րակաց քրթմնջիւն . կորուսանես զհո-
գի , զկեանս , զինչս և զհամբաւ . և իբրեւ
'ի յուսակորոյս անմտութեան դանդա-
ջելով արհամարհիցես զչնորհս , զխայթ
խղձի և զսքանչելիս զլխովին . և ուղ-
ղութեան հաւատոց պաշտօնեայդ չար
քան զանհաւատսն ելով՝ վասն մար-
մնաւոր շահու 'ի մատակարարելոյ զխոր-
հուրդս եկեղեցւոյ և 'ի պատարագելոյ
ոչ դադարես , 'ի մոռացօնս իմն զգժոխս
արկեալ և զյաւիտենականութիւն : Այլ
մինչդեռ այսպէս 'ի չարութեան կեանս
զաւուրս մաշիցես , հասանէ մահ 'ի վե-
րայ և բառնայ զքեզ յաշխարհէ կամ յա-
նահնկալս և կամ անապաշխար կենօք :
Արդեակ իմ , մի վասն անարգ և ճնչին

Հաճոյից հաւասարեր զանձն քո անաս-
նոց անբանից, և մի դիցես զոտն քո
յայդ երկիւղագին ճանապարհ դատա-
պարտութեան: Աթէ հաճոյ իցէ քեզ
մասն բաժնի ընդ դատապարտեալն ու-
նել, լեր ապա անմեկին յանօրէն հա-
ճոյիցդ. այլ գէթ մի մոռանար և զայն
զի տէր քո և Մտուած կախեալ կայ 'ի
վերայ խաչափայտի. զի մահուամբ չափ
'ի խնդիր եղէ փրկութեան քո, և դու
զսէր իմ և զվերս ընդ ոտիւք կոխեցեր
և կամեցար երթալ 'ի կորուստն յաւի-
տենից:

Հրահանգք

Փախիր 'ի դատարկութենէ, պարըս-
պեա զզգայարանս, և զմարմինդ կրթեա
'ի մեռելութիւն ուսումնասէր փու-
թով, բարեկրօն վարուք և պահեցողու-
թեամբ: Յամենայն 'ի գործս քո, և
առաւել 'ի փորձութեանն պահու դի-
մեա 'ի վերս փրկչիդ, և զսուրբ կոյսն
արա քեզ բարեխօս. 'ի կենակցելոյ ընդ
աշխարհասէր և խառնակեցիկ արս և
կանայս՝ հրաժարեաց. 'ի կնոջէ զգոյշ

լեր, թէպէտեւ բարեպարիշտ իցէ և
 հոգեխրատ. քանզի ասէր սուրբն Սգ.
 նատիոս թէ և ընդ այնպիսեացն յա.
 ճախել 'ի բանս կամ զբոց վառեալ ծնա.
 նիցի և կամ զծուխ որ զանունն մրձո.
 տեալ ապականիցէ. մի վստահանար և
 յազգականս, այլ հանապազօր ածցես
 զմտաւ զբանս խրատուց Փիլիպպոսի
 Սերեան թէ նոքա են յաղթականք 'ի
 պատերազմի զգայութեանց՝ որք 'ի սկը.
 սանել մարտին վաղվաղակի տեղի տը.
 ւեալ փախչիցին :

ԺԱ.

Արծարսիրոշրիւն :

Ա. Յընչիցն սիրոյ 'ի բաց կաց, որ.
 դեակ : Աթէ ասիցես չունել զինչս,
 այլ զինչ իցէ անարգ կծծութիւնդ և
 իղձ զինչս կուտելոյ և բազմացուցանե.
 լոյ զարծաթ, և նախանձաբեկն լինել
 ընդ այլս : Իայց զի պատրուակ գեղե.
 ցիկ 'ի ձեռն առեալ քո զխոհեմութիւն

և զանտեսութիւն , և զարծաթսիրու-
 թեանդ կամիս քողարկել զախտ մնա-
 սաբեր : Ս'իջամուխ լինիս 'ի հրահանգս
 ուսմանց որ առաւել շայեկանք և օգ-
 տաբերք քեզ թուիցին , 'ի տուրեառս
 և 'ի հնարս աշխարհականս . սրտաճա-
 ոանս սրտաճառես օգնել մերձաւորացդ
 և կարեոր բարեկամաց՝ մինչդեռ այլ
 սէր գրաւեալ ունի զսիրտ քո , սէր ըն-
 չից : Մ. յլ որ աղետալին է , բազում
 անգամ և զսրբութեան կրօնս 'ի ձեռն
 առնուս սատար ընչաքաղց ազահու-
 թեան քո . ասես ծառայել եկեղեցոյ ,
 յաճախել 'ի պաշտամունս և 'ի քարո-
 ղութիւն կենարար բանին , յայց ելանել
 հիւանդաց և զհոգեհանգիստն կատա-
 րել . մինչդեռ ոչ վասն եկեղեցոյ՝ այլ
 վասն արծաթոյ ընդ քիրտն դաս և ընդ
 ապաժոյժ : Թեպէտեւ խիղճ՝ մտացդ
 զքեզ հարկանիցէ , սակայն 'ի պատա-
 րագելոյ ոչ հրաժարես՝ զի մի զտուրս
 ողորմութեանն կորուսանիցես : Օ՛ր է
 զի ոչ կամիս զբրիստոնէականն ուսու-
 ցանելով վարդապետութիւն հրահան-
 գել զմանկտին . բայց զի չիք ինչ անդ
 ակնկալութիւն շահուց . առ իմէ՞ այդ-
 չափ փոյթ յանձին ունել վասն մեռե-
 լոց՝ և զկենդանեացն ինչ ոչ հոգալ . առ

իմէ՞ յաճախել 'ի դրունս մեծամեծաց
 և զաղքատսն բարձի թողի առնել :

Բ . Օ խորդ կարիցէ որ ջերմեռանդն
 փափաքանօք սիրել զիս և զհոգի իւր ,
 մինչդեռ սիրտն հարեալ կայ զագահու
 թեամբ : Վասն այնորիկ եթէ յեկե
 ղեցի որ մտանիցէ , աւանդ , բազում այն
 է զի թուիցի նմա ոչ 'ի խնամս հաւա
 տարիմ ծառայից յանձն եղեալ , այլ
 մանաւանդ իբրեւ 'ի թշնամեաց յաւար
 հարեալ . անօթքն սրբութեան գարշք
 և աղտեղիք և սպասքն անմաքուր . վասն
 զի ամենայն որ զանձինն խորհի և ոչ
 զ՛ստուծոյ . և որոց արժան է զեկեղե
 ցւոյ ունել խնամ , 'ի գործս աշխարհա
 կանս և 'ի տուրեւառս պարապեն . յա
 փրշտակեն զինչս այլոց , կաշառակուրծ
 լինին անօրէնութեամբ . երգնուն սուտ ,
 սեղանակապուտք , որ վասն պատարա
 գեացն կագեն , որք զխորհուրդս 'ի վա
 ճառ ածեալ ձգեն : Վահանայք այդ
 պիտիք եթէ ընդ տեառն իւրեանց և
 Մստուծոյ այսպէս քաղաքավարիցին ,
 զիւրդ ապա զմերձաւորաց իւրեանց ու
 նիցին խնամ . մանաւանդ թէ որպիսի
 աղիտից զինիցին պատճառք : Օ ահն
 'ի մեծութիւն եղեալ՝ հարստահարեն

զազգակիցս, և զազքատս թողուն անայ
ցելուս . քանզի զասր նոցա խնդրեն, և
յաղագս փրկու թեան նոցա չունին փոյթ
յանձին . վասն որոյ զապաշխարողսն ոչ
խրատեն դառնալ յուղղութիւն, այլ
մանաւանդ փութաջան խնամովք տան
զարձակումն՝ զի մի գժդմեսցին, և ՚ի
սովորական տրոցն և յողորմութեանց
կարճեսցեն զձեռս : Այլ թէ յայսպիսեաց
սակի իցես և դու, զահի զամօթի հար-
կանիջիր . իսկ եթէ չեւ հասեալ յայդ
սահման չարեաց՝ երկիր ՚ի մօտալուտ
վտանգէն . քանզի և մին յերկոտա-
սանից Յուդաս ՚ի փոքունց սկսեալ՝ և
ապա իբրեւ զաչացու և յամառեալ ՚ի
չարիս և ինքնադատապարտ մեռաւ :

Գ . Նշէր իցէ քեզ, սիրեցեալ որ-
դեակ, վասն դոյզն կաւոյ և տղմոյ կո-
րուսանել զժամանակ, զհանգիստ, զպա-
տիւ և դնել ՚ի վտանգի զհոգի քո :
Օ ինչ մխիթարութիւն իցէ քեզ այդ
զի յօրհասիդ ժամանել տեսանիցես
զտուն և զազգատոհմն քո մեծացեալ
բարեօք և զանձն քո թափուր ՚ի գոր-
ծոց բարեաց . զի է զի խրատեալ յինէն
գանձել գանձս յերկինս ուր ոչ ցեց և
ուտիճ ապականեն և կամ գողք ական

Հատանեն և գողանան , դարձեալ երկ-
րաւորացն լինիս 'ի խնդիր : Հայեաց
յիս և յառաքեալսն իմ և 'ի նմանիս
նոցա , որք յամենայնէ մերկացեալ անոք
անօգնական ընթացան զհետ իմ : Օ նոյն
և դու արա . շատացիր կարևորօքն , և
այլ ինչ եթէ յաւելուցու՝ յօգտակար
պէտս ծախեա . և այնպէս երկնից ար-
քայութեանն լինիցիս ժառանգակից :
Բարբէ , քանի երջանիկ է աղքատու-
թիւն , և զիարդ թշուառական մեծու-
թիւնն :

Հրահանագր

Բազում այն է զի որք զակատեալ են
զհետ ընչից , յանառակ շուայտութիւնս
հատանին և 'ի զքօսանս անպատկանա-
ւորս : Բազեւ յինչս և կամ վատնել
զնոսա յանարժանս , վատանուն առնեն
զայր քահանայ , և 'ի կործանումն են
անձին նորա : Ասան որոյ այժմէն փոյթ
յանձին կալցիս քաւել զմեղս քո զան-
ցեալս , և յառաջիկայիցն զգուշանալ .
եթէ վէճս ունիցիս , սիրեա զխաղաղու-
թիւն . եթէ ծախս 'ի քեզ տեսանես ա-

ւերորդս , կարճեա . և սահմանեա տալ
 տուրս ողորմութեան ըստ կարի քում :
 Վրոշմեա 'ի սրտիդ զբանս սրբոյն Փի-
 լիպպոսի՝ Վերեան զի թէ որ ինչս խնդրէ ,
 չկարէ ունել զհոգի . և որ զհոգիս խըն-
 դրիցէ , արժան նմա հրաժարել յար-
 ծաթսիրութենէ : Յաւելու ասել և
 երանելին Ղեքսանդր սաւլեան . “ Ս-
 թէ ժողովուրդն տեսանիցէ զօրացեալ
 'ի քեզ զընչաքաղցութիւն , թէպէտեւ
 սքանչելիս գործեսցես , սակայն ոչ հա-
 ւատայցէ ” :

ԺԲ

Ամբարտաւանութիւն :

Ա . Պաշտօն քահանայութեան ոչ
 խնդրէ 'ի քէն զծուխ հսլարտութեան ,
 այլ զսէր խոնարհամիտ առ 'ի ծառայել
 ժողովրդեան , սպասաւոր լինելով հո-
 գւոց և կեցուցանել զնոսա : Օ իմրդ
 մարթիցի ամբարտաւանութեան կալ
 ընդ ձեռով խոնարհութեան , իբր կա-

րասցես ծառայել մարդկան առ մարդա-
 հաճութեան առանց օգտելոյ նոցա , և
 'ի վնաս անձինդ , կամ մտադիւր պարա-
 պել յայնպիսի վաստակս որ քեզ սլայծա-
 ռափայլ թուիցին : Մբարտաւան բար-
 ճրամտութիւն քո հրաժարեցուցանէ
 զքեզ լինել աւետարանիչ աղքատաց ի-
 մոց , այլ առ մեծատունս միայն յաճա-
 խել քաղցրաբան մարդերու զութեամբ .
 վասն որոյ և երկնչիս յանդիմանել զնոսա
 վասն մեղաց իւրեանց , զի մի անհաճոյ
 յաչս նոցա երևեսցիս . և զի յաղքա-
 տաց՝ երկրաւոր բարեաց չունիս ակն ,
 վասն որոյ ոչ իբրեւ զհայր բազմազութ ,
 այլ իբրեւ բռնակալ հարստահարես զնո-
 սա . ոչ մայրօրէն խնամես , և դայեկաբար
 զհոգիս սնուցանես , այլ գազան ես ա-
 հացուցիչ և գիշատիչ : Յարհամարհու-
 թիւն անձին համարիս ուսուցանել
 զքրիստոնէական վարդապետութիւն ,
 հրահանգել զաղքատ շինականս , յայց
 ելանել բանտից և հիւանդաց . քանզի
 յամենայնի զփառս անձին խնդրես :
 Մհ , որդեակ , քանի մեծ է կուրու-
 թիւնդ զի չունիս 'ի յարգի զիմ խոնար-
 հութիւն զպանծալին զարդ քահա-
 նայութեան քո , և 'ի հպարտութիւն
 շրջես զպաշտօնն խոնարհութեան :

Բ. Օ ինչ օգտեսցենք քեզ 'ի կա-
տարածի մարդահաճութիւնք, և գո-
վեստք աշխարհականք: Օ ի ոչ եթէ
համարեալն յաչս աշխարհի իցէ մեծ,
այլ զոր ես լաւ վարկանիմ: Եւ զու-
առ հաճոյ լինել մարդկան՝ անհաճոյ
լինիս յաչս իմ, եղեալ ես 'ի սրտի
փառաւոր առնել զանձն քո պերճու-
թեամբդ 'ի բանս, 'ի զգեստս և 'ի
կենցաղավարութեան, և ոչ գիտես թէ
առաւել անպատիւ զքեզ առնես. քան-
զի համարին զքեզ բանակուիւ, յան-
դուգն, գող և աւազակ, յափշտակիչ և
վատնիչ ընչից Վրիստոսի, և աղքա-
տաց նորա. յամառեալ և լի հողմով ու-
նայնութեան աշխարհի, և կանացի բա-
րուք. և պարզաբար այնպիսի, յորմէ
պարտ էր քեզէն շառագունել: Տես
միանգամ զխոնարհս իմ, զի ոչ խնդրեն
զիւրեանցն, այլ զփառս տեառն. որպէս
փարթամացեալ են գործովք բարեաց
և մեծանուն յաչս աշխարհի, սիրե-
ցեալք և փառաւորք վասն ցածուն հա-
մեստութեան իւրեանց, և բարուցն
բաղցրութեան:

Գ. Մուտ յանձն քո, և տես եթէ
'ի քանի բարեաց զրկես զքեզ. և որ-

չափ մեղս մեղանչես ատելութեան ,
անհնազանդութեան , անիրաւութեան ,
սիմոնականութեան , անհամեստութե ,
կեղծաւորութեան և գայթազդութե :
Եւ զիւրդ յետս կացցես 'ի մեղաց այ-
տի , և ուղղեսցես զանճն քո , եթէ
զյանդիմանիչսն ատիցես և զխրատիչս ,
և ծաղր արարեալ այպանիցես : Օ գոյշ
լեր , մի արդեօք առ խոնարհեցուցանե-
լոյ զքեզ թոյլ տաց քեզ անկանել յաղ-
տեղի անհամեստութիւնս և 'ի հաւա-
տոց իսկ ելանել , որպէս այս անցք անցին
ընդ բազում ամբարտաւանս . և յայն
ողորմ պայման հասանիցես , զի այլ ինչ
ոչ կարիցես առնել , բայց պարծիլ և խըն-
դալ ընդ գլորելդ և ընդ անօրէն վարս ,
և ընդ չարաչար ազատութիւնդ : Մեղք
քո և արդարութիւն իմ նկուն արաս-
ցեն զքեզ , և յօժարամիտ յուղղու-
թիւն : Մպա թէ ոչ , գիտեա զի որպէս
չինայեցի յարուսեակն , ոչ ինայեցից և
'ի քեզ : Յորչափ ամբարտաւանիցես՝
ես եղէց քեզ հակառակ . իսկ եթէ
խոնարհ լինիցիս ճշմարիտ և հաստա-
տուն փութով , շնորհօք իմովք ճոխա-
ցուցից զքեզ :

Հրահանգք

Խաղաղութիւն կալձիր ընդ ամենեւին, և մի տար տեղի բարկութեան .
 Աստուծոյ է զվրէժ խնդրել, այլ դու յաղթեա բարեաւն չարին : Առաւելապէս զայդ խաղաղութիւն պահեցես ընդ ընտանեակս, և ընդ այլ քահանայս : Մերեա զխրատիչն քո, և մի լինիր յանձնապատան : Մի զոք անգոսներ, այլ արհամարհեա զանձն քո . խոյս տուր 'ի փառաց, սիրեա զխոնարհագոյն պաշտամունս : Սուրբն Ախարիանոս վկայ և սուրբն Պաւլինոս նողայեցի ականաւոր և հոյակապ անձինք ոչ ինչ ամօթ համարեցան աւել ածել տան տեառն, և սուրբն Մելաս եպիսկոպոս յարդարէր զճրագունսն : Մի խնդրեր զմեծ բարձ և պատիւ, այլ զմեծ առաքինութիւն : Մեծարգոյ ծիրանաւորն Մելարմինոս ասէ եթէ քաղումս գտի յամենայն ժամանակի զսուրբ անձինս որք հրաժարեցին և փախեան, և բռնի և եթ յանձն առին զաշտիճան պատուոյ . այլ ոչ երբէք մարթացայ գտանել զմի և եթ, որ զայն խնդրիցէ կամ ցանկանայցէ :

ԺԳ

Մահ :

Ա . Յուշ ածցես , որդեակ , զի առաջի կայ քեզ մեռանել : Կու ինքնին մերձ կաս որոց 'ի հոգեվարս իցեն և կամ յաշխարհէ հրաժարեալ , պատարագ մատուցանես վասն ննջեցելոց . և չաժիցես զմտաւ թէ յետ սակաւուց զնոյն ունիցին առնել և ընդ քեզ : Կ պաքէն և քեզ կայ մնայ դնիլ հրապարակաւ յեկեղեցւոջ . ամփոփիցին առ քեւ նշանակք քահանայու թեան , և թաղեսցիս արժանաւոր պատուով . և ասիցեն մարդիկն , եթէ մեռաւ այս ոք քահանայ զուարթ և աշխարհասէր , և 'ի ձայն վերջին զանգակի անհետասցի յիշատակ քո յերկրէ : Կարձ քո և պատիւ , և հանդերձք և սպասք և դիւրութիւնք , զոր վասն անձին քո պատրաստեցեր , ում լինիցին . այլ այնմ 'ոյր չիցէ փոյթ յիշել զքեզ , և վայելեացէ յինչս քո զորոց դու այնչափ հոգ ինամոց կալար յանձին :

Եթէ մարթ էր քեզ յետ ամաց ինչ միւսանգամ դառնալ 'ի կենդանութիւն, տեսանէիր անշուշտ զամենայն ինչ զքո վատնեալ և ցրուեալ: Մարմինդ քո գիրդ և փափկասուն, լինիցի 'ի ճարակ որդանց: Ալ կարևոր անգամ բարեկամք քո և սիրելիք յետ մահուանդ և ոչ զմի գիշեր կարասցեն ննջել 'ի քում սենեկի առ դիակնացեալ մարմնոյդ: Ա՛հ, զի՛նչ լինիցի ընդ հոգի քո:

Բ. Ի հասանել օրհասին, և 'ի կատարած առնուլ աշխարհի վասն քո, վախճան առցէ և ամենայն խաբէութիւն: Ի լոյս ճրագի զոր 'ի սնարից քոյ դիցեն, զի՛նչ երևեսցին յաչա քո մեծութիւնք, հաճոյք, փառք և մարդկային ակնածութիւնք, զորոց այնչափ հոգ յանձին ունէիր: Առստովան լիցիս անշուշտ, թէ ամենայն ինչ ունայնութիւն է և զբաղումն չար: Օ ինչ օգտիցէ քեզ յայնժամ դիտութիւն սրնոտի և ճոռումաբանութիւն, եթէ թափուր իցես 'ի գործոց բարեաց: Ա՛րհամարհ թուեսցին յաչա քո որ բարեկարգ կենօք և առաքինափայլ վարուք քաղաքավարեցան յաշխարհի, եթէ նախանձ ընդ նոսա բերցես տեսանելով եթէ

զիարդ վաղանցուկ և ընդունայն է աշխարհ : Քանիք ոմանք 'ի սպասաւորաց քանին նրբամիտք և քարձրամիտք 'ի յետին անդ սրահու 'ի միտ առեալ զմեծութիւն լուսաւորութեանց , շնորհաց , և պարտեաց և մեղաց իւրեանց՝ ցնորեցան 'ի մտաց յուշ ածեալ զթերութիւնս իւրեանց . այլ իբրեւ զՆստիւքոս և զՅուդաս անապաշաւ կենօք ելին յաշխարհէ , տալ զհամար չարեաց գործոցն իւրեանց յարդարադատ ատենին :

Գ . Ը վայրկեան ժամանակի տեսցես զանձն քո մերձեցեալ առ սեամս դրանց յաւիտեանականութեան : Ա՛հ , իցէ թէ չէր քո ծախեալ զժամանակդ 'ի դատարկութեան նստելով 'ի լսել նորալուրս , շրջելով տանէ 'ի տուն , 'ի համախմբութիւնս և 'ի զրուցաբանութիւնս , կամ 'ի գործս՝ որ չէին անկ եկեղեցականաց , այլ պտղաբերեալ գործովք պաշտօնակցաց քոց , և քանի խնդութիւն ունէր զքեզ յայնժամ : Յանկանալով ցանկասցիս ունել զմի օր յաւուրց անտիկորուսելոց , կամ գէթ զմի ևեթ ունել ժամ առ ընդունել զթողութիւն , զշնորհ , որով և զփառս : Քայց ոչ ոք լուի-

ցէ քեզ . պարտ էր չվատնել զժամանակն
մինչդեռ 'ի քո ձեռս էր : Ընդհտանայիր
թէ զինչ գործեսցես , յորժամ երկայ-
նեալ ձգէր տիւն , և ոչ 'ի վերայ դայր
երեկոյ . իսկ այժմ վճարեալ է ամե-
նայն . և միթէ միսիթարեսցիս : Օ մը-
տաւ աժ զի եթէ այժմ հասցէ քեզ
մահ , որպէս արդեօք գտանէիր զանձն
քո : Ընդէր չապահովես զանձն՝ առնե-
լով անդանդաղ զայն ինչ , զոր կամէիր
յայնմ պահու թէ արարեալ իցէ քո :
Ես կանուխ ազդեցի քեզ , և արդ եր-
կրորդեմ որպէս հայր բարեգուժ . գոր-
ծեա՛ զբարին , մինչ չեւ պակասեալ
իցէ քեզ ժամանակն , մինչ չեւ արհա-
ւիրք յաւիտենականութեան հասեալ
պաշարիցեն . յայնժամ դայ գիշեր , յո-
րում ոչ կարիցես գործել :

Հրահանգք

Խորհեաց , զի եթէ այժմ իսկ հաս-
ցէ քեզ մեռանել , ունիցիս ինչ արդեօք
խայթ խղճի . և վաղվաղակի 'ի բաց
արա զայն 'ի քէն : Հատո զոր պար-
տիսդ , հրաժարեաց 'ի տանէ անտի և

յազգատոհմէ որ լինի քեզ 'ի գայթակ-
 ղութիւն , և յորոց 'ի սոցին սակի :
 Մատիւր 'ի խոստովանութիւն , պա-
 տարագեա և հաղորդեսլիւր իբրու եթէ
 զվերջինդ առնուցուս թոշակ , և ասա
 անձամբ անձին զաղօթս զոր այլք յա-
 ւանդելզհոգիդ մատուցանիցեն : Սուրբն
 Եղմոնդոս արքեպիսկոպոս Կանտաբ-
 րիոյ տեսեալ զանձն մերձեալ 'ի դրունս
 մահու՝ մեծափափաք սիրով խնդրեաց
 ընդունել զխորհուրդն սուրբ . և համ-
 քարձեալ զձեռս առ տէր և ասաց հա-
 ռաչելով . Վու այն ես , յոր հաւատա-
 ցի , զոր քարոզեցի . դու ինքնին վկայես ,
 զի զքեզ միայն խնդրեցի յամենայն 'ի
 կեանս իմ . ոչ իմիք ցանկացայ , և ոչ
 ցանկանամ , բայց զի արարից յամենայ-
 նի զկամս քո , Լստուած :



ԺԳ

Դարձեալ յաղագս մահուան :

Ա . Ղաու ինքնին գիտես , որդեակ , զի որպէս կեայ ոք , նոյնպէս և մեռանի : Այլ ես ասացի քեզ , եթէ պատուական է առաջի տեառն մահ սրբոց իւրոց : Մազումք 'ի սրբանուէր սպասաւորաց քանին 'ի մեռանել եկեալ՝ գոչեցին սրբտակաթ եթէ ոչ գիտէի թէ այսչափ քաղցր իցէ մեռանել : Օ ինքն սքանչելի է մեռանել յորժամ ոք 'ի կեանս իւր վաստակեալ տքնեցաւ 'ի փրկութիւն հոգւոց : Մայց և քանի դառն է մահ մեղաւորին և որոց 'ի մեղս և 'ի դատարկութեան մաշեցին զաւուրս իւրեանց , զի մերձեցեալք 'ի մահ նզովիւք նզովեցին զօրն յորում ծնան , և զժամն յորում մատեան 'ի սպասաւորութիւն սեղանոյն : Ղաու ցանկաս մահուան արդարոց . այլ զինքն գտանիցես զայն թուլամորթ կենօք վատթարաց : Օ ի է զի ոչ հաւատս ընծայես սպառնա-

լեաց իմոց և աչաց քոց գլխովին որք տեսին զմխիթարութիւն սրտի բարեաց, և զանմխիթար վիճակ չարաց 'ի պահու անդ: Օ այս ամենայն դու ինքնին ասես այլոց և քարոզես. և միթէ այլ աւետարան իցէ վասն քո, այլ օրէնք, և այլ գիրք: Եւ իմէ այնպիսի կեանս վարես, զորոյ ճանաչես և խոստովան լինիս զչարութիւն և թէ ոչ տայ քեզ քաջալերս առ 'ի մահ:

Բ. Այլ թէ որ սկսանիցի՝ բարիօք մեռանի, այլ որ տւեալ հանապազորդէ մինչեւ 'ի մահ: Եւ բարւոք մեռանել պէտք են ունել զառանձին պարգեւ վախճանական շնորհաց իմոց: Մի յանյուսութեան դեգերիր, բայց միանգամայն յիշեա զի: Յուդա կոչեցեալ յինէն յառաքելութիւն, բարւոք սկսաւ և չարաչար վախճանեաց: Յուշ լիցի քեզ, զի սակաւք 'ի քահանայից կեանս ըստ արժանեաց, վասն որոյ և սակաւք մեռանին ըստ բաղձանաց: Յուշ լիցի քեզ, զի յոլովք 'ի քահանայից թէպէտեւ սուրբ գտան, այլ երկնչէին և դողային զի մի չարւոք մեռանիցին: Հապա արիացիր և բուռն արա անձին քում. և սուրբ ահիւ և դողութեամբ գործեա

զփրկութիւն անձին յաշխատութեան ,
 'ի վաստակս , և յողորմութեան , 'ի մե-
 ռելութիւնս , 'ի պահս , և յանարատ ող-
 ջախոհութեան . իսկ եթէ անեռանդն
 և աներկիւղ իցես և չունիցիս փոյթ
 ուղղել զանձն քո , այնուհետեւ արժան
 է և ինձ մոռանալ զսէր իմ և յանգիւտ
 կորուսան զքեզ առաքել : Մազում ժա-
 մանակք են զի սպասեմ քեզ . և դու
 թէսկտեւ ըղձանայցես զբարւոյ զհետ
 երթալ , սակայն ոչ կարես տեսել 'ի
 նմին : Հայա , վասն զի մահն ոչ սպա-
 սեալ մնայ ամփոփել զքեզ յայնմ աւուր
 և 'ի ժամանակի յորում 'ի շնորհս իցես
 և յեռանդան , քանզի յորում ժամու
 ակն ոչ ունիցիս , գայ որդի մարդոյ :

Գ . Մի անգամ միայն լինի մեռա-
 նել . եթէ ոչ բարւոք մեռանիցիս զայն
 նուագ , եղձեկ քեզ . անհրաժեշտ կոր-
 ծանու մն կայ մնայ քեզ : Մ վերայ խա-
 ջի մեռայ ես , զի և դու մեռանիցիս
 զբարիոք մահ . կարող էի յանկարծա-
 մահ զքեզ առնել , և մահու հարկանել
 'ի մեղս , այլ որպէս հայր բարեգորով
 խնայեցի 'ի քեզ՝ մնալով դարձի քում :
 Մ երստին ազդ առնեմ քեզ . պատրաստ
 կաց , զի ոչ գիտես զօրն և ոչ զժամն :

Արի անագորոյն ես ընդդէմ անձինդ ,
 և ապաշնորհ առ տէր եթէ յապաղիցես
 և զմի վայրկեան զդարձդ առ իս : Վաջ
 խորհեսջիր որդեակ , զի չիք տարակոյս
 թողութեան զոր քեզ առաջի առնեմ
 և խոստանամ , եթէ այսօր զղջասցիս ,
 եթէ յայսմ ժամու ճշմարտապէս՝ ի դարձ
 և յուղղութիւն գայցես . այլ ոչ խոս-
 տանամ քեզ , և մի յապահովի լինիցիս
 վասն վաղուեան դարձի քո : Վ միտ առ
 զիմ փոյթ խնամոց վասն բարւոյ հոգւոյդ
 նաեւ յայնմ զի անստոյգ թողի զժամ
 մահու քոյ . որպէս զի անտեղեակ գո-
 լով յամենայն ժամ՝ ի պատրաստի ի-
 ցես :

Հրահանգք

Իրաւ արա ընդ Մատուծոյ և ընդ ըն-
 կերին : Մրա զկտակ քո , ըստ խրատու
 սրբոյն Մզոստինոսի , յառողջութեան
 քում . կտակեա զհոգիդ Մատուծոյ ,
 զմարմինդ հողոյ և զինչսդ ժառանգողին :
 Ուղղեա զընթացս կենացդ այնպէս
 որպիսի կամէիր լինել ՚ի պահու մա-
 հուանդ առանց ամօթոյ առաջի Մատու-

ծոյ և մարդկան և անձինդ գլխովին . և
 արա անյապաղ՝ զոր կամէիրդ առնել
 յայնմ ժամանակի : Աչ մեռանի յան-
 կարծ , որ միշտ կայ 'ի պատրաստի և
 հանապաղ զմտաւ ածիցէ թէ կայ մնայ
 նմա մեռանել : Երանելին Վրիգոր
 Պարպառիկոյ յընդունել անդ ջերմե-
 ոանդն փափաքանօք զսուրբ խորհուրդն
 և 'ի յիշել զդատաստանն Մատուծոյ ,
 որում յետ սակաւուց առաջի կայր նմա
 յանդիման լինել , լցաւ երկիւղիւ և դո-
 ղութեամբ , և ամբարձեալ զձեռս և
 զաչս յերկինս , լալագին ձայնիւ երկրոր-
 դէր . Մ՛հ զի՛նչ լինիցի ընդ իս . և հա-
 րուստ մի ժամս կրէր զտագնապ յերե-
 սաց ահի սաստկապահանջ աստենին ,
 մինչեւ յետոյ ուրեմն երկիւղն այն փո-
 խեցաւ 'ի խաղաղութիւն : Օ՛րնչ լի-
 նիցի և ընդ քեզ :

ԺԵ

Դատաստան :

Ա . Յատենի իմում և աշխարհիկք սաստիկ համարս պահանջեսցին . և զինչ ապա դու որդեակ , որ եւս մեծա մեծ պարտեաց ես պարտական : Ասացից քեզ յայնմ պահու : Սատիր այսր առ իս , ոչ միայն որպէս մարդ և քրիստոնէայ , այլ և որպէս քահանայ՝ զօրինաց իմոց , զաշտիճանիդ , զպարզեացս և զքոյոցդ պաշտամանց , և զանձին և զօտարին մեղանաց տալ զհամար : Տուր ինձ համար զամենայն չարեացդ զոր գործեցեր . և 'ի լոյս պայծառ երևեսցին յայնժամ մեղք քո բազմապատիկք գործեալք 'ի քէն . և 'ի դատաստանէ իմմէ ոչ ելցես արդարացեալ . տուր զհամար ոչ միայն զյանցուածոցդ , այլ և զայլոց որոց եղեր պատճառք մեղանչելոյ չար օրինակօք , խեղկատակութեամբք և խրատտուութեամբք . կամ զորս առ պղերգութեան

կամ մարդկային ակնածութեան չար-
 գելեր որպէս պարտն էր՝ և ոչ ՚ի չա-
 րեաց զգուշացուցեր : Տուր զհամար ա-
 մենայն բարեացն , զորս պարտէիր առ-
 նել , և զանց արարեր , կամ չարաչար
 գործեցեր : Այլցէ ՚ի հանդէս յահեղ ա-
 տենիս , որպէս մտեր յուխտ եկեղեցւոյ .
 որ խորհուրդք էին սրտի քո , և որպէս
 պահեցեր , լցուցեր և մատակարարե-
 ցեր զտնտեսականս , զկտակս , զբարե-
 պաշտական հասս , զինչս եկեղեցւոյ . և
 զիւրդ կեցեր ՚ի քահանայութեան կար-
 գի : Տուր զհամար ուսմանցդ և զջանից ,
 զպատարագաց , և զբարի օրինակիդ ,
 զհրահանգաց , զբարոզութեան , զխրա-
 տուց , զյանդիմանութեանց : Աթէ հայր
 խոստովանութեան եղեր , որպէս ժողո-
 վեցեր առ քեզ զհոգւոյ որդիս . որ-
 սացար եթէ ուծացուցեր ՚ի քէն . օգ-
 նեցեր նոցա փութով խնամոց և ողոր-
 մութեամբ եթէ մարդկային ակնածու-
 թեամբ . որպէս հարցեր , ազդ արարեր ,
 բուժեցեր կամ արձակեցեր զտղէտս և
 զ՚ի մեղս սովորեալս : Աթէ առաջնորդ ե-
 ղեր , որպէս տքնեցար և պահեցեր և ա-
 րածեցեր զհաւատացեալ քեզ ոգիս :
 Մինչդեռ ժամանակն ՚ի ձեռս է քո ,
 խնամ կալ իրացս . այն զի կարի սուղ է

Ժամանակդ : Աթէ այսօր, յայսմ գիշերի
 հասցէ քեզ մահ, և կոչեցից զքեզ տալ
 զհամար, զի՛նչ լինիցի ընդ քեզ :

Բ • Արչափ քահանայք առ անպիտա-
 թեան եւեթ իւրեանց դատապարտ
 լինիցին : Վանիք ՚ի քոց պաշտօնակցաց
 ասիցեն ցիս • Տէր, ո՞չ յանուն քո քարո-
 ղեցաք, մարգարէացաք և դեւս հա-
 նաք • և յանուն քո բազում և մեծա-
 մեծ զօրութիւնս սքանչելեաց արարաք :
 Մայց առ նմին լուիցեն, եթէ ՚ի բաց
 կացէք յինէն ամենայն մշակքդ անիրա-
 լութեան • զի ես զձեզ ոչ երբէք որպէս
 զիման ծանեայ : Աթէ ոչ շինես յիմ
 վերայ իբրեւ յոսկւոյ զտոյ զառաքինու-
 թիւն ճշմարիտ, յարդն անպիտան և
 գեղեցիկ տերեւք առերևոյթք չարժէն
 ինչ յաւուրն յայնմիկ : Աթէ ՚ի դատելս
 և արդարք իսկ հազիւ կեցցեն, զի՛նչ լինի-
 ցի ընդ քեզ ընդ մեզաւորդ և ընդ ամպա-
 ըիշտ : Արում շատ տուաւ, շատ խնդրես-
 ցի առ ՚ի նմանէ : Վու ճոխացեալդ առ
 յինէն ընտիր պարգևօք, որ ունէիր զայն
 չափ ժամանակ և զլոյս շնորհաց, և զհան-
 ճար և զգիտութիւն և զաստուածեղէն
 գոգցես իշխանութիւն, կամէիր արդեօք
 զի պարգեւք իմ դարձցին լինիցին յա-

ուիթ դժնդակագոյն դատապարտու-
թեան : Ար առաւելեալն է 'ի ձեզ
ձրիւք , առաւել սաստկապահանջ դա-
տեսցի , զի հզօրք հզօրագոյնս պահան-
ջեսցին , և 'ի վերայ զօրաւորաց՝ զօրա-
ւոր քննութիւն հասանէ : Աւ զի՞նչ
ընդ քեզ լինիցի , որ սրբանուէր պաշ-
տամամբդ մեծ ես քան զամենեսին , և
գահագլուխ ամենայն հզօրաց :

Գ . Օ ինչդ 'ի չքմեղս լինիցիս յա-
հաւոր դատաստանին : Օ տղիտութիւն
արդեօք ինձ 'ի դէմն բերցես , վար-
ժեալդ 'ի հրահանգս վարդապետու-
թեան : Այլ դպրոցք , մատեանք և բեմն
յաղթահարեսցեն զքեզ վասն քոյոյ
անդոսնելի անդիտութեան : Օ տը-
կարութիւն արդեօք պատճառիցիս :
Միթէ կարիցես ասել յայնժամ , թէ
պակասեցին քեզ զօրութիւն և հան-
ձար . մինչդեռ զայնչափ քահանայս և
զաշխարհականս տկարս քան զքեզ , որոց
տակաւ էր դիւրութիւն , և յոլովագոյն
փորձութիք , տեսանիցես զի արարեալ է
նոցա բազում բարիս վասն անձանց և
վասն այլոց . կամ թէ կարո՞ղ իցես ա-
սել յայնժամ , թէ այլք եւս պաշտօնա-
կիցք իմ իբրեւ զիս քաղաքավարեցան :

Միթէ խրատք և աղճատանք աշխարհասիրաց կարող իցեն ապրեցուցանել զքեզ, յորժամ տեսցես զբազմութիւն չար խորհրդատուաց և խեղկատակաց՝ ի կորուստ մատնեալ: Ասացի քեզ արհամարհել զնոսա, և բռնադատել զանձն քո՝ չերթալ զհետ սովորութեան ունայնասիրաց, այլ սիրել զխրատս վարդապետութեան իմոյ. այլ դու ամոքեալ ՚ի սնուտի պատճառանս, և ՚ի մուրացածոյ հաճութիւնս՝ կամիցիս դէմ ընդդէմ սիրոյ իմոյ զդատապարտութիւն այնչափ մեծ, որչափ մեծամեծ եղեն պարտիք քո, և շնորհք և պատիւ, զորս ընկալար:

Հրահանգք

Արհամարհեա զաշխարհ և զխրատս պատուիրանաց նորա, գիտելով թէ Աստուած է քո դատաւոր: Վատեա զանձն քո, մինչ չեւ եկեալ իցէ ՚ի դատաստան ինքնին Աստուած, որ դատիցի և զարդարութիւն գլխովին, և զգործս անգամ սրբութեան ոչ ըստ դատման աշխարհի, այլ ՚ի կշիռս սրբ-

բութեան սրբոց : Սուրբն Հերոնիմոս
 յետ այնչափ խստակրօն ճգնութեան ,
 և սրբակրօն կենաց՝ զոր ծախեաց յօգուտ
 մեծ եկեղեցւոյ , զօրհանապազ երկնչէր
 ՚ի դատաստանէ , և թուէր նմա յամե-
 նայն ժամ լսել զփողն ահաւոր , որ կո-
 չիցէ զնա յահագին ատեանն : Սուրբն
 Մարտիրոս զմտաւ ածեալ զհամարն
 զոր առաջի կայր նմա տալ վասն անձին
 և այլոց , համարէր զանձն նուաստ քան
 զամենեւին , և յանձն առնէր զինքն ա-
 ղօթից նոցա , երկնչելով և դողալով
 յառաւել դատապարտութիւն զնալ
 քան զամենեւին յաղագս մեծագոյն
 պարտուցն :

ԺԶ

Դարձեալ յաղագս դատաստանի :

Ա . Եթէ չկամիցիս , որդեակ իմ ,
 վարս արժանաւոր պաշտաման քահա-
 նայութեանդ բերել յանձին , վայ է
 քեզ : Քանզի օր դատաստանին լի-

նիցի քեզ յայնժամ օր ահի և անձկու-
 թեան, խաւարի և միգի : Օ ի երկինք
 և երկիր, տարերք, և հրեշտակք, և
 դեւք, և ամենայն արարածք ելցեն
 խնդրել զվրէժ իմ՝ ի քէն, և ամենայն
 սուրբք ընդ իս մերկասցին զսուսեր քի-
 նու. սուրբ կոյսն Վարիամ երեւեսցի
 քեզ ահագին ցասմամբ, և զաթոռ ա-
 մենակալ մեծվայելչութեան իմոյ տես-
 ցես որպէս թէ ճօճիցէ, և իբրեւ զսայ-
 րասուր նիզակ զիմ բարկութիւն սրեալ
 ՚ի ջաղխել և առաթուր հարկանել զքեզ
 յետին սրտմտութեամբ : Ալ որով դի-
 մօք երեւեսցիս առաջի իմ, մինչ դեռ քաջ
 իսկ և դու գիտիցես եթէ ոչ դթութեան
 այլ ցասման իմոյ իցես արժանաւոր :

Բ • Արչափ ինչ հնարեցար թաքու-
 ցանել առաջի խոստովանահարց, մե-
 ծաւորաց, և աշխարհի, և անձինդ, ամե-
 նայն ՚ի լոյս գայցէ : Արպիսի ամօթ իցէ
 յորժամ ամբաստան լիցի զքէն խիղճ
 մտացդ, և ամօթապարտ առնիցեն զքեզ
 այնչափ քահանայք ընկերակիցք, և աշ-
 խարհականք՝ որոց յաշխարհի կալով
 սուրբ գտան, և բազմութիւնք անհա-
 լատից սակաւամեղք քան զքեզ : Վտղո-
 քեսցեն զքէն աղքատք՝ ոյք չգաին ՚ի քէն

տիտիու թիւն , ուր դու յագեցուցանելի
 զախտս քո և զկիրս , զշունս , զգայլս և
 զերիվարս : Տղէաք ոչ լուսաւորեալք
 'ի քէն , մեղաւորք ոչ խրատեալք , հո-
 գիք դատապարտեալք 'ի պատճառս քո ,
 և գործակիցք չարեացդ վրէժխնդիր
 լինիցին . և նոքին իսկ վէմք բեմին
 բողոք կալցին վասն զանցառու թեանց
 քոց 'ի սրաշտամանդ , և վասն սեղանա-
 կապտու թեանց քոց : Առ եղէ ցայս
 վայր . այլ յայնժամ մեծաձայն բար-
 բառեցայց , և զինչ տացես պատաս-
 խանի դառն կշտամբանացս :

Գ . Այժմ բիւր հնարս հնարիս 'ի
 դերեւ հանել զդատապարտութիւնս՝ ո-
 րոց արժանի եղեր յաշխարհի . այլ
 յայնժամ ոչ կաշառք քո և ընծայք ,
 ոչ պաշտպանք և ոչ բուն իսկ աստի-
 ճան քո կարող իցեն կորզել զքեզ 'ի ձե-
 ոաց արդարութեան իմոյ . մերկասցին
 'ի թիկանց քոց զզգեստ քահանայու-
 թեան , և կարգընկէց արասցեն զքեզ
 անարգանօք յանդիման ամենայն աշ-
 խարհի : Արպէս կոր 'ի գլուխ եղիցիս
 'ի տեսանել վճարեալ 'ի քովերայ զվճիռն
 ահագին առ 'ի մատնիլ 'ի տանջանս ան-
 հրաժեշտս : Օ ինչդ դառն իցէ քեզ տե-

սանել 'ի մէջ ընտրելոց և սրբոց զշինա-
կանս և զգուհիս, և զՋերմեռանդն
կանայս տկարս՝ զորովք այսին արարեր և
քամահեցեր, և զմաքսաւորս և զպոռ-
նիկս զղջացեալս երթալ յերկինս, և
զբաժին քո լինել ընդ կեղծաւորս և ընդ
անհաւատս: Ամիս ուրեմն զի որ վասն
քո զմահ դառնութեան 'ի վերայ խաչի
մեռայ, եղէց 'ի գլորումն անկանգնելի
պաշտօնէի սրբութեան սեղանոյս. կա-
միցիս զի մարմին իմ և արիւն՝ զորս բա-
զում անգամ ընկալար, լիցին քեզ յա-
ռաւել յանցաւորութիւն և 'ի մեծ դա-
տապարտութիւն: Ա՛հ, քաւ. մի զիս
բռնադատեր յամառութեամբդ 'ի դա-
տապարտել զքեզ: Օ մտաւ աժ որ-
դեակ, զի այսօր իբրեւ զհայր գորովա-
գութ այնպէս խօսիմ 'ի սիրտ քո. այլ
յաներեկ աւուրն զդատաւոր քո տես-
ցես յատենի:

Հրահանգք

Տգիտութիւն, տկարութիւն, և չա-
րութիւն անարժան քահանայից ոչ ան-
պարտ լինիցին 'ի դատաստանի: Հա՛

պա այժմէն ամբաստան լեր զթերու-
 թեանցդ, և ողբա ցաւագին զմեզս քո
 զանցեալս. դիր ուխտ ընդ անձին քում
 այսուհետև կեանս վարել արժանի սրբ-
 բութեան պաշտամանդ. և ըստ խրա-
 տու սրբոյ մեծին Վրիգորի՝ հանապա-
 զօր ածցես զմտաւ և տացես անձին
 պատասխանի զոր միանգամ առաջի կայ
 քեզ տալ յատենի արդարադատ դա-
 տաւորին :

ԺԷ

Դատաստան արդարոյ :

Ա. Արդեակ իմ, գիտեա քաջ զի
 որչափ ահաւոր և անաչառ լիցի առ մե-
 զաւորս դատաստանն իմ, այնչափ ա-
 ռաւել քաղցրասցի ընտրելոց իմոց : Ա-
 թէ սիրեցեր զիս, և աշխատ եղեր սրբ-
 բութեամբ վասն իմ, երանի քեզ. քան
 զի օրն այն լինիցի քեզ օր խնդութեան
 և բերկրութեան : Մացցին քեզ դրունք
 երկնից, և դու իբրեւ զսպառազէն քա-
 ջայաղթ նահատակ մտանիցես ընդ այն

և լուսիցես զուարթագին և աներկիւղ
 զքո դատաստան յարդարադատ դատա-
 ւորէ, փոխանակ զի սիրեցեր զնա, հնա-
 զանդ եղեր նմա, և հետոց նորա հե-
 տեող: Րաբէ, զիարդ երանեսցես ա-
 ւուրն յորում փախեար յաշխարհէ,
 յորում ընդդէմ դարձար խեղաթիւր
 բանից վարդապետութեան նորա և
 մահառիթ հրապուրանացն:

Բ. Մնդեա զանձն քո, և փութա
 լինել լուսապայծառ ջահ գիտութեան
 և շինութեան վառեալ սիրով և նա-
 խանձաւորութեամբ, և փայլեալ իբրեւ
 զաստղ, մանաւանդ թէ որպէս զարե-
 գակն. և ես ինքնին հռչակեցից զգովու-
 թիւնս քո, որոց արժանի գտար վաս-
 տակօք քովք, խոնարհութեամբ, նա-
 խանձայուզութեամբ և սիրով աղքա-
 տաց: Աթէ ոչ յամօթ արասցես զիս,
 և ես ոչ ամաչեցուցից զքեզ. և եթէ
 դու արհամարհելով զանոտի երկիւղ
 մարդկան՝ պարծանս համարեսցիս խոս-
 տովան լինել զինէն առաջի մարդ-
 կան, և ես փառս ինձ վարկայց խոս-
 տովան լինել առաջի հօր իմոյ երկնա-
 ւորի. և յամօթահար լինել ամբարշ-
 տաց և ՚ի խնդրել իմ վրէժ ՚ի նոցանէ,

յայնժամ ցնծասցէ սիրտ քո : Օ որպիսի
 հաճութիւն , և ցնծութիւն ան-
 պատում ոչ ունիցիս յիս 'ի փրկիչդ քո
 Յիսուս , 'ի տեսանել անդ զիս տի-
 րապէս և ամենակերպ թագաւորեալ ,
 զամենայն թշնամիս իմ պարտեալ , և
 կոխան ընդ ոտիւք իմովք յերեսաց փա-
 ռաց արդարութեան իմոյ :

Գ. Արդ աշխատեա և պատերազմեա
 որպէս քաջ զօրական , զի կայ մնայ քեզ
 յաւուր յայնմիկ անթառամ պսակ փա-
 ռաց վասն արածելոյ քո զիմ հօտ ոչ
 վասն անարդ զօշաքաղութեան , այլ
 առ սէր իմ եւեթ : Աթէ զայդ արաս-
 ցես , և զամենայն ինչ թողցես դալ
 զկնի իմ և պինդ ունել զկոչումն քո
 սուրբ , պատրաստեցից քեզ աթոռ փա-
 ռաւոր , և նստցիս որպէս դատաւորա-
 կից ընդ իս առ 'ի տալ զդատակնիք մարդ-
 կան , և դատել զհրեշտակս գլխովին :
 Այդչափ ապահովութիւն , այդչափ
 ուրախութիւն , և այդպիսի յաղթա-
 նակ զո՞ր փառս քեզ չխոստանան յեր-
 կինս : Ալ չիցէ արժան , զի յաստիս
 փոքր մի վշտասցիս 'ի փրկութիւն ան-
 ճին և այլոց , առ 'ի վայելել անդ ընդ
 իս յանվախճան և յանպատում փառս :

Հրահանգք

Սիրեա և արա զօր ամենայն զգործս ողորմութեան, զի և գրեալ իսկ է թէ բարձրագլուխ պարծի ողորմութիւնս առ դատաստանաւ. և ինքն Վրիստոս խոստացաւ տալ վարձս այնոցիկ որ զաղքատսրն ժողովիցեն: Արանելին Վրիգոր Պարպառիկոյ, ութ հարիւր հազար վենետկեան դահեկանս արծաթիս բաշխեաց աղքատաց. և իբրեւ այլք զարմացեալ գովէին զնա, ետ պատասխանի. Անչ գեղեցիկ գովութեանս, զի մեծ համարին զբանին սպասաւոր վասն ջինելոյն գող: Աւ եթէ մեծաց վարձուց է արժանի ապրեցուցանել զտառապեալ ոք ՚ի մահուանէ, ոյր վերահաս վտանգ ՚ի վերայ կայցէ, քանի առաւել վարձուց արժանաւոր գտանիս ՚ի գուն գործելոք ապրեցուցանել ՚ի յաւիտենից մահուանէն, անանցական բարեաց երկնից արքայութեանն արժանաւորելով:

ԺԸ

Դժոխք :

Ա . Դու ինքնին ուսուցանես այլոց ,
 Թէ որչափ ինչ կրեսցէ որ յաստիս լկանս
 մեծամեծս , առ յաւիտենական հրովն
 ոչ միայն փոքր է , այլ և ոչինչ : Օ ինչ
 լինիցի ապա վասն հիքացելոյդ հուրն
 այն , որ բորբոքեալ յամենազօր արդա-
 րութենէ իմմէ , և կարգեալ առ յինէն
 որպէս նշանակ որոշիչ մեծի յանցաւո-
 րութեանդ քո , եղիցի հզօրագոյն խոշ-
 տանգիչ անազորոյն անձինդ քան այլոց
 դատասպարտելոց : Ես ինքնին ազդ ա-
 րարի քեզ չերկնչել ոչ 'ի սրոյ , և
 ոչ 'ի մահուանէ , այլ երկնչել միայն
 յայնմանէ՝ որ կարողն է կորուսանել
 զմարմինդ և զհոգի 'ի գեհենի : Դու
 որ երկնչիս նեղել փոքր մի զանձն քո
 առ 'ի յաղթել ծուլութեանդ և դա-
 տարկասիրութեան , և 'ի բաց թո-
 ղուլ զանօրէն հաճոյսդ , որ այսօր չկա-
 րես համբերել դոյզն ցաւոց , Զանա-

սէր լինել և առանձնակեաց և կանոնապահ, զիարդ կարասցես հանդուրժել տոչորման 'ի հուրն ահագին, և կիզման 'ի բոցն մշտնջենաւոր: Այլ վառեա բորբոքեա զքեզ հրով սուրբ նախանձաւորութեան 'ի փրկութիւն անձինդ և այլոց, զի մի տեսցես ապա զանձն քո շանթացեալ 'ի հուրն անշէջ:

Բ. Մ՛հ, եթէ զիտէիր զմեծութիւն երկնաւոր բարեաց, յայնժամ 'ի միտ առնուիր զծանրութիւն չարեաց որ մնան քեզ, եթէ 'ի յաւիտենից կենացն վրիպիցիս: Վաջ խորհեաց, զի զրկին յինէն յաւիտեան՝ է տանջանք մեծ քան զահագին հրոյն. տանջանք անվախձան և անչափ, զի զրկէ զքեզ յանսահման բարւոյն. տանջանք այնչափ մեծ, որչափ մեծ եմ ես: Արդ դու որ առեր իշխանութիւն կոչելոյ յերկնից 'ի վերուստ զ՛ստուած քո, զիարդ զրկիցիս 'ի նմանէ. որ ընկալար զիս և ձեռօք շօշափեցեր զօր ամենայն, որպէս անջատեալ գրտցիս յինէն յաւիտեան. որ ընծայեցեր զիս հօր իմոյ երկնաւորի, և հաղորդ եղեր խորհրդոց սրբոց, զիարդ յանձն առնուցուս ասել զիս, և ասելի ինձ

լինել յաւիտեան : Մտցէն ուրեմն
բազմութիւնք ընտրելոց յերկինս 'ի
ձեռն քո արդարացեալք արեամբ իմով,
և սրբեալք մարմնով իմով՝ զորս դու մա-
տակարարեցեր նոցա . և դու լինիցիս
որպէս զԶուր մկրտութեան , որ մաքրե-
լով զմկրտեալս՝ յերկինս 'ի վեր առա-
քիցէ , և ինքն երթայ կորնչի 'ի խորս եր-
կրի : Ար կարգեալդ ես յօրհնել զիս
գօրհանապազ , և օրհնես զայլս յանուն
իմ , նզովեալ լիցիս յինէն յաւիտեան ,
և անէծս ժայթքեսցես ընդդէմ ինձ ան-
լուր հայհոյութեամբ : Ար ճաշակեցեր
'ի բաժակէս փրկութեան , կամիցիս ըմ-
պել զբաժակ բարկութեան իմոյ : Աւ-
որ այնչափ ուրախ եղէ 'ի բարերարել
քեզ , և 'ի բարձրացուցանել զքեզ ,
հարկեցայց նոյնչափ խնդալ 'ի լինել
քեզ յահագին և 'ի մշտնջենաւոր գլու-
րումն :

Գ . Արքան սոսկալի քան զայլոց դա-
տապարտելոց լինիցին յուսահատ վայ-
րագութիւնք քո , եթէ անձամբ զանձն
դատապարտեսցես : Յայնժամ ասիցես .
ուրեմն որ ստացայ զքահանայական գի-
տութիւն և զլոյս 'ի ճանաչել զիմ պար-
տիս առաւել քան զայլս , և ընկալայ

Հնորհս 'ի կատարել զիմ մեծամեծ
 պարտիս , և ամբարձայ յաստուածեղէն
 պաշտօն՝ այդ ամենայն լուսաւորու-
 թիւնք և շնորհք և պատիւ բարձրու-
 թեանն ահաւորազոյն եւս պատրաս-
 տեսցեն արդ դժոխս . զիարդ ժուժկա-
 լեալ համբերից նախատանացն դիւաց ,
 որոց երբեմն ահարկու էր անձն իմ :
 Այլ քեզ , եթէ բողոք զքէն կալցին
 ծառայք և ազգականք , բարեկամք , հո-
 գւոր որդիք , ժողովուրդք , և մի եւեթ
 հոգի ընդ քեզ և վասն քո դապար-
 տեալ : Այլուկ քեզ , զի յայնմ աւուր
 զմեծ աղէտս քո տեսեալ անէծս ցաւա-
 դինս հանցես , փոխանակ զի 'ի տէրու-
 նեանն կոչեցար սպասաւորութիւն :
 Այլ աղէ ողորմեա անձին քում , և
 դարձո զսիրտ քո 'ի ճանապարհս սրբ-
 բութեան :

Հրահանգք

Այլ մտօք կենդանւոյն 'ի դժոխս , զի
 մի երթիցես անդր յետ մահու , որպէս
 խրատ տայր երանելին Րեւնարդոս :
 Սուրբն Յովհան Ոսկեբերան հանա-

պազ առաջի աչաց ունէր զնկար ինչ
 պատկերի դժոխոց : Յուշ լիցի քեզ ,
 զի անպիտան ծառայն՝ թէպէտեւ չէր
 քահանայ , այլ զի ոչ շահեցոյց զար-
 ծաթն հաւատացեալ՝ մատնեցաւ ՚ի
 խաւարն արտաքին : Մազում ինչ պա-
 հանջէ պատիւ քահանայութեանդ ,
 և ՚ի դատապարտիլ քում այնչափ աճէ
 ծանրութիւն պատուհասիդ , որչափ
 մեծ է պատիւն որ քեզ շնորհեցաւ :

ԺԹ

Վտանգ դատապարտութեան :

Ա . Մաջ խորհեալիւր , որդեակ , և
 ՚ի միտ առ , զի չիք ինչ յաշխարհի
 այնչափ դիւրին , հեշտալի և հաճոյա-
 կան կարծեցեալ՝ որպէս վիճակ հո-
 վուի հոգւոց , քահանայի և սարկաւա-
 դի , եթէ յարտաքինն եւեթ նայեսցի
 որ ՚ի հանգամանս , և խելամուտ իցէ
 աշխարհի չարեացն և վտանգաց . բայց
 եթէ քահանայն ոչ ըստ պարտեաց քա-

ղաքավարիցի, չիք ինչ աւելի դժուարին և տարժանաւոր և վտանգալից քան զայն պայման կենաց: Արդ դիտեա զի բազումք զանձինս խնդրեն, և ոչ իւրք զիս: Յոլով են քահանայք յեկեղեցւոջ, այլ սակաւք առաքինակրօնք: Ի յետին իսկ աշտիճանի դտանիլ ուխտի եկեղեցւոյ երկիւղալի է և սարսափելի:

Բ. Ասա յաշխարհի անդ, զոր ես ստէպ և հրապարակաւ ընդ վայր հարի, զի լի է ապականութեամբ և չարութեամբ. և դու կաս ՚ի նմա և թոյլ տաս աճել չարութեան: Այլ երկիր յոյժ, զի մի աշխարհ հրապուրեցէ զքեզ յաշխարհասիրութիւն և ՚ի մեղս, մինչ դեռ քեզ առաջնորդել առաջի կայ նմա ՚ի ճանապարհս առաքինութեան: Ստանայ փորձիչ է առաւել եկեղեցակահնաց՝ քան աշխարհականաց. զի առաջինքն են կերակուրք նորա ընտիրք և ախորժականք: Մեծապէս ջանիւք փորձեաց և խարբալեաց և զառաքեալն գլխովին. յաղթեաց Սեորոսի յանձնապատանութեամբ, նկուն արար ՚ի սպառ զՅուդա արծաթսիրութեամբ, և խարդաւանեաց զՆիկողայոս սարկաւազ յանբերելի հերձուածս. և զայլս բիւ-

բաւորս հետզհետէ, ոչք բարւոք սկսան
 և չարւոք վճարեցին: Յուշ լիցի քեզ,
 զի մի միայն մեզք մահուչափ բաւական
 են՝ ի դատապարտել զքեզ. և բազում
 ինչ որ թեթեւ ի ժողովրդականս թուի
 ցին՝ ի քեզ յեկեղեցականդ ծանունք
 են. բազումք ի պաշտօնակցացդ դատա-
 պարտ եղեն, փոխանակ զի ամբարձան
 ի քահանայութիւն ընդդէմ կոչման ի-
 մոյ, կամ զի ոչ յարգեցին զհանձար
 իւրեանց, և սիրեցին կալ ի սոգիտու-
 թեան. կամ զի թէպէտեւ իմաստունք
 էին և կարողք օգնել եկեղեցւոյ, այլ
 կեանս վարեցին անշահ և անպտուղ.
 կամ զի հուր կուտեցին ի գլուխս իւ-
 րեանց վասն մեղաց այլոց, կամ զի ոչ
 ըստ արժանւոյն քաղաքավարեցան ի
 սուրբ պաշտամունս և ի գործս, կամ ար-
 տաքին կերպարանօք առաքինութեան
 և նախանձաւորութեան, վասն որոյ
 անարգեցան որպէս մշակք անօրէնք:

Գ. Այս ինքնին ծանուցի թէ անձուկ
 է դուն, և նեղ ճանապարհն երկնից,
 և միթէ ոչ առաւել վասն քո իմանալ
 արժան է զայդ բան ի պատճառս ծան-
 րագոյն բեռանցդ և վտանգաց: Ազդե-
 ցին քեզ և սուրբք ընդ Յովհաննու

Ոսկեբերանի, թէ սակաւք են քահա-
նայք փրկուածեան արժանաւորք, և յու-
լովք արժանի դատապարտուածեան: Տե-
սեր և զընտրեալս իմ զի ահիւ մեծաւ
տագնապէին, թէպէտեւ էին քահա-
նայք երեւելիք 'ի սրբուածեան: Աւ
Պաւղոս զլիսովին մեծն յետայնչափ վաս-
տակոց և քրտանց և քարոզելոյ նախան-
ձու փառացն իմոց և շահեկանուածեամբ
զաւետարանն, երկնչէր զի մի անպիտան
գտանիցի, և դու կելով կեաս, և ձեռն
'ի գօտի աներկիւղ և անփոյթ զփրկու-
ածենէ քումմէ: Աւ աղ քեզ, զի ան-
խորհուրդդ այդ և անհոգ քաղաքավա-
րուծիւն 'ի մեծագոյն վտանգս ար-
կանէ զքեզ: Աղէ մի չարաչար վարեր
զժամանակդ, զլուսաւորուծիւնս և
զընորհս զորս քեզ պարգևեցի: Աւ զի
մեծ է յոյժ քո վտանգ, պարտիս և մեծ
փոյթ իննամոց բերել յանձին: Վիր 'ի
մտի հաստատուածեամբ տալ զքեզ ինձ
բոլորովին, և 'ի միտ առ զի դու և
նմանիք քո պարտիք յառաջել 'ի սրբու-
ծիւն, եթէ կամիցիք յապահովել ան-
ձանց զերանելի մշտնջենաւորուծիւն:

Հրահանգք

Մի վճատեցուցեն զքեզ դժուարութիւնք . անձուկ է դուռնն երկնից , բայց մտանիցես անդր եթէ ըստ բանի փրկչին բռնադատեսցես զանձն : Քաջ նաւաստի և հմուտ զօրական 'ի պահու վտանգի ոչ վճատին , այլ առաւել եւս վաստակին : Մի զանգիտեցուցէ զքեզ տկարութիւն քո . ամենայնի կարող ես լստուծով՝ որ զօրացուցանէն զքեզ : Մի ասիցես , թէ ահա բազումք 'ի պաշտօնակցաց իմոց զնոյն դործեն յեկեղեցւոջ . կեանց ըստ սակաւուց , եթէ կամիցիս փրկիլ ընդ սակաւուց :

Ի

Ներկի մեղք :

Ա . Որդեակ , անկանխա 'ի բազմապատիկ թերութիւնս կամակար մտօք . և զի են թեթեւ ինչ յանցմունք , դնես 'ի մտի եթէ չիցեն ինչ մեծ չարիք . այլ , բաբէ , զիարդ մեծ է մոլորութիւնդ . զի չեն մեղք մահուչափ , և չառնեն զքեզ դատապարտ շանթիցն դժոխոց , չիցէք քեզ պարտ անձնապահ լինել 'ի նոցանէ , և հաճոյ գտանիլ առաջի իմ : Ո՛հ եթէ ծանուցեալ էր քո որչափ մեծ է տէր Աստուած , չհամարէիր զնոսին որպէս փոքունս : Ս'իթէ չէր քեզ արժան թողուլ կորնչել ամենայնի , և մահ եւս յանձն առնուլ , քան իւիք իրօք ընդդէմ դառնալ ինձ : Դու իսկ գիտես , և այլոց եւս ուսուցանես զայդ , և տակաւին այդպէս ընդ իս կենցաղավարիցիս , և այն ոչ մի անգամ , այլ բազում անգամ , և 'ի գործս իսկ սրբութեան : Յաւէ ինձ 'ի վերայ տկարութեան քո . բայց որչափ

դիւրին էր քեզ յաղթել անձին 'ի փոքունս, եթէ չէր քո մերժեալ զիմ օգնականութիւն : Այժմէ չես 'ի փոքունս հաւատարիմ, և ոչ 'ի բազմին լինիցիս :

Բ. Տես զիս 'ի վերայ խաչափայտիս, տես սրպէս չարչարեցին զիս, և չարչարեն մեղաւորք. և քեզ շատ թուիցի այն եւեթ՝ զի ոչ վերստին 'ի խաչ հանես զիս մահուչափ մեղօք. և ես գո՛հ գտայց, զի ոչ առ ոտն կոխես զարիւն իմ. և միթէ ես այդչափ ճշդութեամբ զքեզ սիրեցի : Հայեաց, քանի՞ գութհիկք յամօթ առնեն զքեզ, ոյք նուազագունիք քան զքեզ պակասութեամբք ընթանան զճանապարհն առաքինութեան. և դու այդչափ պղերդ ես և թոյլ 'ի ծառայութեան իմում. այդ իցէ մխիթարութիւն քո, որով զիս մխիթարիցես : Յիշեա, զի յանձն առի լուանալ զոտս աչակերտաց իմոց յառաջ քան զվերջին ընթրիս, առաւելապէս առ ուսուցանել նոցա, զի որ մերձենայ 'ի սեղան իմ, պարտի ունել զտիրապէս մաքրութիւն. և դու որ ստէս 'ի նոյն մատչիս սեղան բազմապատիկ թերութեամբք, և չունիցիս փոյթ մաքրել

զսիրտ քո : Այն ապաքէն որ զիսն ճաշակէ , պարտի կեալ բոլորովին վասն իմ :

Գ . Համբերող և երկայնամիտ եմ ես . բայց գիտես , զի չկարեմ անպատիժ թողուլ զյանցուածս . գիտես , զի ոչ մի արատ տեղի ունիցի յերկինս . գիտես , զի յատենի իմում 'ի համար ածցին և լոկ բանք ընդունայնութեան , որ չիցեն կարգեալ 'ի շահ բարեպաշտութեան , կամ առ արդարացի հարկ . գիտես , զի ամենայն քահանայ պարտի դատիլ անաչառ խստութեամբ քան զաշխարհիկս : Տես զի և Մովսէս անգամ պատժեցաւ վասն ներելի թերութեան . տես որչափ հոգիք չարչարին մեծ եւս տանջանօք քան զամենայն տանջանս աշխարհի 'ի քաւարանի ընդ երկար ժամանակ . տես զի և այլ բիւրք դատապարտեալ են յաւիտեան , վասն զի 'ի փոքունց աստի յանցմանց ճանապարհինքեանց բացին 'ի մահուչափս . հայեաց 'ի Յուդա : Աթէ վասն իմ չէ քեզ փոյթ , լիցի վասն անձինդ քո : Աթէ վասն ամենայն թեթեւ յանցուածոց հարկ լինէր քեզ մատնել 'ի հնոց բորբոքեալ , ոչ ապաքէն զամենայն փոյթ 'ի

մէջ առնուիր առ 'ի չանկանել անդր , և
 ոչ դնել զանձն 'ի վտանգս ահագինս և
 'ի տանջանս սոսկալիս :

Հրահանգք

Յամենայն երեկոյի արա զքննու-
 թիւն խղճի . նորոգեա զառաջադրու-
 թիւնս 'ի վերայ առաւել յաճախելոցդ
 թերութեանց , և դիր անձամբ ան-
 ձամբ ապաշխարանս ինչ վասն նոցին :
 Մսա ցանձն քո , զի թէ մարթ էր ինձ
 միով եւեթ ներելի մեղօք ազատել
 զամենայն դատապարտեալն որ 'ի դժո-
 խրս , սակայն և այնպէս չէր ինձ արժան
 գործել զայն : Մուսուլ քան զամենայն
 ինչ մի մոռասցիս յուշ ածել զայն , զի
 յոչինչ գրելով զփոքրն կամ զսակաւն .
 խարդաւանիս 'ի մեծամեծս : Սուրբն
 թովմաս վիլլանովացի սովոր էր ասել .
 զի եթէ վասն ամենայն հաւատացելոց
 ճշմարտեալ է բանս , թէ որ ոչ յառա-
 ջէ յաստուածապաշտութեան՝ դառնայ
 յետս յուղղութեան ճանապարհէն ,
 քահանայ որ ոչ դիմէ ամենայն փու-
 թով 'ի կատարելութիւն անդր , վատ-

Թարագոյն է քան զաշխարհիկ գաղջ և
 Թուլամորթ : Այլ սուրբն Ազգոստինոս
 ասէր . Յորմէ հետէ մտի 'ի ծառայու-
 Թիւն Աստուծոյ որպէս չտեսի անձինս
 լաւագոյնս քան զորս յառաջադէմք էին
 'ի կրօնի , նոյնպէս և ոչ տեսի վատթա-
 րագոյնս քան զ'ի նմին գլորեալս :

ԻԱ.

Գաղտնաբան :

Ա . Արդեակ , 'ի մտի եղեալ էս բա-
 րուոք կալ ընդ իս , իբր զի չառնես մեղս
 մեծամեծս , և գործես ինչ ինչ 'ի բա-
 րեաց . և տեսեալ բազումս վատթարա-
 գոյնս քան զքեզ , մխիթարես զանձն
 քո ասելով ընդ փարիսեցւոյն եթէ գո-
 հանամ զի չեմ իբրեւ զայլս ցոփակեաց ,
 ագահ , գայթակղեցուցիչ , և սեղանա-
 կապուտ . այլ պահս պահեմ , մատուցա-
 նեմ զպատարագ , ասեմ զժամերգու-
 Թիւն , առնեմ ողորմութիւն ըստ կա-
 ըի : Տայց որչափ առաւել առաջի կայր

քեզ գործել վասն անձինդ և վասն
այլոց, զորս ամենևին չածես զմտաւ :
Յորովք յաշխարհականաց և 'ի բա-
րեպարիշտ կանանց բարեգործք են քան
զքեզ . և միթէ ոչ զառաւելն պահան-
ջիցէ 'ի քէն Մտուած : Աւ բարին այն
զլխովին՝ յոր գուդ պարծիս, զիւրդ
թերակատար իցէ . զի զիտումն քո յո-
լովակի առ թիւր վախճանս բերի, վասն
որոյ և ոչ ըստ պատշաճի գործես : Աւ
զինչ ասացից զչար գործոցդ . թող նե-
րելի իցեն քոյդ թերութիւնք . բայց քա-
նիպատիկ եղեն մեզք քո 'ի զգեստս,
'ի խօսս, 'ի զբօսանս, 'ի կենակցու-
թիւնս . և զինչ եղիցի, եթէ մատեար
և 'ի մահուչափ անդր . եթէ տարապայ-
ման զիւրութեամբ անսացեր չարաչար
թելադրութեանց, եթէ երբեմն յերկ-
բայս եղեր, կամ 'ի չքմեղս վասն այն-
պիսի անմտադրութեան 'ի ծանր ինչ
չարիս, ոյր վասն ունէիր բաւական լու-
սաւորութիւն : Աորհեաց զայդ ամե-
նայն ուլ հէք և թշուառական, աղքատ
կոյր և մերկ :

Բ . Արդեակ, տես յայսչափ ամս
զինչ շահեցար և զինչ կորուսեր : Ա ի-
ճակ քո և պարտք պաշտամանդ պահան-

Ջէն գերազանցել 'ի սրբութեանս առաւելքան զամենայն աշխարհականս առաքինիս . պարտ էր քեզ ըստ իմուան օրինակի ընթանալ ընդ ճանապարհս, որպէս եսս ընթացայ, և որպէս առաքինի իմ պաշտօնեայ լինել բողոքովին հուր . և փոխան այնր զիարդ տեսից զքեզ այսչափ անհոգ զանձնէ, և այդչափ հեղգասիրտ վասն այլոց 'ի վնաս անձինդ և նոցա: Քանի քանիք կորուսանեն զվարկ աստիճանիդ և կրօնիդ 'ի տեսանել զքեզ այդչափ անփոյթ . և քանիք առիթ առնուն դիւրամէտ լինել 'ի չար անդր ըստ քումդ օրինակի . և այլք եւս որս լինին թշնամւոյն որ սերմանէ զորոմն տգիտութեան և զախտից և հերձուածոց: Օ ի ոչ տքնիս բարի առնել նոցա հրահանգօք, աղօթիւք, խրատու, գործով և նախանձաւորութեամբ: Փոքր միւս եւս և յօժարէի տեսանել զքեզ իսպառցուրտ, քան այդպէս գաղջ. գէթ չապրէիր այդչափ խաղաղ սրտիւ և յանհոգութեան, որ է վատթարագոյնն 'ի չարիս քո:

Գ. Ալ զիարդ լինիցի առ յապայն, եթէ ոչ զգաստասցիս . կամիցիս 'ի պահու մահուանդ յայդպիսի գաղջութեան

քտանել. միթէ չէս արժանի զի փութով
 արձակեցից 'ի քեզ զմահ, վասն զի կեաս
 որպէս ծառ անպտուղ՝ անօգուտ ան-
 ճինդ և այլոց : Օ որ համար տայցես
 յատենի իմում վասն այնչափ բարեաց ,
 զոր կարէիր առնել և չարարեր , և
 չարեաց՝ զորս գործեցեր , և ետուր
 այլոց եւս գործել . վասն այնչափ լուսոյ
 շնորհաց զորովք ապախտ արարեր , և
 վասն այնչափ ժամանակի զորս չարա-
 չար վատնեցեր : Եթէ այս ամենայն
 չիցեն շատ յերկեցուցանել զքեզ , ահա
 բեկ լեր , մի գուցէ մերժեսցիս յերեսաց
 իմոց . կանխաւ սպառնացայ քեզ , թէ 'ի
 տաղտկանալ իմում փսխեցից զքեզ 'ի
 բերանոյ իմմէ և 'ի բաց առից զգութ
 իմ յորժամ անեռանդն զքեզ տեսանի-
 ցեմ : Օ ի գործեսցես եթէ փորձու-
 թիւնք զայրասցին , եթէ խիղճ՝ մտաց
 խստասցի , եթէ լոյսն հետզհետէ
 նուաղեսցի . զի՞նչ լինիցի յայնժամ ընդ
 քեզ : Յիշեա զճառայն , որ ոչ յար-
 գեաց , այլ թաքոյց զբանքարն . զի 'ի
 բաց առի զայն 'ի նմանէ , և ծոյն այն
 ապիրատ արկաւ 'ի խաւարն արտաքին :
 Անպտուղ թղենին անիծաւ յինէն չտալ
 այլ եւս պտուղ յաւիտեան , և արկաւ
 'ի հուրն անշէջ : Ապաշաւեա , և լեր

պտղաբեր վասն քո և վասն այլոց . ճշ-
խացո զաղքատացեալ հոգիդ վերստին
զգենլով զեռանդն քահանայական . զի
մի երևեացի մերկութիւն քո ծանակե-
լի , և վախճան քո լինիցի յետին թը-
շուառութեամբ՝ մատնեալ 'ի պատիժ
յաւէժական :

Հրահանգք

Եթէ գաղջ իցես , քննեա զպատ-
ճառսն . և եթէ իցէ պակասութիւն մտա-
ծութեան , և ուղղչի հոգւոյդ , դատար-
կութիւն և ընչասիրութիւն , սէր անձն
դիւրութեան և կարծեացդ , ցնդումն
կամ զբաղումն , և ընտանութիւն ընդ
աշխարհիկս , անյապաղ արմատախիլ
արա զպատճառս չարեաց : Սուրբն Մ-
բրոսիոս բանիւ Արեմիայ մարգարէի
յուշ առնէ , զի թէ անիծեալ է որ
գործէ զգործ տեառն հեղգութեամբ ,
հեղգն յաստուածային պաշտաման պար-
տի զդողանի հարկանիլ , զի մի չարաչար
լիցի վախճանն :

ԻԲ

Դատարկակեցոչքիւն :

Ա. Որդեակ, 'ի դատարկութեան զքեզ տեսանեմ. և այդ իցէ ընու անթերի զպարտս քո : Վահանայութեամբ կարգեցի զքեզ յուսումնասիրութիւն և 'ի ջանասիրութիւն, 'ի գործս նախանձաւորութեան և կրօնասիրութեան : Ոչ 'ի ձեռնադրութիւն մատուցեալ և խրատեցար յեպիսկոպոսէ նուիրել Վստուծոյ զանձն և վերակացու լինել այլոց, և քարոզել զբան տեառն. օգնական նմա լինել որպէս եօթանասուն և երկու աշակերտքն՝ առաքելոց, և պատրաստ գտանել 'ի գործս ողորմութեան. 'ի սոյնս զանձն քո գրաւեցեր յարկանել զանձամբ զզգեստ քահանայութե : Եւ այդչափ յուլաբար վարիցես զպաշտօն քո. կարծիցես արդեօք այդպէս կատարել զքո պարտիս : Վիտակ իսկ ես, զի եկից՝ յորում ժամու ոչ կարծիցես, և համար խնդրեցից սաստկապահանջ

վասն ժամանակին զոր ետու : Վու ինքնին եթէ 'ի ծառայութեան զոր ունիցիս , որ ոչ գողանայցէ , և ոչ անարգեսցէ զքեզ , բայց չառնիցէ զպարտս պաշտամանն , ոչ կարես հանդուրժել . և զիարդ 'ի մտի եղեալ է քո թէ որովհետեւ չգողանաս , չհայհոյես , չարբենաս , վասն որոյ և ես համբերից քեզ . զի չառնելք զբարին , չար եւս է և դատապարտութեան արժանի :

Բ . Օ մտաւ ած , որպէս կարող էիր ճոխացուցանել զանձն քո վաստակօք առաջի իմ , լինել պատկառելի և արդոյ առ ամենեսին , և շահաւետ յոյժ եկեղեցւոյ և կրօնիդ . իսկ 'ի դատարկութեան կարով և ցնդեալ՝ որպէս արդեամբք տեսանի , տես քանի փորձութիւնք յաճախեն և որչափ մեղք լինին : Ո՞ր քան զդատարկասէր առաւել ետ զանձն իւր 'ի կենակցութիւնս ժամավաճառս , 'ի խաղս , և 'ի շուայտութիւնս . ո՞ր առաւել տրտնջող , շոգմոգ , ցոփ , և գայթակղեցուցիչ գտաւ քան զդատարկանձունս : Վ՛յսպիսիք անպատիւ առնեն զքահանայութիւն , և համարձակեցուցանեն զաշխարհիկս ասել թէ բազմացեալ են եկեղեցականք , անօ

գուտք , և մնասակարք ընկերութեան :
 Ս' անողորմ դատարկութիւն : Հրոյ
 ճարակ լինի տուն հօր քո երկնաւո-
 ըի . առ ոտն կոխեալ են օրէնք իմ . եղ-
 բարք քո յափշտակին 'ի սանդարամե-
 տական գայլոց . և դու կաս և հայիս ,
 և ոչ շարժիս 'ի գութ , և ասէս եւս
 թէ չգիտեմ զինչ արարից : Եմոյ արեան
 գինք խարդաւանին 'ի դժոխս . և դու
 չկամիս ձեռն ձգել , և ոչ զլեզու անդամ
 շարժել յարգելու զնոսա : Ս' հ քանի
 մնասաբեր է դատարկութիւնս :

Գ . Արիցէս ասել թէ չունիցիս ժա-
 մանակ , մինչդեռ ես ետու քեզ զայն-
 չափ ժամանակ , ազատեցի զքեզ յաշ-
 խարհական հոգոց և յարտաքին զբա-
 ղանաց , զի մի խափանեցեն զքեզ 'ի
 գոլոյ իմ բողորովին : Մի թէ պակասին
 քեզ կարևոր զբաղմունք 'ի պարասումն ,
 մի թէ բաց յաղօթից և յուսմանց , և
 'ի հոգևոր ընթերցմանէ , և 'ի ծառայու-
 թենէ եկեղեցւոյ չիցէն քեզ բազմու-
 թիւնք աղքատաց յանձնեալք 'ի մխիթա-
 ըել , և հիւանդք յայց առնել , բանտար-
 գելք և տգէտք 'ի յանձանձել և 'ի հրա-
 հանգել , և մեղաւորք առ ուղղել . թե-
 ըեւս պատճառեցիս չունել դիւրու-

Թիւն և ընդունակութիւն . բայց վայելէս ապաքէն 'ի բարիս տանդ և եկեղեցւոյ : Մազում քահանայք են աղքատք քան զքեզ , շինականագոյն և տխմարագոյն . բայց քանզի սիրեն զիս , վասն որոյ և առնեն ըստ կարի բազմապատիկ բարիս վասն անձանց և վասն այլոց : Մուցէ 'ի չքմեղս լինիցիս ասելով , թէ այլք այսպէս առնեն , վասն զի բաց 'ի պատարագելոյ և 'ի ժամասացութենէ ոչ ինչ այլ հոգս ունին : Աղուկ քեզ . 'ի պահու անդ մահուանդ ծանիցես թէ յոր հարկ պաշտաման ձգէին զքեզ պարզեք իմ և քահանայութիւն քո : Աթէ մտտալուտ գիտէիր զմահ , հանդարտէիր յանձին այդպիսի չքմեղութեամբք : Աթէ դատապարտ դտանիս վասն թաքուցանելոյ եւեթ զքանքարն և ոչ յարգելոյ , քանիօն վասն վատնելոյդ զայն , որչափ եւս առաւել վասն պարտական գոլոյդ կործանման հոգւոց բազմաց : Առստովան լիցիս յայնժամ զհարկաւորութիւն , զօգտակարութիւն և զդիւրութիւն փախչելոյ 'ի դատարկակեցութենէ , այլ անագան . և փոխանակ զի ոչ կամեցար աշխատ լինել վասն մարդկան , երթիցես տանջիլ անտանելի խոշտանգանօք ընդ դեւս :

Հրահանգք

Ընաց 'ի պատարագէ՛ կարևոր պատ-
 րաստութեամբ , և բաց 'ի ժամերգու-
 թենէ , սահմանեա անձինդ և զժամա-
 նակ մտաւորական աղօթից , հողևոր
 ընթերցման , քննութեան , գործոց բա-
 րեպաշտութեան , սիրոյ ուսման և ան-
 ձին գործոց . և փոյթ կալցիս զի դեւն
 մի երբէք 'ի դատարկութեան զքեզ
 գտանիցէ , այլ 'ի գործս յանկաւորս
 պաշտաման քո : Այնպէս 'ի ժամանակդ ,
 որ արագաթուիչ է և անդաւնալի . և
 զնմանէ կախեալ կայ յաւիտենականու-
 թիւնն :



ԻԳ

Որտե՞րն աստիճանի վրա :

Ա. | Ուր ինձ որդեակ, զի եթէ գար
 շիցիմ ես 'ի տեսանել զտգիտութիւն
 յաշխարհիկ այր, ո՞րպէս մարթացայց
 ժուժել այդմ 'ի քահանայն : Ո՞րքան
 իցէ անպատուութիւն Մատուծոյ՝ աղ-
 բերն ամենայն լուսոյ և ամենայն գի-
 տութեան՝ քոյդ խաւար և անգիտու-
 թիւն : Օ՛ իմորդ լինիցի ինձ ունել
 պաշտօնեայ զոք իբրեւ զքեզ որ ոչն գի-
 տիցէ պատուել զիս, թող թէ տալ այ-
 լոց զիս պատուել : Այամ պալատական
 զոք որ զօրն ողջոյն համարեսցի գովել
 զիս լոկ սաղմոսելով . միջնորդ զոք, որ
 աղաչաւոր առ իս մատիցէ առանց գի-
 տելոյ զոր ասէն . և դեսպան, որ անգի-
 տանայցէ բերել կամ իմանալ անգամ
 զպատգամաւորութիւնն : Եթէ հնար
 իցէ անբան գրաստի կերպարանել զիս
 յերկրի : Օ՛ ինչ շահ լինէր առնելն իմ
 զքեզ դիւանապահ գրոց իմոց, և պա-

տուիրել ստէպ ստէպ 'ի նոյնս խորհել,
 և տալ քեզ զլոյս պայծառ յառաջնոր-
 դութիւն, և զզէնս զօրաւորս 'ի պաշտ-
 պանութիւն, և գանձս փարթամա-
 ցուցիչս ոգւոյդ, և զփականս ամե-
 նայն բարութեանց, եթէ դու ոչ բաց-
 ցես, և ոչ հայեցիս գլխովին 'ի նոսին:
 Օ քինչ շահ, եթէ ես ասացից ժողո-
 վրրդեան դիմել առ քեզ 'ի տարակու-
 սանս իւրեանց, և հարցանել 'ի քէն զօ-
 րէնս իմ, երբ տեսանիցեն զքեզ առաջ-
 նորդ որ ոչ գիտէ զճանապարհն, և վար-
 դապետ, որ և աշակերտութեան չիցի
 արժանաւոր: Արդարեւ ասեմ զի չկա-
 միմ քահանայս տգէտս. զի չեն նոքա
 արժանաւորք անուան քահանայի, և
 ես ոչ ճանաչեմ զնոսա որպէս զիմս:

Գ. Աւանդ իմուամս եկեղեցւոյ. քանի
 նպաստս վասն իմոյին գիտութեանց չետ
 նա քեզ՝ պատրաստելով վարդապետա-
 նոցս և վարդապետս. ո՞րքան ազատու-
 թեամբք, յառաջամասնութեամբք և
 վեհագոյն ուսուցչօք յորդորամիտ արար
 զքեզ: Վարսպետաց զքեզ պատուիրանօք,
 սպառնացաւ զբովանդակ զիւր և զիմ
 վրէժխնդրութիւն. որպէս զի մի ոք 'ի
 հովուաց զքեզ ձեռնադրեցի, և մի դու

իշխեսցես մատչել 'ի սուրբ կարգ յան-
 գիտութեան քում, շատ համարեալ ու-
 նել քահանայս սակաւս, այլ ընտիրս,
 քան յուրմս և անպիտանս. կարգեաց
 զկարևոր խնամս զգուշութեան և քննու-
 թեան առ 'ի գիտել եթէ գիտանկ իցես
 մատակարարելոյ զխորհուրդս, և ուսու-
 ցանելոյ ժողովրդեան զհարկաւորս 'ի
 փրկութիւն, ակն ունելով թերեւս առ
 'ի քէն պաշտպանութեան. և ահա այժմ
 ողբայ ցաւագին անպատուեալ ամենայ-
 նիւ, մինչեւ տեսանել պակասեալ զհրա-
 հանգիչս քրիստոնէութեան, զվարժա-
 պետս և զխոստովանահարս. վասն որոյ
 և ընտրէ յայն պաշտամունս զնուազ ան-
 արժանս, և ոչ զկարի արժանաւորս
 յուխտ եկեղեցւոյ: Տեսանէ զբազմու-
 թիւն որդւոց զի նքողին, որ խնդրեն
 զհաց հրահանգաց և սուրբ խորհրդոց,
 և ոչ գտանեն զոք որ բեկանիցէ նոցա.
 և որ չար է, փոխանակ հացի տան նո-
 ցա զքարինս փնասակար վարդապետու-
 թեան և խրատուց. վասն զի որ ունի
 զօրէնս 'ի ձեռս, և ոչ ինքն խելամուտ
 է նոցին: Տեսանէ զյոքունս, զի ան-
 կեալ դնին 'ի տխմարութեան և 'ի մո-
 լորութիւնս. վասն զի չիք որ ջամբեսցէ
 նոցա զկաթն ողջամիտ վարդապետու-

Թեան : Յաւագին աչօք տեսանէ յորդեալ զուղիս անօրէնութեան . վասն զի բազմութիւն քահանայից կուրաց և տխմարաց որպէս զհամերս չգիտեն բանալ զբերան . յայնմ վայրի յանդիման աչաց տառապեալ մօրն իբրու զտեղատարափ իջանեն դատապարտ ոգիք որդւոց նորա 'ի դժոխս :


Գ . Եղիակ քեզ . յինչ ծախեցեր զայնչափ ժամանակ քո , զհանձար և զգիւրութիւն : Հայեաց 'ի պաշտօնակիցս քո , որչափ են ճոխացեալ բարեօք բարեզարդութեան , առաքինութեան և վաստակոց . որքանեաց օգնեցին և օգնեն զօր ամենայն՝ օրինակք բարիք համեստութեան և նախանձու փառացն Լստուծոյ : Իսկ դու զինչ կարացեր կամ կարես առնել վասն քո և վասն այլոց , երբ անգիտանաս և զեղանակ առնելոյն : Եթէ ներհուն գտանէիր ըստ պարտեացդ , ոչ լինէիր 'ի նշաւակ անձինդ և այլոց : Օ որքան մեղս 'ի բաց փարատելի , յորքանեաց 'ի բաց խուսափելի վշտաց , քանի՜ փորձութիւնք պակաս լինէին , քանի՜ վտանգք նուազեալ : Մտտի և վնասակար պարասմունք քո չբարձին 'ի քէն զտգիտութիւն , և յա-

Լեւին զլուցկիս մեղաց 'ի քեզ և յայլս :
 Թէ և ոչ էիր դու հայր խոստովանու-
 թեան և առաջնորդ , ոչ առաջի կայր
 քեզ համարս տալ վասն բազմադիմի ան-
 կարգութեանց և փաստուց զորս ածեր
 յեկեղեցի : Այլ որչափ եւս առաւել
 եթէ յառաջագահութեամբն կամե-
 ցար կեալ և ոչ գիտացեր փառաւոր առ-
 նել յանձին քում զԱստուած :

Հրահանգք

Եթէ ոչ ուսար ըստ արժանւոյն ,
 կամ եթէ յետ նախկին ուսմանց մո-
 ռացար զամենայն , դարման տար փա-
 սուցն 'ի լաւ անդր յառաջադիմելով :
 Սուրբն Իգնատիոս և սուրբն Ամիլլոս
 յետ երեսնամեայ հասակի սկիզբն ա-
 ըրարին ուսման , և այնչափ արդիւնաւո-
 ըեցին . թէ և ալեւորեալ իցես , լից
 զթերին հանապազորդեան ընթեր-
 ցուածովք հրահանգաց կոչման ընծայ-
 ութեան , հողեոր գրենոյ և վարուց
 սրբոց : Ալ եթէ ժամավաճառ եղեր
 յընթերցուածս նանիրս և անօգուտս
 և փաստակարս , արդ յասպաշաւ և 'ի

զէղջ եկեալ սիրեա զԱստուած և զընկեր քո : Եւ թէպէտ այնպէս իմն թուեսցի քեզ եթէ ըստ ներել պայմանիդ հրահանգեալ և վարժ իցես 'ի դըպրութիւնս , սակայն և այնպէս յուսանելոյ մի դադարիր . որով լիցիս օգտակար անձին և ընկերացդ : Այլ մի պարծիր 'ի գիտութիւն քո , զի մի լիցի քեզ տեսանել յաւուր միում զբազմութիւն պարզամտաց և խոնարհաց 'ի կարգս սրբոց յերկինս , և զանձն քո հանեալ 'ի խաւարն արտաքին : Ա'ի դանդաղիր գտանել զոմն մեկնիչ , որպէս զի յասելդ զժամերգութիւն՝ կարող լիցիս ոչ միայն սաղմոս ասել , այլ որ առաւել օգտակարն է սաղմոս ասել իմաստութեամբ : Ամօթ մեծ է չիմանալ զոր բարբառի որ . և զուգական է ամօթոյ դատապարտութիւնն . վասն զի որ անգիտանայ զաստուծոյսն , անգիտացեալ մնայ Աստուծոյ :



ԻԳ

Հառատք :

Ա. Որդեակ, տեսանես որպէս յաւուր
 յայսմիկ յորդէն գայթակղութիւնք .
 հերձեալ է եկեղեցի իմ, հայհոյին
 վարդապետութիւնք, զկրօնս իբրեւ
 ցնորս համարին, զաւետարանն առաս-
 պելս ասէն, և զդժոխօք ծիծաղին :
 Քննեա զանձն քո, թէ որպէս հաստա-
 տուն կաս ՚ի հաւատս : Վեղևիս արդեօք
 և դու՝ փոխանակ հաստատելոյ զփորձա-
 նաւորս : Օ ի մի անհրահանգ և տգէտ
 յաչս աշխարհի համարիցիս, և ՚ի կան-
 խակալոյ կարծեաց զերծ, հաճեցա՞ր
 երբէք կամ գովեցե՞ր զայնպիսի գիրս
 ամբարշտութեան՝ ոչք մահառիթք են
 ուղղափառ հաւատոց : Օ քանս ապա-
 կանարար մշակացն որք այլոց զազատու-
 թիւն խոստանան, գովեցե՞ր երբէք փո-
 խանակ հակառակ կալոյ նոցին, և ՚ի
 բաց խորշելոյ ՚ի նոցանէ : Յուցե՞ր զանձն
 քո հակամէտ նոցա փոխանակ զայլոցն

ԹիւրուԹիւնս կշտամբելոյ : Օրպիսի
 ահագին անարգանս ինձ չառնես՝ առա
 ւել յարգելով զանդուռն բերանոց հայ
 հոյուԹիւնս ազատամոլ անդգամաց քան
 զսուրբ ՃշմարտուԹիւնս աւետարանին
 իմոյ : Այլ որ անպատուուԹիւն իցէ այդ
 քոյումից պաշտաման , որ պարտական
 զքեզ կացուցանէ արեամբ և մահու
 չափ նախանձաւոր լինել հաւատոցդ ,
 զոր հանդիսապէս դաւանեցեր : Քա
 նիք ումանք խարդաւանին 'ի մեղս օ
 ղինակաւդ չարուԹեան : Ահ Թշնամա
 նացս և ամօԹոյս :

Բ . (Ը) Կպէտեւ բերանով ասացես
 հաւատալ , զինչ շահ եթէ զկնի յու
 րաստ լինիցիս գործովք : հաւատալ յիս
 'ի սուրբ խորհրդեան , այլ պատարագել
 միանգամայն գաղջուԹեամբ և մեղօք .
 հաւատալ Թէ խորհուրդքն են արգա
 սիք սուրբ արեան իմոյ , և անարժանու
 Թեամբ մատակարարել զնոսին . հա
 ւատալ և ուսուցանել զաւետարանն ,
 քարոզել զխաչելեալն , և կեալ բոլորս
 զին զհակառակ կեանս , և Թուլամորթ
 քան զժողովրդականս . հաւատալ 'ի
 դատաստան սաստկապահանջ , և 'ի զը
 ժոխոց տանջանս , և միանգամայն զըբ

գուել զցասուլմն իմ, և շարժել զայն 'ի վերայ քո դատարկութեամբ և մեղօք . հաւատալ թէ ծանրագնոյ ստացայ ինձ զմարդիկ, և ոչ իւրիք 'ի խնդիր լինել փրկութեան նոցա, այլ մանաւանդ մահուան նոցա լինել պատճառք չար օրինակաւդ . հաւատալ թէ գաղջութիւնն տաղտկութիւն ինձ բերէ, և զքեզ արտաքսէ և գահավէժ առնէ, և միանգամայն կեալ անեռանդն և անսիրտ վարուք . հաւատալ թէ որ լսէ եկեղեցւոյ՝ ինձ լսէ, և արհամարհել զկանոնս նորա, և հակառակ կալ իշխանութեան նորա . հաւատալ մեծութեան աստուածեղէն քոյ պատուոյ, և նուաստացուցանել զայն 'ի գործս, 'ի զբօսանս, և 'ի պարապմունս անարժանս . հաւատալ թէ զիս յանձին քում կերպարանես և կեալ ըստ աշխարհասիրի : Ըսել հաւատալ և արդեամբք զայսօրինակ գործել՝ չիցէ՞ գործովք ուրանալ զբանս : Դու հաւատամ ասես, բայց և դեւք հաւատան և սարսեն . իսկ դու չսարսես : Եթէ բանք քո չմիաբանիցին ընդ գործս քո, դու ինքնին ստիպես զիս ահագին դատապարտութիւն ածել 'ի վերայ քո քոյին իսկ բանիւքդ որպէս զստախօս և զխաբեբայ յանդիմանելով :

Գ. Այլ զհարդ ոչ տեսանես, զի այդու կենօք խանգարես զիմ հաւատս ոչ միայն 'ի քեզ, այլ և յայլս: Վազումք 'ի հաւատացելոց յորժամ տեսանիցեն զքա հանայդ թուլամորթ՝ ալեկոծին և դան դաչեն, և ոմանք իսկ առ ոչինչ գրեն զաւետարանն, համարելով զայն ոչ շնչումն աստուածային, այլ գիւտ և շահավաճառ մարդկեղէն. չրնծայեն հաւատս զօրութեան իմոյ, քամահեն զխորհրդովք, ժխտեն զանմահութիւն հոգւոյ, չերկնչին 'ի դժոխոց, ոչ փափաքեն երկնից, և արքայութիւն անձանց ստեղծուն զչնչին և զանցաւոր իրս յաւիտենիս այսորիկ. և ահա դու եղեր պատճառք չարեացս և մնասուց: Ո՛հ քահանայ, դու ինքնին գիտես թէ որչափ ինչ ես արարի և կրեցի 'ի հաստատել զիմ հաւատս. գիտես, զի քահանայ զքեզ կացուցի, զի 'ի հաւատս հաստատեսցես զոգիս արեամք իմով փրկանաւորեալս. գիտես, զի պարտական ես զքո նախանձաւորութիւն քահանայական կանգնել ընդդէմ խեղաթիւր անհաւատութեանն յորդելոյ: Յաջորդ ես դու առաջնոց սուրբ քահանայից, որք զիմ հաւատս ծաւալեցին և պաշտպանեցին այնչափ վաս-

տակօք , ջանիւ , վարդապետութեամբ , սքանչելեօք և արեամբ չափ : Ղու վարդապետ ես պահապան և պաշտպան հաւատոցն . և զիանդ լինիցի զի փոխանակ ամրացուցանելոյ 'ի հաւատս զփորձանաւորս՝ պատճառք լինիս գլորելոց , և հետևող յամառելոց . այդպէս առնուցուս 'ի կիր զպաշտօն քո զմեծ :

Հրահանգք

Փախիր 'ի նանրահաւատ և 'ի հերձամիտ մարդկանէ , անհետ արա զգրեանն հակառակ հաւատոց . ատեսջիր զնոսին . թող անդր 'ի բաց զանպիտան ուսմունս , զհետ լեր այնոցիկ՝ որ հաստատուն առնեն զքեզ 'ի վերայ հիման հաւատոյ , և ցուցանեն քեզ զիշխանութիւն եկեղեցւոյ , առ պաշտպանել անձին և կարող լինել ողջամիտ վարդապետութեամբ պաշտպանել և այլոց յերեսաց մոլորութեանց . և կարևոր խոհեմութեամբ հանդերձ վանել զնոսին եթէ բանիւ և եթէ գրով : Բայց և յուսանել անդ զգոյշ լեր յունայնասիրութենէ . մի մոռանար զի Ղս-

տուած ծածկէ յամբարտաւան իմասնոց
աշխարհի զլոյս իւր, և մասնաւորէ զայն
խոնարհաց : Անճնապահ լեր և 'ի շա-
հասիրութենէ, որով յոլովք յաստուա-
ծաբանից և 'ի կանոնագիտաց զմիտս
հաճեցին հզօրաց, մատն եղեն եկեղե-
ցւոյ, և մոլորեցան 'ի հաւատս : Հեռի
լեր 'ի գինւոյ և յանհամեստութենէ,
որով ապստամբեցին 'ի հաւատոց ան-
գամ իմաստնագոյնքն :

ԻԵ

Յոյս :

Ա . Արդեակ, չէ արժան քեզ երկրն-
չել ուստեք բաց յինէն, և յոչինչ յու-
սալ բայց յինէն, որ եմ Աստուած քո
զոր ընտրեցեր 'ի բաժին և 'ի ժառան-
գութիւն : Օ ինչ շահ է քեզ ապաս-
տան լինել 'ի մեծութիւն և 'ի զօրու-
թիւն, ուր գրեալ է թէ Անիծեալ որ
դնէ զլոյս իւր 'ի մարդ, և նկուն լիցի
որ պանծայ յանձին զօրութիւն : Այլ է

ոչ 'ի բաց բարձցես զմարդկային յանձն
 ապաստանութիւն , ոչ լիցի քեզ ձեռն
 տու աստուածեղէն զօրութիւն : Յիս
 յուսա , և ապա թէ կարասցես բողոք
 բառնալ՝ եթէ յետ խնդրելոյդ զիս
 յամենայն սրտէ պակասեացէ քեզ ինչ :

Բ . Քեզ ասեմ , սիրեցեալդ , մի լի
 ցի քեզ վճատիլ և սրտաբեկիլ : Ընն
 ինձ կամք , զի դու մեծայոյս լիցիս ա
 ռանց խիթալոյ յանձնէդ , բայց և ոչ
 զայն կամիմ , զի յուսահատ դանդաչի
 ցես : Յաղագս մեղաց քոց յիրաւի է
 քեզ զահի հարկանել , մանաւանդ զի
 մեծեղեռն քան զաշխարհականս ես .
 բայց չգիտիցես զի ես խոստացայ շնոր
 հել թողութիւն ամենայնի , և ետու
 իշխանութիւն եկեղեցւոյ իմոյ արձակել
 զքեզ 'ի մեղաց : Ոչ ապաքէն երդուայ ,
 թէ ոչ կամիմ զմահ , այլ զփրկութիւն
 մեղաւորի : Դու ինքնին ուսուցանես
 զայդ այլոց , և ոչ քաջալերեալ խրա
 խուսիցիս : Ոչ միայն ներեմ քեզ , այլ և
 պատրաստ եմ սուրբ առնել զքեզ : Հայ
 եաց 'ի Պետրոս , հայեաց 'ի Պաւղոս .
 ապաքէն մեղաւորք ոմանք էին , և ես
 'ի սրբութիւն զնոսա ամբարձի և նա
 խազահ իշխանս եկեղեցւոյ կարգեցի ,

որպէս զի 'ի միտ առցես դու զիմ գուժ
 սրտի առ մեղաւորս : Հնապա , մի լքուս-
 ցեն զսիրտ քո նեղութիւնք , փորձու-
 թիւնք , տկարութիւնք և ծանրաբեռ-
 նութիւնք . կամեաց միայն , և օգնեցից
 քեզ . տես 'ի վերս իմ յայդոսիկ զսէր
 իմ : Աթէ զքեզ միջնորդ կացուցի այ-
 լոց , եթէ 'ի պատարագն զոր հանա-
 պազ մատուցանես , և 'ի խորհուրդս
 զոր մատակարարես , և 'ի պաշտամունս
 զոր կատարես , ետու քեզ զիմ շնորհս
 և զարիւն իմ , նա և զանձն զլխովին
 յաղագս առաւել հիքացելոց , ջինի-
 ցիմ և քո քաւիչ : Ընտրեցի զքեզ 'ի
 քահանայութիւն և ածի 'ի կրօն , ետու
 ստանձնել քեզ բեռինս ծանունս , և կար-
 ծիցես թէ ոչ տաց քեզ և զօգնակա-
 նութիւնս կարեւորս առ հաւատարիմ
 պատուիրանապահութիւն :

Գ . Յիշեա , զի թէ որդի իմ ես , ա-
 պա և ժառանգ փառաց իմոց . և եթէ
 յանձին կալցիս չարչարակից ինձ լինել ,
 ամենայն չարչարանք ժամանակեայք ո-
 չինչ են առաջի անդանօր վարձուց . և
 դու անտանելի համարիցիս զփոքրն զայն
 և զչնչին զոր կրես : Օ ինչ ինչ ոչ
 կրեցին առ 'ի զերկինս ստանալոյ այնչափ

քահանայք Մատուծոյ՝ թէպէտեւ տր-
կարագոյնք քան զքեզ . բայց քաջալե-
րեալք ակնկալու թեամբ յաւիտենիցն
վարձուց՝ թե թեւ և խոտան համարե-
ցան զամենայն վաստակս իւրեանց և
զճգունս և զկիրս : Օ ինչ ինչ և ինձ չե-
ղեւ պարտ կրել ՚ի մտանել ՚ի փառս իմ
սեպհական . մի թէ այդչափ ծանրագնոյ
լիցի և քեզ : Օ ինչ ոչ առնեն աշխար-
հիկք , և դու եւս ունէիր առնել յաշ-
խարհի վասն իրաց ջնչենոց . և վասն
երկնից այդպէս հեղգ զքեզ տեսից :
Վասն քո պատրաստեալ է իմ պսակ
փառաւոր , և չկամիցիս զնա ժառան-
գել : Սուղ է ժամանակն . փու թա ար-
գասիս բարեաց շտեմարանել . գամ ես
վաղվաղակի , և վարձք իմ պատրաստա-
կան ընդ իս , և հատուցից իւրաքանչիւր
ըստ գործս իւր :

Հրահանգք

Սուրբն Մեռնարդոս ասէր թէ պէտք
են ՚ի քահանայու թիւն ՚ի վեր առնուլ
զնոսա եւեթ , ոչք ուսեալ իցեն և սովո-
րեալ յաղօթս կալ , և յամենայնի ա-

առաւել յաղօթս իցեն ասպատան քան
 յանձանց հնարս և 'ի ջանս : Խոյս տուր
 յառթից հրապուրողաց , յաշխարհէ , և
 յաշխարհական զբօսանաց : Ըստուած
 պատուիրեաց հրեշտակաց իւրոց պա-
 հել զքեզ յամենայն ճանապարհս քո ,
 և ոչ եթէ 'ի վախս ինքնավէժս : Հրա-
 հանգք պաշտամանդ ծանունք և դժուա-
 րին քեզ թուին , քանզի զակատեալ ես
 զհետ աշխարհի և ախորժես կեալ իբրեւ
 զաշխարհիկս : Յիշեա զի քահանայ
 ես , և չես յաշխարհէ . յուշ ած զերկ-
 նից բարութիւնս մեծամեծս , և յայն-
 ժամ որպէս տիղմանարգ արհամարհես
 ցես զամենայն իրս կենցաղականս :

ԻԶ

Սէր Սատուծոյ :

Ա . Սիրե՞ս զիս յամենայն սրտէ քում
 մէ , և յամենայն մտաց քոց , և յա-
 մենայն զօրութենէ քումմէ . սիրե՞ս զիս
 առաւել քան զամենայն ինչ , քան զա-

մենայն փառս , և քան զանձն քո . սիրե՞ս զիս առաւել քան զայլս : Յուշ լիցի քեզ , զի արկար զքեւ զձեւ քահանայական 'ի նշանակ առանձինն աստուածսիրութեան : Այլ զի՞նչ օգուտ իցէ քեզ հրեշտականման բարբառել , ունել զամենայն գիտութիւն , և սքանչելիս եւս գործել , բաշխել զամենայն ինչս քո աղքատաց , ծախել զկեանս քո 'ի մեծ ճգնութիւնս , եթէ զիս չսիրիցես : Օ ի՞նչ շահ եղեւ Յուդայի առաքելութիւնն : Առանց սիրոյ՝ թէ և զամենայն առաքիսութիւն ունիցիս , չես քահանայ . քանզի առանց սիրոյ անօգուտ է ամենայն ինչ :

Բ . Աթէ չիցե՞մ ես արժանի քումդ սիրոյ . զի՞նչ ինչ սիրելի կարող ես յիս խնդրել , զոր ես չունիցիմ : Աթէ զըտցես ինչ մի լաւ քան զիս , ոչ ինչ դժուարիմ եթէ զիս չսիրիցես : Առ սիրես զարարածս վասն կայծի միոյ բարութեան , զոր յինէն ունին . և զի՛արդ չսիրիցես զիս զամենայն բարի և զաղբիւր բարութեանց : Աթէ աշխարհ զիս ոչ ծանիցէ , և երթիցէ պաշտօն հարկանել կրից մարմնոյ , պատուհասք անհնարինք կան մնան նմա . իսկ եթէ


և քահանայդ Մատուծոյ զնոյն գործի-
ցես, ո՞ կարիցէ ժոյժ ունել: Արդեակ,
քանիք յաշխարհականաց և ՚ի սրբա-
կրօն կանանց միամտութեամբ սրտի
հալին ՚ի սէր իմ. միանգամ եւեթ եթէ
զինէն խորհիցին նուաղին սիրտք նոցա,
և լան ցաւագին, զի սէրն ոչ է սիրե-
ցեալ. ոչ խնայեն յինչս, յաշխատու-
թիւնս, և ՚ի կեանս եթէ կարիցեն
իւրք արդելու զի մի դառնացուցանի-
ցեն զիս մարդիկ. և դու որ պաշտօ-
նեայդ ես տան իմոյ և խորհրդոցս հա-
զարապետ, ոչ ինչ փոյթ յաղագս իրացս
ունիս յանձին:

Գ. Օ ինչ ինչ առնել էր իմ առ ՚ի
սիրելի լինելոյ քեզ: Աիրեցի զքեզ ան-
դրստին ՚ի յաւիտենից. գիտակ իսկ ես
առանձին շնորհաց, պարգևաց և իշխա-
նութեանց՝ զոր ետու քեզ ՚ի քահանայ-
ութեան, զի զիս սիրիցես: Ստեսա-
նէս զնոյն ՚ի թողութիւն առնել իմում
մեղաւորաց, զորս լուացի արեամբ ի-
մով, և ՚ի քաղցրութիւն ցուցանել իմում
առ արդարս, որոց մատակարարի մար-
մինս իմ. ՚ի վարիլ քո ընդ իս ընտանե-
բար, և ՚ի հպատակել իմում զիս քեզ
իւրք օրինակաւ, և յառնելն զքեզ որ-

պէս միւս եւս ես : Ո՞ր կարող էր առա-
 ւել սէր ցուցանել և բարերարել քեզ :
 Օ արիւն իմ բովանդակ հեղի առ 'ի
 շնորհօք ընուլ զքեզ , և ծանրագնոյ գնե-
 ցի . ետու քեզ զայնչափ պարգեւս , զայն-
 չափ պատիւս և իշխանութիւնս , և դու
 զիս ոչ սիրիցես : Այլ մինչդեռ ատելու-
 թեամբ էիր ընդ իս՝ ոչ բարձի թողի ա-
 րարի զքեզ , այլ համբերութեամբ ժու-
 ժեցի ապստամբելոյդ . և ստիպաւ խըն-
 գրեցի զփախստականդ , զթալիր ինա-
 մով ներեցի քեզ և ողջագուրեցի .
 միայն թէ դու զիս սիրեցես : Այլ
 զսէր ձգէ . և միայն առ 'ի քէն չմար-
 թացայց ունել զայդ : Այդի գրաւ զա-
 մենայն զօրութիւն իմ և զիշխանու-
 թիւն ընդ պատուիրանի սիրելոյ , որ
 առաջինն է և մեծն : Այստացայ քեզ
 զամենայն բարի , եթէ զիս սիրիցես .
 ինդրեմ 'ի քէն իբրեւ 'ի պարգեւի մա-
 սին , կամ որպէս թէ աղաչելով , զի
 ինձ տացես զսիրտ քո , որ և իմ իսկ է :
 Արդ առ այսչափ հանդէս սիրոյ չտա-
 ցես դու փոխարէնս և ոչ վառեացիս սի-
 րով :

Հրահանգք

Վրոն գործեա վառիլ 'ի սէր Մատու-
 ծոյ, և զայլ եւս վառել, ջանալով ճա-
 նաչել անձամբ, և տալով այլոց եւս ճա-
 նաչել եթէ 'ի քարոզս, եթէ 'ի խոս-
 տովանութեան և կամ յառանձին յոր-
 գորակս՝ ոչ միայն զբարերարութիւնս
 Մատուծոյ, այլ և զանսահման բարե-
 մասնութիւնս նորա: Սուրբն Ազնատիոս
 սովոր էր ասել թէ չիք փայտ լաւագոյն 'ի
 լուցանել զհուր սիրոյն Մատուծոյ որպէս
 զխաչափայտն: Սեռելութիւն ախտից
 քոց և ցանկութեան՝ աճումն է աս-
 տուածսիրութեան:



ԻԷ

Սեր ընկերին :

Ա • Արդեակ, եթէ զիս սիրես, զիանող
 ոչ սիրեսցես զեղբարս քո • զիանող կա-
 րասցես մոռանալ զվերջին կամս և զկտակ
 հօր քո երկնաւորի • Սիրեսջիք, ասացի,
 որդեակք իմ զմիմեանս • կամեցարուք
 իրերաց զայն ամենայն բարի, զոր ես
 ձեզ կամեցայ : Օ այս անկեղծ սէր 'ի
 մէջ ձեր ես ձեզ ետու որպէս նշանակ,
 զի ծանիցէ աշխարհ եթէ իմ աշա-
 կերտք էք : Վիտես, զի սիրեցի զքեզ
 որպէս զբարեկամ, և բացի քեզ զբոլոր
 սիրտ իմ, և եղէ առաջին 'ի խնդրել
 զքեզ, և ընտրեցի զքեզ միջնորդ և բա-
 րեխօս ամենայն բարեաց 'ի պէտս եղ-
 բարց քոց : Հասլա, պինդ կալջիր զանձն
 քո միաբան ընդ այլս 'ի սուրբ խաղա-
 ղութեան, որ է ժառանգութիւն զոր
 քեզ թողի • և ըստ կանոնի այնր սիրոյ՝
 զոր ես ցուցի, սիրեա զնոսա 'ի բոլոր
 սրտէ • միւսանգամ քեզ երկրորդեմ,

զի մեծապէս փոյթ է ինձ զիրացդ :
 Հայրն իմ երկնաւոր ոչ պակասեսցի յօգ-
 նականութենէ . նա զձեզ սիրէ , և ես
 աղաչեցի զնա 'ի բոլոր սրտէ 'ի պա-
 հել զձեզ այնպէս միացեալս ընդ մի-
 մեանս , զի լինիցիք մի ընդ իրեարս , որ-
 պէս ես մի եմ ընդ նմա : Աւ յետ այս-
 քան փութոյ զիարդ լինիցի ինձ տեսա-
 նել զքեզ գերեալ 'ի հոգւոյ երկպառա-
 կութեան և գժտութեան , կամ լոկ
 միաբանեալ արտաքնայարդար և քաղա-
 քավար սիրով :

Բ . Քաջ գիտես որչափ ինչ արարի
 վասն քո : Շնորհեցի քեզ զմարմին
 իմ և զարիւն . ետու զբովանդակ կեանս
 և զանձն իմ 'ի չարչարանս և 'ի մահ
 վասն քո 'ի վերայ փայտի խաչին . և
 այսպիսի սիրալիր օրինակք ջարժիցե՞ն
 զքեզ նմանող ինձ լինել յեղբայրսիրու-
 թեան : Ատու քեզ զկոչումն կրօնաւո-
 րական , և օծի զքեզ ինձ 'ի քահանայ
 իւղով սրբութեան , որ է նշանակ ողոր-
 մութեան . զի առաւել քան զառաւել
 առատանայցէ 'ի քեզ փոյթ սփոփելոյ
 ողորմածութեամբ զաղքատս , և լի-
 նիցիս բոլորովին գութ և փոյթ 'ի հո-
 գալ եղբարց քոց զամենայն բարի : Աւ

չափ ինչ առնիցես միում 'ի փոքրկանցս
յայսցանէ, համարեցայց եթէ ինձ ա-
րարեր :


Գ. Օ ի փոյթ է քեզ, թէ մարդիկ
երախտադէտ ոչ լինիցին, այլ և հալա-
ծիչ քո եղիցին. ապաքէն և զիս հա-
լածեցին: Մ'ի ինչ ռխանար, թէ որ կապ-
տեաց զհանդերձս քո, զինչս և զպա-
տիւ. ես ինքնին հրամայեցի քեզ տալ
և զբաճկոն քո՝ որում խնդրիցէ 'ի քէն
կուով զշապիկդ քո. և դարձուցանել
զձախոյ ծնօտն քո որում հարկանիցէ
զաջ ծնօտդ: Ար զքեզդ հալածէ, և
դառն զրպարտութեամբ զամենայն չար
խօսի զքէն, յակամայս իսկ պատրաստէ
քեզ պսակ յերկինս: Այլ դու որ տաս
զխաղաղութիւն եղբարց քոց 'ի սուրբ
պատարազի, և յիշատակես զիմ չար-
չարանս և զմահ, զորս յանձն առի յօգ-
նել թշնամեաց իմոց, դու որ ճաշակես
և բաշխես զիս զդառն հեզ, որ անիծանու
ղացս ոչ անիծի, չարչարեալ և ոչ սպառ-
նացայ, և զանմեղ անձն իմ թողացուցի
դատել յանիրաւի, մանաւանդ թէ ող-
ջագուրեցի զանօրէնն զՅուդա, և 'ի
վերայ խաչի աղօթեցի վասն խաչահա-
նուացս, դժուարեցցիս 'ի սիրել, ողջու-

նել, մարդավարել, և ասել բան մի քա-
ղաքավար զրպարտչին քում: Ասուցիչդ
սիրոյ այդպէս վարեցիս ընդդէմ սիրոյ:
Յուշ լիցի քեզ, զի պէտա ունիս առ
յինէն թողութեան և մարդասիրու-
թեան. և ես խոստանամ ցուցանել
քեզ զայդ, միայն թէ և դու թողցես,
և քաղցր լինիցիս առ դառնացուցիչս
քո: Արով չափով չափեցես այլոց, և
ես նովին չափեցից քեզ:

Հրահանգք

Օ մտաւ ած, զի թէ ունիցիս խէթ
ընդ եղբօր քում, այսօր իսկ քեզէն փու-
թա հաշտել ընդ նմա, և հաստատու-
թեամբ դիցես 'ի մտի մի մատչել 'ի
հաղորդութիւն կենարար հացին մինչ
չեւ իցես 'ի խաղաղութեան ընդ նմա:
Սուրբն Յովհաննէս Աղորմած հայրա-
պետ Ղեքսանդրու 'ի պատարագելանդ
իւրում յիշեաց, զի ոմն 'ի ժառանգա-
ւորաց իրաւամբ յանդիմանեալ 'ի նմա-
նէ՝ ունէր զխէթ ընդդէմ իւր. և յուշ
ածեալ զբան փրկչին, թէ թող զպա-
տարագն քո 'ի վերայ սեղանոյ, և երթ

նախ հաշտեաց ընդ եղբօր քում, փոյթ
 ընդ փոյթ եթող զսուրբ պատարագն
 և կոչեաց առ ինքն զյամառեալ ժառան-
 դաւորն . անկաւ յօտս նորա խորին խո-
 նարհութեամբ, և այնպէս շահեցաւ
 զնա 'ի Քրիստոս . և ապա դարձաւ յե-
 կեղեցի անդր մատուցանել զպատա-
 րագն : Սիրեա զխաղաղութիւն յանձին
 քում, և ջանա ըստ կարի զնոյն տնկել
 և 'ի սիրտս այլոց : Արա ողորմութիւն
 ինչ՝ առաւելապէս առ 'ի իափանել
 զմեղս : Այլէ Աստուած դատապար-
 տելոց է յահեղ ատենի զորս ոչն առնի-
 ցեն զսէր և զողորմութիւն, որչափ մեծ
 եւս իցէ քոյդ յանցաւորութիւն և
 դատապարտութիւն, որ քահանայու-
 թեամբդ պարտաւոր կացուցեր զքեզ
 սիրոյ :



ԻԸ

Նախասնճառորոշքիւն :

Ա . Չես ինչ անտեղեակ , որդեակ ,
 զի իմ տենչ միակ և իղձ սրտի այն եղեւ
 փառաւոր առնել զհայր իմ , և ձգել
 զհոգիս առ նա : Տեսեր զիս խոնջ և
 վաստակեալ անկերակուր և անհաց ճրգ
 նելով վասն միոյ եւեթ կնոջ մեղաւորի՝ ի
 Սամարիա . զիարդ մեծ եղեւ ուրախու
 թիւն իմ՝ ի տեսանել անդ ՚ի գիրկս
 զոչխարակն զկորուսեալ , և զանառակ
 որդին զգաստացեալ . միթէ խնայեցի՝ ի
 քրտունս , յարտասուս , յարիւն և ՚ի
 կեանս գլխովին յաղազս փրկութեան
 բողորեցուն : Ա՛հ սիրով սիրեցեալդ իմ ,
 եթէ զիս սիրես , չասեմ թէ պահօք
 խոշտանգեա զքեզ և խարազանօք տան
 ջեա , այլ ապրեցո ինձ զհոգիս . առանց
 այսր ոչինչ գործես , և ոչ իւրք ցուցա
 նես զսէր քո առ իս . դիր հաստատու
 թեամբ ՚ի մտի , թէ չկարես առնել
 ինչ մի առաւել գերապանծ , և ինձ ա

Լելի հաճոյական : Օ՞ր ճգունս , զաշխատութիւնս և զհալածանս ոչ կրեցին Պետրոս , Պաւղոս , Յովհաննէս , և բազմութիւնք սուրբ քահանայից առ 'ի մխիթարել զիս : Եւ յառաջ իսկ քան զաւետարանն իմ Մովսէս , Փենեհեզ , Եղիա , և մարգարէք որով նախանձու վառեցան , զի՛նչ ինչ ոչ գործեցին 'ի պատիւ փառաց իմոց , և դու զհետ իմոցս օրինակաց և փութոյ և սիրոյ անշարժ կացցես մնասցես :

Բ . Քահանայ զքեզ կացուցի ոչ 'ի քո դիւրութիւն , այլ վասն բարւոյ հասարակաց . այս իսկ է վախճանն՝ ոյր վասն բարի արարի քեզ . այս բովանդակութիւն պաշտամանդ քոյ : Եւ փեսայ և պաշտպան եկեղեցւոյ իմոյ , դու սահմանեալդ հրեշտակ պահապան , և հայր հոգւոց՝ զիմրդ ժուժեսցես տեսանել զխարդաւանել բազմաց 'ի վիհս դժոխոց : Օ՞ իմրդ ոչ զամենայն ճիգն հնարիցիս կորզել գոնեա զոմանս 'ի ձեռաց թշնամւոյն , գուն գործելով և խօսելով հրապարակաւ և առանձինն . որպէս կարես 'ի դատարկութեան կալ և յանգործութեան յայնչափ կոտորածս իմոց և քոց որդեկաց : Միթէ վասն այնորիկ

ընկալար յինէն զիշխանութիւն և զաստիճան պատուոյ, մինչեւ ընտրել ինձ զքեզ յիմ գործակցութիւն և 'ի սատարութիւն փրկութեան հոգւոց, զի յետ այսր ամենայնի թշնամիք իմ առաւել ժրաջան գտցին 'ի կորուսանել ինձ զնոսա քան եթէ դու յապրեցուցանել: Յուշ լիցի քեզ, զի արեան իմոյ գինք են նոքա, և պահանջեցից 'ի քէն համար սաստիկ յոյժ յոյժ: Օ ի է քեզ յօժարիլ յաւելլուլ Վստուծոյ քում զգառնութիւնս կորստեամբ այնչափ հոգւոց, և քո իսկ գլխովին:


Գ. Ար ոք դարձուցանէ ինձ զմեղաւոր զոք, բաց 'ի շահելոյ զնա փրկեսցէ և զանձն իւր, և փայլեսցէ որպէս զաստեղս. կամիցիս յաճախել քեզ պսակս. յաճախեա, որդեակ, շահել զհոգիս: Եթէ տօն ցնծութեան կատարեն յերկինս հրեշտակք և սուրբք վասն միոյ մեղաւորի եկելոյ 'ի զգաստութիւն ապաշխարութեան, որչափ եւս առաւել ոչ արասցեն վասն այնորիկ որ դարձուցանիցէ զնա 'ի զգաստութիւն: Օ այս գիտեա, զի առաւել քան զամենայն զգործս իմ պատուական ինձ համարիմ զհոգիս. և միթէ չկամեցայց ամենայն բարեօք ի-

մովք փարթամացուցանել զսպրեցու-
ցիչն նոցա : Մաբէ քաղցր արգասեացս .
զոր բերկրանս չբերեն 'ի պահու մա-
հուան . զոր խնդութիւն 'ի յերկինս ,
և դու անփոյթ առնիցես :

Հրահանգք

Տես եթէ նախանձայուզութիւն քո
'ի սիրոյ իցէ վառեալ և գիտութեամբ
կերպացեալ , և հաստատութեամբ ամ-
րացեալ : Այր երկայնամիտ է , քաղցրա-
նայ , ոչ նախանձի ընդ գործս այլոց , ոչ
ամբարտաւանէ , ոչ խնդրէ զիւրն՝ զշա-
հասիրութիւն ասեմ , և զփառասիրու-
թիւն , և զկամս . խնդրէ զբարին նախ
զիւրոցն , և ապա զօտարին . նախ զիւ-
րական , և ապա զայլոցն : Ար իւրում
տանն խնամ չտանիցի , զիւրոյ խնամա-
կալ եկեղեցւոյ լինիցի : Ար անձին իւ-
րում չար է , զիւրոյ այլում բարի լինի-
ցի : Մըանց ուսումնասիրութեան , խոր-
հրդակցութեան , և աղօթից ոչ երբէք
լիցի քեզ ունել զգիտութիւն սրբոց ,
որ իմաստուն առնիցէ զքեզ և խոհական
և գործօնեայ : Յոյց զանձն քո յառե-

նայնի արժանաւոր պաշտօնեայ Քրիս-
 տոսի, սպառազինեա զքեզ համբերու-
 թեամբ բազմաւ 'ի վաստակս և 'ի պրտ-
 դաբերութիւն. մի դադարեր թէպէտ
 և բազումք ընդդէմ դարձցին քեզ և
 հալածանօք խոշտանդեսցեն. այլ լեր
 աներկբայ զի վարձս ընկալցիս ոչ ըստ
 պտղոյն, այլ ըստ քումդ աշխատու-
 թեան: Սուրբն Ստուռնիոս առաքեալն
 սաքսոնիացւոց յետ բազմադիմի վաս-
 տակոց և հալածանաց կրելոց յիւրումն
 առաքելութեան մարթացաւ ասել 'ի
 մահուանն. 'Ընին աչք իմ յայլ ինչ յա-
 մենայնի զոր արարի, բայց միայն 'ի
 փրկութիւն հոգւոց և 'ի կամս Աստու-
 ծոյ:



ԻԹ

Խոնարհութիւն և հեղուքիւն :

Ա . Արդեակ , ուսիր յինէն . և զի՛նչ .
 ոչ զաշխարհ կերտել , և ոչ սքանչելա-
 գործել , այլ հեզ լինել և խոնարհ սրբ-
 տիւ : Հայեաց յիմ վարս , և փոքր 'ի
 շատէ համեմատեա ընդ քոյումիդ : Ես՝
 որչափ և կարես զմտաւ ածել՝ մեծ եմ
 քան զքեզ . և սակայն յանձին կալայ
 ծնանիլ յաղքատ կուսէ , համարեցայ
 որդի հիւսան . աղքատին ձեւ զգեցայ ,
 և յամենայնի որպէս տառապեալ վարե-
 ցայ . և դու հէքդ և յետնեալ՝ ախոր-
 ժիցես մեծութիւն ցուցանել ըստ
 ծննդեան , զգեստուց , գնացից , և ըստ
 ամենայն բանի . միթէ ես ընդ ծնանիլս
 չկարէի ընուլ զաշխարհ համբաւով մե-
 ծահրաշ գործոց . այլ զամս երեսուն
 ժուժկալեցի յաղքատին տան և յանարգ
 գործատան . հարցանէի զվարդապետս
 ուսանել 'ի նոցանէ . և յաճել ամաց
 հասակիս ցուցի ընդ ժամանակին և

զգիտութիւնս և զշնորհս . իսկ դու ամբ
 բարտաւանդ չառնուս յանձն ուսանել,
 և հարցանել խորհուրդ . ցանկաս որում
 ոչ ունիս , և ձեռներէց լինիս 'ի կարգ
 և 'ի պաշտօն անպատրաստ և անար-
 դիւն , և խնդրես պաշտամունս մեծապայ-
 ծառս : Աղէ ես ընդ օրինօք , հնազանդ
 եղէ մօր իմում , և Յովսեփայ գլխո-
 վին , մկրտեցայ 'ի Յովհաննէ . և դու
 ոչ կամիս հնազանդել բանից և պա-
 տուիրանաց առաջնորդացն քոց : Աիր
 'ի մտի , որդեակ , զի 'ի խոնարհս եւեթ
 հայիմ ես և նոցա մասնաւորեմ զշնորհս
 իմ : Աթէ ոչ լինիցիս որպէս մանուկ
 տղայ , ոչ մտանիցես յերկինս : Այս է
 հիմն քրիստոնէական կենաց , եւս ա-
 ռաւել առն եկեղեցականի . և դու ա-
 ռանց հիման կամիցիս շինել :

Բ . Ալեալ իմ 'ի տես հրապարակի՝
 յամենայն 'ի վաստակս իմ և 'ի քարո-
 ղութիւնս և 'ի սքանչելագործութիւնս
 ոչ ինչ այլ խնդրեցի , բայց զփառս հօր
 իմոյ : Աւ դու որ ոչ ինչդ ես , և ոչ ինչ
 կարես , և ոչ իմիք ես արժանի , ոչ ինչ
 խնդրես , բայց զքո սնոտի և զանմիտ և
 զվնասակար փառս՝ հակառակ կալով
 և փառաց անուան իմոյ : Աջ բարձրա-

ձայն և ոչ մեծաբանս խօսեցայ ընդ ու-
 մեք . խօսելով խօսեցայ և ընդ իշխանս
 հեթանոսաց , այլ ակնածու թեամբ .
 առաքեցի զժողովուրդն առ քահանայս
 հալածիչս իմ . ոչ վիճեցի ընդ ումեք ,
 և ուսուցի մեծամեծաց փոքրկանալ և
 տեղի տալ բոլորից և անիրաւաց անգամ
 և յափշտակողաց զինչս , և հարստա-
 հարողաց : Իսկ դու հեքդ քրթմնջես
 և բամբասես , և երգիծանես զթերու-
 թիւնս այլոց . բանակուիւ լինիս և սեր-
 մանացան 'ի մէջ երիցանց և կրօնաւո-
 րելոց : Ի բարկութիւն բրդիս , դառնա-
 ցուցանես զայլս . և 'ի կրելդ ինչ դժկա-
 մակ՝ յանամոքելի միտս բերիս : Եւ
 խոյս ետու 'ի թագաւորելոյ և յամե-
 նայն մարդկային մեծութենէ . լաւ հա-
 մարեցայ քարոզել 'ի հրէաստանի եւեթ-
 աղքատաց և սակաւաւորաց , և մեղա-
 ւոր սամարուհւոյ . 'ի թիկունս ինձ առի
 զաշակերտս , որպէս թէ պէտս ունիցիմ
 նոցա . ետու նոցա իշխանութիւն գոր-
 ծելոյ սքանչելիս մեծամեծս եւս քան
 զիմս , և երթալ ընդ ամենայն աշ-
 խարհ : Եւ յոնարհեցուցի զանձն իմ լուա-
 նալ զոտս նոցա և ծառայ լինել բոլորե-
 ցունց . փոքրկացուցի զանձն իմ , և ե-
 ղէ որպէս զյետին . և 'ի պարգեւս իմ

անգամ և 'ի սքանչելագործութիւնս ոչ
 ինչ ցուցի հանդէս մեծութեան : Աթէ
 'ի հաղորդութեան թաքուցի զանձն իմ
 ընդ հասարակ բաղարջ հացիւ , դու
 զիարդ ցանկանայցես մեծանունս պա-
 տուասիրութեանց , և զյառաջագահս
 խնդրիցես , և զամենայն նախապատու-
 ութիւնս . մինչեւ 'ի պաշտամունս իսկ
 քո մուծանել մախանս և ռիսակալու-
 թիւնս՝ դայթակղութեամբ հանդերձ
 աշխարհականաց . կամ թէ խորհիցիս
 հաճոյ լինել Մատուծոյ , և դարձուցա-
 նել առ իս զոգիս խոտութեամբ և ամ-
 բարտաւանութեամբ , ուր էս ոչ արա-
 ըի զայդ , բայց խոնարհութեամբ և
 հեղութեամբ :

Գ . Ղարձեալ և 'ի կիրս չարչարա-
 նաց յորպիսի ծով ոչ ընկղմեցայ նուա-
 տութեան և անարգանաց . թողեալ
 լքեալ յիմոցս , ուրացեալ 'ի Պետրոսէ ,
 մասնեալ 'ի Յուդայէ , հալածեալ 'ի
 քահանայից , որպէս յիմար համարեալ ,
 քան զՂարաբբա վնասակար գրեալ ,
 ամօթահարեալ , դատապարտեալ յա-
 նիրաւի 'ի փայտ նախատանաց . և յայտ
 ամենայնի վերայ ոչինչ ընդդէմ դարձայ ,
 ոչ 'ի սուտ հանի զգրպարտութիւնս և

ոչ արդարացուցի զանձն իմ, և ոչ բողոքեցի յատեան արդարութեան . եթէ խօսեցայ, չարարի զայդ առ ազատելոյ զանձն իմ՝ ի թշնամանողաց, այլ միայն զճշմարտութիւնն յայտ արարի . և այն՝ գիտելով չափ զի յաճախեն ինձ չարիք : Եւ դու մեղապարտդ չկամիս յանդիմանիլ և խրատիլ, և ոչ առաջի խոստովանա՛հօր յանձն առնուս յանցաւոր երեւել, և զինէ՞ն իսկ քանքարտաս վասն խրատելոյ իմոյ զքեզ երբէք . կամ թէ առ ՚ի փախչելոյ ՚ի դոյզն նուաստութենէ և յայպանաց կեղծիցե՞ս, պատրուակիցե՞ս, և թաքուցանիցե՞ս զկարեւոր ճշմարտութիւնն յանկաւոր պաշտամանդ քում : Հարց զիմ թշնամիս, որպէս վարեցայ ընդ նոսա . որպիսի քաղցր բարբառ արձակեցի առ Յուդա . աղօթեցի վասն խաչահանուաց, և ՚ի տեղի կառափման եպերանօք յորդորեալ իջանել ՚ի խաչէ, թէպէտեւ կարող էի միով բանիւ և միով ակնարկութեամբ կորզել զանձն իմ ՚ի թշնամանադրութեանց, յանձն առի մեռանել ՚ի մէջ անօրինաց՝ լցեալ և յադեալ նախատանօք, և լինել արհամարհ յաչս բողորից . և այսպէս յաղթեցի զազանութեան մարդկան և մարդկային գողողութեան .

յաղթանակ կանգնեցի ընդդէմ աշխարհի, մահու և դժոխոց . զբռամբ ածի զփրկանաւորութիւն հոգւոց, զփառս հօր և անուան իմոյ : Ալ միթէ սովիմբք ուսուցի՞ քեզ պաշտպանել պատուոյ անձինդ յոխորտանօք և ամբարհաւաճութեամբ . և զիարդ անձամբ զանձն խաբիցես՝ որպէս թէ առնիցես զայդ՝ ի փառս իմ : Արդեակ իմ, խոնարհութիւնք առաջնորդեն՝ ի խոնարհութիւնս, և խոնարհութիւնն՝ ի փառս :

Հրահանգք

Սանձեա զմեծամտութիւն և զխրստութիւն : Սովոր էր ասել երանելին Փրանկիսկոս սալեզացի թէ շատ ճանձք ըմբռնին միով դրդալաւ մեղու քան հարիւր տակառօք քացախոյ : Ալ ՚ի դէմս ածել նմա, թէ առաքեալն պատուիրէ խօսել ՚ի ժամու և ՚ի տարաժամու, ՚ի վերայ էած . Աւժգնութիւն առաքելական բանիցն է յերկուս ձայնս, ամենայն համբերութեամբ և վարդապետութեամբ : Արդապետութիւնն

Ճշմարտութիւն է . բայց պարտ է խօսել
 համբերութեամբ , հանդուրժելով
 և 'ի մերժին և 'ի ծաղրիլ 'ի հակա-
 ոակորդաց , որպէս և կրեցին բանք
 Քրիստոսի : Յամենայնի խնդրեա
 զփառս Մատուծոյ . եթէ զքոյդ խնդրի-
 ցես , գող և աւազակ ճանաչիս : Արով
 հետեւ քահանայ ես , այնչափ առաւել
 պարտ է քեզ խոնարհեցուցանել զանձն ,
 որչափ մեծութիւն վիճակիդ , և պար-
 զեւացն Մատուծոյ՝ հանդերձ ապերախ
 տութեամբ քով հարկեցուցանեն հա-
 մար մեծ տալ Մատուծոյ : Սորին աղա-
 զաւ սուրբն Փրանկիսկոս չէառ յանձն
 քահանայանալ , և այլք յոլովք հրաժա-
 րեցին առ խոնարհութեան :



Լ

Մեռելոսբիւն :

Ա . Յետ ընտրելոյ իմոյ զքեզ հե-
տևող և պաշտօնեայ խաչեցելոյս , շատ
լիցի , որդեակ , ասելս իմ առ քեզ .
“ Եթէ կամիս զկնի իմ գալ , ուրասջիր
զանձն , առ զխաչ քո , և եկ զկնի իմ , ” :
Քանզի ես 'ի կարի իսկ դժնդակացն
ոչ հրաժարեցի , և դու ոչ կամիցիս
փոքու իւրք նեղել զանձն քո : Յոլովք
յաշխարհականաց ապաշխարութեամբ
և խստամբեր վարուք և մտադիւր
փութով թողուն զպատիւ անձանց և
զինչս և զհաճոյս և զկեանս գլխովին
վկայական մահուամբ , և դու քահա-
նայդ՝ որ զիս յանդիման առնես , և զիմ
յիշատակես զչարչարանս և զմահ՝ ի պա-
տարազի , և զիս տեսանես զոհ և քա-
ւութիւն վասն քո 'ի ձեռս քո , զիւրդ
չկամիցիս զհետ իմ գալ մատուցանելով
զանձն քո պատարագ ընդունելի , և 'ի
մեռելութիւն կրթելով զմարմին քո և

զցանկութիւնս : Աթէ կամիս զի խաչն
 իմ եղիցի 'ի փրկութիւն քեզ , բարձ
 զայն , որպէս արժան է , հետեւելով վա
 րուց իմոց . քանզի և ես ինքնին առ 'ի
 մտանել 'ի փառս իմ՝ պարտ ինձ վար
 կայ չարչարիլ : Ար ոք 'ի թուոյ իմոց ա
 շակերտաց իցէ , պարտի ուրանալ զանձն
 իւր : Աւ զի՛նչ . կամէիք Ապիկուրոսի
 մանաւանդ լինել աշակերտ , քան Վրիս
 տոսի , որպէս իրաւամբք բողոք բառնայ
 Ռեռնարդոս :

Բ . Վեզ անկ է ուսուցանել այլոց
 զմեռելութիւն . և որպէս կարող լինիցիս
 ասել նոցա սանձել զբարկութիւն , զյա
 մառութիւն , զանձնասիրութիւն , սի
 բել զճնշումն զգայութեանց , զուրա
 ցութիւն կամաց և զխորշումն 'ի վտան
 գաւոր կենակցութեանց , երբ դուդ
 չառնիցես զայդ ամենայն : Աւ թէպէտ
 ասիցես նոցա , զի՛նչ զօրութիւն իցէ բա
 նիցդ , մինչդեռ դու զհակառակն գործի
 ցես : Աւ՛աղ , զի կարի իրաւամբք ասի
 ցէ ժողովուրդն զքէն , որպէս և զբազ
 մաց այլոց , թէ երիցունք և կրօնաւորք
 ոչ յայլ ինչ ակն դնեն , բայց յուտել և
 յըմպել և 'ի զբօսնուլ . թող զի և յաւե
 լուցուն աղքատք թշնամանել , ասելով

Թէ ինչք մեր են զոր դոքա ուտեն :
 Սոքա են քաջ զօրականք կարծեցեալք ,
 ոյք փոխանակ տանելոյ զդրօշ մեռե-
 լու թեանն Վրիստոսի , ոչ յայլ ինչ
 դէտակն ունին , բայց 'ի կնամարդի մեղ-
 կութիւնս : Աղուկ խմումն եկեղեցւոյ ,
 որոյ էին երբեմն պաշտօնեայք հաշեալք
 և մաշեալք 'ի ճգնութիւնս , աղքատք 'ի
 գոյից , հիւժեալք տքնութեամբ և պա-
 հօք , անշուք անձամբ , մեռեալք աշ-
 խարհի և անձանց . իսկ այժմ յունձ-
 նեալ է 'ի ձեռս փափկասէր թուլամոր-
 թից : Օ ի գործեսցեն աշխարհիկք
 յայսպիսում աշխարհի անձնատուր 'ի
 հաճոյս , 'ի գրգանս , 'ի դատարկութիւնս ,
 'ի տեսանել անդ զքահանայս , որք պար-
 տական էին օրինակ լինել մեռելու-
 թեան , զայսօրինակ քաղաքավարիլ :
 Ղիցեն և ինձ իրաւունք մեծաձայն բո-
 ղոքելոյ , զի փոխանակ բազմացուցանելոյ
 զհետևողս խաչի իմոյ՝ բազմացուցանես
 նմին զթշնամիս :

Գ . Խաբիս ուլ դու , առանց ուրա-
 նալոյ զանձն զիարդ ընուցուս զայնչափ
 պարտս քո զհասարակս ընդ աշխարհա-
 կանս , և զսեպհականս քումդ աստիճա-
 նի : Պարտական ես փախչել յաշխար-

Հային տուրեւառից, յարտաքին գործոց, 'ի բանակուութենէ, և 'ի մարդահաճութենէ. և որպէս 'ի գլուխ տարցիս զայդոսիկ, եթէ ոչ ուրասցիս զսէր ընչից և փառաց. զիարդ ատեսցես զաշխարհական զբօսանս, զխաղս, զխրախութիւնս, զտեսարանս, զշուայլութիւնս, զպարս և զկենակցութիւնս, որ քեզ տիրապէս արգելեալ են, եթէ ոչ սանձեացես զցանկութիւն հեշտալեաց: Որպէս անարատ և ողջախոհ պահեսցես զանձն քո վարելով զկանայս 'ի քո իսկ սպասս, եթէ ոչ սանձիցես զզգայարանս քո, և զչարախտավատ ցանկութիւնս մարմնոյ: Ա՛րբ պարապեսցիս, որպէս արժանն է, յուսումնասիրութիւն, յաղօթս, 'ի նախանձաւորութիւն և յաշխատութիւն վասն մերձաւորաց և վասն եկեղեցւոյ, եթէ սիրես զամենայն դիւրութիւնս անձինդ, և չկամիս յաղթել մարդկային ակնածութեանց, և ոչ գիտես տանել նախատանաց և թշնամանաց վասն իմ: Ա՛մենայն անհնազանդութիւնք առ իս և առ կանոնս եկեղեցւոյ իմոյ ոչ արաքէն յառաջ գան 'ի չկամելոյ մահանալ անձին: Ա՛նձն ինչ թուիցի քեզ խաչն իմ. բայց միթէ չձգնիս մինչ 'ի մահ

վասն աշխարհի . եթէ վասն նորա չար-
 չարիս , զիարդ վասն իմ ոչ : Աջ ապա-
 քէն կրելն քեզ անբերելի թուի , և
 միթէ վասն իմ միայն կրես : Աւրեմն 'ի
 խորշիլ քո 'ի կրելոյ՝ զիտիցե՞ս ուստի
 խորշիս . խորշիս և փախչիս 'ի փոխարի-
 նաց՝ զորս ունէիր ընդունել 'ի կրելն
 վասն իմ , և 'ի գալն զհետ իմ . խորշիս
 և փախչիս յօգնականութենէ շնորհաց
 իմոց , որք զիմ լուծ քեզ առնէին ոչ
 միայն թեթեւ , այլ և քաղցր . խորշիս
 և փախչիս 'ի վարձուց և 'ի պսակաց ,
 որովք յաւուր միում դարձցի տրամու-
 թիւնն յուրախութիւն , և օրհնեսցես
 զժամն յորում չարչարակից եղեր ընդ
 իս , թագաւորելով յերկինս յաւիտեանս :
 Ապա թէ ոչ , կամիս ուրեմն մարտիրոս
 վնել առաւել վասն աշխարհի , քան
 եթէ վասն իմ . և չիցէ՞ այդ կամիլ չար-
 չարիլ թշուառաբար յաստի կեանս , և
 ապա չարչարիլ և 'ի հանդերձելումն
 մշտնջենապէս : Տես եթէ լաւ իցէ այդ
 վասն քո :

Հրահանգք

Քննեա՛ թէ ո՞ր այն ախտ և կիրք իցեն
 յորս ստէպ անկանիս . և ջանա նուաճել
 զայնոսիկ ապաշխարութեամբ և անձն-
 ուրացութեամբ : Արչափ բռնադատես-
 ցես զանձն քո , այնչափ առաւել յառա-
 ջադէմ գտցիս յառաքինութեան : Սպա-
 ռազինես ջիր վանել զնոտի զրոյցս և
 զակնածութիւնս մարդկան , և մի լինիր
 սիրող դիւրութեանց անձին : Շ ապ-
 լութիւնն և մեղկութիւն , ասէր Քսա-
 ւերեանն , և բազմօրինակ մարդաճա-
 ճութիւնք են գլխաւոր պատճառք ող-
 բալի վիճակի եկեղեցւոյ : Սուրբն Մի-
 բրոսիոս 'ի բանից անտի առաքելոյն , թէ
 “ Ղնչեմ զմարմին իմ և հնազանդե-
 ցուցանեմ , զի մի որ այլոցն քարոզե-
 ցի , ես ինքն անպիտան գտանիցիմ , ”
 զայս ինչ 'ի վերայ բերէ բանս խրա-
 տուց թէ որ ոչն ճնչիցէ զմարմին , թէ-
 պէս և առաքելաբար վարեսցի , անպի-
 տան է , և 'ի թիւս անարգելոց :

ԼԱ.

Արքայորոշիւն :

Ա. Վեզ սպասեալ մնան մեծ փառք
 յերկինս, որդեակ : Րաբէ, եթէ զայդ
 զմտաւ ածէիր, զինչ ոչ առնէիր վասն
 նորին : Այս պատրաստեցի քեզ զայն . և
 ասացի թէ ուր ենն եմ, անդ և պաշտօ-
 նեայն իմ եղիցի, որչափ եւս առաւել
 իմ հաւատարիմ քահանայն . իմ փառք
 քո եղիցին, և ես ինքնին եղէց վարձք
 քո անզուգական : () Ինչոք բերկրես-
 ցի անձն քո զի ընդ գուզնաքէից զորս
 ինձ ետուր՝ փոխարէն ընկալցիս անհա-
 մեմատ չափով, թաթաղուն և զեղուն,
 այնչափ մերձաւորագոյն առ իս գտեալ,
 և մեծարեալ յերկինս, որպէս յերկրի
 եղեր առաւել մօտաւոր և պատուական
 պաշտամամբք . բաբէ, որպէս ցնծասցես
 յայնժամ, զի վայել չապէս և արիաբար
 կրեցեր զճանրութիւն քահանայական
 վակասին, յորժամ տեսցես զայն փո-
 խեալ՝ ի քառամանեակ փառաց : Վնդ

յերկինս պայծառ փայլեսցեն քան զուսաւոր ականս պատուականս նշանակք աստիճանիդ, և բազմեսցիս յաթոռ զերազահ, փոխանակ զի եկիր զհետ իմ արհամարհելով զաշխարհ: Արանի՛ քեզ, զի աշխատ լեալ վասն հոգւոյդ, և ուսուցանելով զայլս՝ տեսցես կրկնապատկեալ քեզ պսակ՝ ի վեր քան զայլոցն յերկինս:

Բ. Արդեակ, տեսանելն եւեթ զքեզ ազատ յամենայն թշուառութեանց աղցաւոր կենցաղոյս, և դադարեալ զամենայն վաստակ և զարտասուս, զխաչա և զհալածանս՝ աներկիւղ և անկասկած այնուհետեւ յամենայնէ, և ազատ յընդհարկանելոյ ընդ մեղս և ընդ մեղաւորս, չէր բաւական քեզ ՚ի միսիթարութիւն մեծ յոյժ յոյժ: Օ ի՛նչ ապա լինիցի տեսանել զանձն քո ճոխացեալ ամենայն բարեօք, և ժառանգորդ եղեալ բուն իսկ ուրախութեան Աստուծոյ քո սիրելւոյ: Սուղ բանիւ ասի այդ որդեակ, իսկ զի՛նչ իցէ խելամուտ լինել: Ալ խելամուտ լինիցիս, յորժամ մուտ գտեալ անդէն, և կարասցես ասել զորքանն փառաց արքայութեան իմոյ, և թէ՛ որչափ մեծագործ իցէ Աստուած ՚ի

լինել վարձահատոյց : Օ մտաւ ած , որ չափ ինչ զօրեաց 'ի Պետրոս 'ի վերայ թաքորական լերին դոյզն ինչ ճառագայթ փառաց իմոց , կամ փայլատակումն եւեթ նշուլից 'ի Պաւղոս , կամ ուրուական իմն ստուեր սրբոյ քաղաքին երեւեալ : Յովհաննու : Բաբէ , եթէ մի եւեթ շիթ ցուցեալ սոցա , և ումանց ոմանց 'ի սիրելեաց իմոց , այնչափ քաղցր թուեցաւ 'ի հովտիս տրտմութեան և արտասուաց , զի՞նչ լինիցի , յորժամ զօրացեալ աստուածեղէն լուսով՝ ոչ եւս առակաւ և օրինակաւ , այլ դէմ յանդիման տեսցես զիս բացաւ երեսօք , և ես ուղիսաբար զեղից յանձն քո զփափկութիւնս իմ : Յայնժամ ասասցես , թէ ո՞վ սիրեցեալդ ապաշխարութիւն որ այսքան փառաց արժանաւոր զիս արարեր :

Գ . Բնդ քիրտն մտեր 'ի սուրբ պաշտամանդ , աշխատ եղեր յուսումնասիրութիւնս , խոնջեցար 'ի խոստովանարանս , հալածանաց տարար վասն իմ . այլ բաբէ որքան ցնծասցէ սիրտ քո 'ի տեսանել յաճախեալ քեզ զփառս վասն յանձնառելոցդ հալածանաց , և վասն քաջ հոգաբարձութեան հոգւոց :

Օ ամենեւին զնոսա շուրջ պար առեալ
 ունիցիս զքեւ յերկինս . և զինչ զեղումն
 սրտի յուրախութենէ քան զայդ : Յոր
 ժամ մի զմիով ելեւելս առնելով կու
 տեսցին 'ի վերայ քո շնորհս զքէն ու
 նել՝ աղքատք վասն սղորմութեանցդ ,
 որովք արգելան 'ի մեղանչելոյ . ապաշ
 խարողք վասն խրատուց և յանդիմանու
 թեանց՝ զոր նոցա արարեր , կամ վասն
 յապաղելոյդ իսկ զարձակումն առ սիրե
 լոյ զնոսա . ժողովուրդք թեմիդ բարւոք
 հրահանգեալք և դաստիարակեալք .
 երիտասարդք վառեալք 'ի սէր սրբու
 թեան , ընտանիք հաստատեալք 'ի խա
 ղաղութեան . և դու բոլորովին խրախա
 միտ շնորհս կալցիս հլութեան և հնա
 ղանդութեան նոցա , և անպտուղ չառ
 նելոյ զվաստակս քո : Եւ սուրբք իմ
 պաշտպանք նոցա , և հրեշտակք նոցին
 պահապանք , և Մարիամ զլխովին իմ
 և նոցա մայր , որպիսի սիրալիր սրտիւ
 ոչ ակնարկեսցեն 'ի քեզ , կամ որպէս
 ինդամիտ զինքեանս ոչ ցուցանիցեն :
 Եւ դու մեծապէս շնորհս զնոցանէ ու
 նիցիս , զի այնչափ բարեխօս եղեն վասն
 քո , և ձեռնտու 'ի կարիս քո սիրով :
 Եւ մենեքին քեզ սպասեալ մնան , որդեակ ,
 մինչեւ տեսցեն զժամն ընկերակից զքեզ

ունելոյ . և ես առաւել եւս քան զնոսա
այդմ փափաքեմ : Այլ զինչ ոչ արարից
ընդ քեզ . նմանագոյն ինձ արարից զքեզ
'ի փառս իմ , որովհետեւ մխիթար ինձ
եղեր նմանող լինելով 'ի վաստակս փրկ-
կութեան հոգւոց , և փութաջան խնա-
մով առաջնորդեցեր բազմաց զալ առ
իս : Օ մտաւ ած՝ թէ կարիցես , որպի-
սի լինիցի ցնծութիւն 'ի տեսանել անդ
զքեզ 'ի մէջ այնչափ հոգւոց և ընդ նո-
սա ողջագուրեալ 'ի գիրկս իմ : Այլ ան-
պատում խնդութեանս , ո՛վ անձառ-
քաղցրութիւն :

Հրահանգք

Պանդուխտ ես 'ի վերայ երկրի . ար-
համարհեա զ'իսպառ ոչինչ և զանցաւոր
աշխարհ . հայրենական քո գաւառ վերին
դրախտն է արքայութեան . առաքեա
յառաջոյ ողորմութիւնս և բարեգոր-
ծութիւնս : Արտիրոսաց , կուսանաց
և վերակացուաց հոգւոց փրկութեան
երրեակ պսակք պահեալ կան յերկինս .
ցանկացող լեր առաջնոյն , և փութա
ստանալ զերկոսին մաքրութեամբ և նա

խանձաւորութեամբ . մեծ են պարտք
քո վասն ողջախոհ մաքրութեան , և
վասն փութոյ օգնելոյ հոգւոյ՝ ՚ի քա-
հանայական կոչմանդ : Ի ընուզ զպարտս
քո զայսոսիկ ոչ փոքու աշխատութեան
պէտք են քեզ . բայց յուշ լիցի քեզ ,
ասէր սուրբն Փիլիպպոս ներեան , զի ար-
քայութիւնն ոչ է վասն հեղգացելոց :
Սուրբն Փրանկիսկոս աստիզացի ՚ի խրա-
խուսել անդ զմիանձունս իւր ասէր .
Եղբարք իմ , մեծ են ուխտք մեր , այլ
մեծամեծք եւս զորս ուխտեաց մեզ
տէր . պահեսցուք զմերսն , ցանկասցուք
աստուածայնոցն : Հեշտալիքն են սուղ և
չարչարանք փոքր . այլ փառքն են ան-
սահման : Բազումք են կոչեցեալք , և
սակաւք են ընտրեալք . իւրաքանչիւր
ոք ըստ վաստակոց ընկալցի զհատու-
ցումն :





ՔՆՆՈՒԹԻՒՆ ԽՂՃԻ

ՎԱՍՆ ԵԿԵՂԵՑԱԿԱՆ ԱՆՁԻՆ

ԸՆԴԵՐ սիրեաց արդեօք ընտրել զպայմանն ժառանգաւորաց . միթէ վասն շահասիրութեանն 'ի ճոխացուցանել զտունն իւր թողակօք և հասիւք, 'ի հաճել զազգականս, 'ի խորշիլ յաշխատութեանց, և վարել կեանս դիւրութեամբ . կամ վասն ժամանակաւոր բարեաց՝ առանց օրինաւոր կոչման : Եթէ ընկալն զկարգս 'ի մահուչափ մեղս, մանաւանդ սովորեալ 'ի մեղս ընդդէմ մաքրութեան . եթէ ստայօղ վկայութեամբ և առանց պատշաճական գրոյ ընծայութեան :

Օ՞ր վարկ ունիցի զքահանայական պատուոյ, և որպէս ցուցանէ զայն արդեամբք . եթէ իւրովք գործովք տացէ պատճառս աշխարհականաց անգոսնել զայն յանձին նորուն կամ յայլ : Եթէ

խնդրեաց ուսանել և հրահանգիլ 'ի դժ-
ժուարինս պարտս պաշտաման եկեղեցա-
կանս վիճակի , և զորպիսի փոյթ ունիցի
յանթերի կատարել զնոսին :

Եթէ ծախեաց զժամանակն առանց
աղօթից . եթէ խելամուտ իցէ թէ
զիւրդ հարկաւոր իցեն աղօթք առն
եկեղեցականի . վասն զի առանց այսր
ոչ ուսցի երբէք կեալ ըստ հարկի պաշ-
տաման իւրոյ , և ոչ ընու զպարտաւո-
րութիւնս վիճակի իւրոյ . և եթէ գի-
տիցէ , զիւրդ արգասաւորեաց : Եթէ միտ
դնէ ուսման , և ուսումն այն իցէ ինքեան
պատշաճեալ . փոյթ իցէ 'ի հոգւոր ըն-
թերցումն , և որպիսի գիրս ունիցի , անպի-
տանս , աշխարհայինս , ազատասէրս , ե-
թէ լաւս . և որպէս 'ի վար արկանէ զնո-
սին , եթէ անցուցանէ զժամանակն յիրս
անշահս և աշխարհականս , կամ 'ի սեպ-
հականս իւրումն վիճակի և 'ի շահե-
կանս պաշտաման իւրոյ . եթէ կեայ
արդեօք պարապորդ առանց յարգելոյ
զտաղանդ իւր , կամ ջանալոյ 'ի կիր ար-
կանել շահեկանութեամբ զսուրբ պաշ-
տամունս , կամ առանց անճնատուր լի-
նելոյ ըստ կարի 'ի ծառայութիւն եկե-
ղեցւոյ , և 'ի ձեռնտուութիւն և 'ի բա-
րին հոգւոց , չկամելով և 'ի տօնս անգամ

երթալ ուսուցանել զսուրբ վարդապե-
տութիւն քրիստոնէական : Աթէ եցոյց
երբէք զնուազ յարդ , կամ չարաբա-
նեաց , կամ գրեաց զեպիսկոպոսէ իւր-
մէ . կամ տհաճեցոյց զնա , և անլսող
եղեւ նմա . եթէ պակասեցաւ 'ի պատ-
կառանաց որ առ նա՝ գործով , բանիւ ,
կամ գրով առաջի հովուաց , կամ այլոց
երիցանց և կրօնաւոր քահանայից . եթէ
ցանեաց կամ արծարծեաց երկպառա-
կութիւնս ընդդէմ մեծաւորաց կամ
հաւասարակցաց . և առաւելապէս՝ եթէ
'ի վերայ հասին վասն այսր անիրաւ
զեան , կամ գայթակղութիւն 'ի գղերս
կամ յաշխարհականս :

Աթէ քաջ հասու եղեւ որչափ ծանր
հետեանս ունիցին բարի կամ չար օրի-
նակք եկեղեցական անձին՝ մանաւանդ
առաջի աշխարհականաց , եթէ ցուցա-
նէ՞ արդեամբք զայս գիտակցութիւն օ-
րինակօքն զոր տայ ընտանեաց իւրոց և
օտարաց , և այնոցիկ ընդ որս վարի ըն-
տանեբար : Օ իարդ վարի 'ի փախչելն
եթէ յերևութէ և եթէ յառթից
ախտիցն , զորս վասն առաւել վնա-
սակար կամ հասարակ գոլոյ պարտին
եկեղեցականք օրինօք կշտամբել յաշ-
խարհականս առ ապրեցուցանելոյ զնո-

սա 'ի յաւիտենական դատապարտութեանէ . և զայդ չկարէ երբէք առնել, ցորչափ չբառնայ զամենայն ստուեր կասկածանաց չարի զանձնէն :

Արպէս վարէ առաւելապէս զլեզու իւր զսրբազանեալն մարմնով և արեամբ փրկչին . եթէ առնու 'ի միտ, թէ բառք ինչ՝ թող թէ ամբողջ բանք՝ կամ ըստ ինքեան, կամ 'ի պատճառս երևելի անվայելչութեան իւրումն վիճակի, կամ բանիւ գայթաղութեան, կամ վասն այլոց մասնաւոր առթից կարեն ժամանել մինչեւ ցմահուչափ մեղս, որ ոչնայնպէս լինէր յայր ոք ռամիկ :

Օ ինչորդ իցէ աչալուրջ՝ մանաւանդ յողջախոհութեան մասին՝ անձին նուիրելոյ Աստուծոյ հանդիսիւ, որ ունիցի առանձին պարտաւորութիւնս առաւել քան զայլս . եթէ ցուցանէ՞ արդեամբք, թէ խելամուտ է, զի յայսմ մասին չլինի երբէք գողցես և յաշխարհականս անգամ փոքրկութիւն կամ չքմեղութիւն . և թէ յեկեղեցական անձին ամենայն մեղք ներգործեալ է կրկնապատիկ չար, վասն ըստ ինքեան մեծեղեուն գոլոյ չարութեանն, և վասն առանձին բանի սեղանակապտութեան 'ի նմա . և եթէ երբէք ետ առիթ մեղաց

ումեք անձին գործակցի, կրկին յանցա-
ւորութիւն է այն ըստ առաջնոյն, և է
ծանրաբեռնել զոգին մեղօք և սեղա-
նագերծութեամբ :

Եթէ առնու իւր կանոն գործելոյ 'ի
սրբութենէ անտի և 'ի գերազանցու-
թենէ վիճակի իւրոյ, կամ թէ շատա-
նայ կարի նուազագոյն չափովք, որ հա-
սարակ են և ուսմկաց :

Եթէ ընկալաւ կամ մատակարարեաց
զխորհուրդ ինչ 'ի մահուչափ մեղս . ե-
թէ 'ի կիր արկ զսուրբ կարգն յայնպի-
սում վիճակի, կամ ունելով յանձին
զբանադրանս իմն, որով անկեալ իցէ
յանկանոնականութիւն . եթէ 'ի վար
արկեալ իցէ կամ շոշափեալ անպատու-
ութեամբ զիրս սրբազանս . եթէ մա-
տուցեալ իցէ զպատարագ առանց կա-
րևոր նախապատրաստութեան, կամ
գոհութեան . կամ 'ի նիւթս անյար-
մարս, կամ առանց պատմութեանի, կամ
անվայելչական սպասուք, կամ յանպա-
տեհ ժամու . որչափ ծախէ ժամանակ
'ի պատրաստութեան, և որպէս առնէ
զայն, որչափ 'ի գոհութեան, և զիւրդ .
Եթէ սպատարագեաց վասն շահասի-
րութեան եւեթ, վասն մարդկային
ակնածութեան, և 'ի սովորութենէ . ե-

Թէ՛ի մահուչափ մեղս, կամ յերկբայու-
 ռութեան մեղաց, առանց կարեւոր խոս-
 տովանութեան՝ կարող գոլով ունել
 զխոստովանահայր, և չունելոյ զստոյգ
 հարկաւորութիւն պատարագելոյ. ե-
 րթէ մատոյց զայն հարեանցի, ՚ի նուա-
 զագոյն միջոցի քան զերիւր մասն ժա-
 մու. երթէ ՚ի պատարագելն զանց արար
 զբանիւք ինչ կամ զարարողութեամբք.
 երթէ ելինց զպարտս պատարագեաց, և
 կամ յանձնեաց զայն այլոց առ ՚ի չժան-
 րաբեռնիլ առաւել քան զարժանն, և
 կամ առ ՚ի չմոռանալոյ:

Երթէ առանց օրինաւոր պատճառի
 երթող զժամասացութիւն. և երթէ ա-
 սանց զայն պատկառ մտօք, կամ առանց
 օրինաւոր մտադրութեան և ջերմե-
 ռանդութեան, կամ տարադէպ խու-
 ճապաւ, կամ կրճատմամբ և շիտթ-
 մամբ բանից, երթէ յառանձին ժամա-
 սացութեան և երթէ ՚ի հասարակաց
 ժամերգութեան, կալով ՚ի դասի ա-
 ռանց պահելոյ զկանոնս նորին:

Երթէ թեկն ած եկեղեցական բար-
 ձի և պատուոյ և իշխանութեան. և
 այն առ ինչ վախճան, զիւրդ և կամ
 որպիսի օրինակաւ:

Երթէ առանց առնելոյ զհաւանու-

Թիւն յեպիսկոպոսէ լուաւ զխոստովա-
 նութիւն , կամ առանց իշխանութիւն
 ունելոյ իշխեաց արձակել 'ի դիպուա-
 ծոց և 'ի բանադրանաց պահեցելոց .
 Եթէ գտաւ երբ 'ի հարկէ պաշտամանն
 արժան էր նմա կալ 'ի խոստովանարա-
 նի : Աթէ 'ի մահուչափ մեղս գորով
 լուաւ զխոստովանութիւն , կամ առանց
 ներգործութեան զղջման 'ի դիպուածս
 հարկի , Եթէ անխորհրդաբար ելոյժ
 զխնդիր ինչ առանց հարկաւոր հիման .
 Եթէ 'ի դժուարալոյժ դիպուածս 'ի կիր
 արկ զկարեւոր զգուշութիւնս : Աթէ
 ամբարեալ առ իւր ընտիր ընտիր
 գիրս , և վարժեցաւ 'ի նոսին , Եթէ
 չարա՛ր զընդհանրական խոստովանու-
 թիւնս , որք հարկաւոր էին 'ի պատ-
 ճառս ունակութեանց , առթից , հա-
 տուցմանց , ատելութեանց և մեղաց
 լռեցելոց : Աթէ Եհա՛րց զսկզբունս 'ի
 վերայ քրիստոնէական վարդապետու-
 թեան և ազդարարութեան , տուեալ
 դեղոց և ասպաշխարանաց՝ մանաւանդ
 բուժողականաց : Աթէ խնդրեաց պր-
 ծանիլ փութապէս՝ մանաւանդ յաւուրս
 յորս բազումք խռնէին 'ի խոստովանու-
 թիւն . խնդրեաց ողորմութիւնս , ըն-
 կալաւ ընծայս իբրու կաշառս : Աթէ

չատացան լոկով խոստամամբ առ 'ի արձա-
կել՝ առանց տեսանելոյ զկարեւոր նշանս
ուղղութեան, եթէ արձակեաց զսո-
վորեալսն անկանել կրկին և կրկին
'ի մեղս, կամ զայնպիսիս ոյք չկամիցին
թողուլ 'ի բաց զօխակալութիւնս,
զներգործութիւնս մեղանչականս, և
զառիթս մերձաւորս. կամ զայն՝ որ
ոչն հատոյց զոր կարէր, և խոստացեալ
խկ էր առնել. եթէ արկ 'ի փորձ
կարեւոր դարմանս հնարից առ սրսալոյ
զայդպիսի չուռականս. եթէ վարե-
ցան ընդ նոսա նուազ կամ աւելի նե-
րողամտութեամբ: Աթէ իւրով եղա-
նակաւ խօսելոյ ատելի արար զխոր-
հուրդ խոստովանութեան: Աթէ իւ-
րով յանցաւորութեամբ զայսպիսի մեծ
խորհուրդ արար առիթ հոգեւոր գլոր-
ման անձին կամ այլոց:

Աթէ պակասեաց յատենէ ժողովոյ՝
մինչ պարտ էր ինքեան գտանիլ. կամ
գրաւեաց զթոշակս՝ երբ մին բաւական
էր նմա յանդորր բարեկեցութիւն:
Աթէ զբռամբ ած զթոշակս, կամ կոր-
զեաց զտնօրինմունս յարամրի մտեալս
կամ մոլծեալս, և կամ սիմոնականու-
թեամբ հանդերձ: Աթէ զգուշացան
'ի վերայ եկեղեցական ընչից որպէս 'ի

ժառանգակալութեանց Վրիստոսի և
 աղքատաց, իբրեւ 'ի վերայ ուխտից հա-
 ւատացելոց, և զնոց արեանն տեառն .
 վասն որոյ և բարւոք քննեսցի, եթէ
 արարողորմութիւն յաւելորդաց առ
 իւր կարեւոր պարէն : Աթէ 'ի գործ
 արկ զհասս թողակի 'ի ճարակ ազա-
 հութեան կամ փառասիրութեան ազ-
 գականաց, կամ առ 'ի դարմանել զանձն
 շուայլութեամբ, շքով, խաղիւք, կամ
 յայլ իրս անարժանս : Աթէ օտարա-
 ցոյց զգետինս կամ զիրս թողակին . ե-
 թէ յետնեալ գտաւ 'ի լցուցանելոյ զայլ
 ծանրութիւնս և զպարտաւորութիւնս
 թողակի իւրոյ :

Աթէ 'ի հոգաբարձութեան հոգւոյ
 երկեալ 'ի ծանր և յահագին բեռանէ
 անտի, ոյր վասն ունի համարս տալ ոչ
 միայն զանձնէ, այլ և զմիոյ միոյ 'ի հո-
 գւոց առանդելոց 'ի ձեռս իւր . եթէ
 հրահանգեաց գոնէ 'ի կիւրակէս և
 'ի տօնս տարեւորս զժողովուրդ իւր 'ի
 վերայ կարեւորաց առ փրկութիւն . եթէ
 չմեկնեաց նոցա զաւետարանն, կամ
 թէ արար զքրիստոնէական և զժողո-
 վրրդապետական գրոյցս լոկ առ աչս
 կամ առ փառասիրութեան կամ շահա-
 սիրութեան և այլոց անարժան վախ-

Ճանաչ , և այն յանպատրաստից , անոճ ,
 անեռանդն , և յանհոգս ընդդէմ պար-
 տուցն : Աթէ չեղեւ պատրաստական 'ի
 մատակարարել զսուրբ խորհուրդն ողջոց
 և հիւանդաց . եթէ չարար աղօթս վասն
 ժողովրդեան իւրոյ , և չմատոյց զպար-
 տաւոր պատարագս : Աթէ յանբաւա-
 կան լինելն անձամբ առ 'ի պէտս ժողո-
 վրրդեան հոգացաւ ունել զգործակից
 քահանայ , և զերկրորդ նմին , և զխոս-
 տովանահարս , և զորպիսիս : Աթէ
 խնամ կալաւ , զի ժողովուրդն ընդ ժա-
 մանակս ժամանակս ունիցի ըստ արժա-
 նւոյն զքարոզութիւն բանին Աստուծոյ ,
 և զխոստովանահայր ոք օտար : Աթէ
 չկալաւ փոյթ վասն գետնոյ , շինուա-
 ծոց , գրոց , վիճակի անձանց մկրտելոց ,
 պսակելոց , վախճանելոց , և վասն դի-
 ւանի 'ի պահել զգրուածս , և զգրեանն ,
 և զհաշուեգիրս եկեղեցւոյ : Աթէ ոչ
 կալաւ զհաշիւ աւանդից և պարտաւո-
 բութեանց , կահուց կարասեաց , սպա-
 սուց եկեղեցւոյ և աղքատաց :

Աթէ կալաւ խաղաղութիւն ընդ ա-
 մենեօին , և եցոյց զայն առ ամենե-
 սին . եթէ խնդրեաց և պինդ կալաւ
 պահել զխաղաղութիւն 'ի մէջ բոլորե-
 ցունց , եթէ արար զայն անիրաւ կու-

սակցութեամբք , և անպատեհ ընտա-
 նութեամբք , և որով վախճանաւ : Ա-
 թէ ետ գայթաղութիւն , կամ չար
 օրինակ , կամ առիթ քրթմնջելոյ զանձ-
 նէ իւրովք գնացիւք և վարուք : Աթէ
 ոչ տքնեցաւ և արգել և կշտամբեաց
 իմաստութեամբ զմեզս ժողովրդեան
 իւրոյ : Աթէ արդարութեամբ և օրի-
 նօք արար զգիր վկայութեանց կտակաց :
 Աթէ ելից ըստ պարտեաց զկարգաւո-
 րութիւնս մեծաւորաց , և զվճիռս այ-
 ցելութեան . եթէ պահէ զամենայն
 ինչ 'ի կարգի . որպէս զի և 'ի յեղա-
 կարծ այցելութեան մարթասցի անդոր-
 րութեամբ արդարանալ առաջի մարդ-
 կան և Աստուծոյ :



ԱԶԴԱՐՍՐ ԲԱՆՔ

Ա Ռ Ի Ո Ս Տ Ո Վ Ա Ն Ա Հ Ա Ր Ս

ԲԱՂԵԱԼՔ Ի ԳՐՈՑ ՎԱՐԴԱՊԵՏԱՑ

Այլ յանձին զմեծ մաքրութիւն և զյստակութիւն խղճի մտաց, քանզի հարկ պաշտամանդ է սրբել և մաքրազարդել զայլոցն, զի մի՛ ՚ի դէմս ածցի քեզ հին առական թէ՛ « Իժիշկ բժշկեալանձն քո », և առաքելականն, « Արով զայլս դատիս՝ զանձն քո դատապարտես » : Ամին իրի եթէ հանդերձեալ երթալ ՚ի խոստովանեցուցանել՝ դացես զանձն քո, որ քաւ ՚ի քէն, ՚ի մահուչափ ինչ մեղս, պարտ է քեզ նախ գնալ խոստովանել և ընդունել զարձակումն • իսկ եթէ ոչ կարիցես առնել զայդ առ ՚ի չգոյէ խոստովանահօր, պարտիս արժարժանել ՚ի քեզ զսուրբ զղջումն :

Ընքեզ պարտ շատանալ առ մատա
կարարութիւն խորհրդոյս ազատ գտա-
նիլ՝ ի մահուչափ մեղաց, այլ եթէ ցան-
կաս առնել պտուղ հոգւոց՝ կարի կա-
րեւոր է քեզ նախ անձամբ գործել զայն
առաքինութիւնս հարկաւորս, զոր յայլս
ցանկանաս. վասն զի առաւել շարժեն
օրինակք՝ քան բանք. և չէ մարթ քաջ
ուսուցանել այլոց զառաքինութիւն ա-
ռանց առնելոյ անձամբ: Սուրբն Կարոլոս
Պորրովնոս:

Յորժամ մատչիս ՚ի լսել զխոստովա-
նութիւն, վերակնեալ մտօք առ Մ-
տուած՝ ուղղեա ներգործութեամբ զդի-
տաւորութիւն քո ՚ի փառս եւեթ Մ-
տուծոյ, և ՚ի փափաքումն փրկութեան
հոգւոց, խորհելով արթնութեամբ,
զի երթաս ՚ի լուանալ զապաշխարողն
պատուական արեամբ փրկչին մերոյ
Յիսուսի Քրիստոսի: Սուրբն Կարոլոս:

Եւ քանզի բազում վտանգք առաջի
կան ՚ի տնտեսութեան խորհրդոյս այ-
սորիկ, զոր օրինակ սխալել ՚ի վճռել
անդ զդիպուածոց և զպարտաւորու-
թեանց պատահելոց, կամ ՚ի տալ զար-
ձակումն անարժանից, կամ իւրիք իրօք
արատ ձգել և յանձն իւր գլխովին,
վասն որոյ մի երթար ՚ի լսել զխոստո-

վանութիւն , եթէ ոչ նախ համառօտ
 իմն աղօթիւք , ըստ տանելոյ ժամանա-
 կին , խնդրիցեա շնորհս և լոյս 'ի տեառ-
 նէ , զի մի վրիպակ ինչ գործեսցեա , այլ
 այնպէս լուսացեա զաղտս ոգւոց այլոց ,
 զի մի շաղխեսցեա զքո հոգիդ . աղօթս
 արա վասն դարձի այնոցիկ , զորոց լսել
 առաջի կայ քեզ զխոստովանութիւն :
 Սուրբն Կարոլոս :

Կարի հարկաւոր է հօր խոստովա-
 նութեանց սրարտուպատշաճ և բաւա-
 կան հմտութիւն բարոյական աստուա-
 ծաբանութեան , և առ ստանալ զայդ
 պէտք են կրթիլ յուսումն նորա . և ե-
 թէ 'ի պաշտել անդ զայս խորհուրդ
 դիպիցին իրք դժուարինք , յառաջ քան
 զպատասխանի տալ , առ քեզ ժամանակ
 և խորհուրդ : Հայրն խոստովանու-
 թեան յիրս երկբայութեան մի շատաս-
 ցի ակն արկանել 'ի մի եւեթ մատեան ,
 այլ 'ի բազումս հայեսցի , և 'ի նոցա
 միջի յառաւել ակնածելիս . և ապա
 կալցի զայն կողմն , զոր գտցէ հաստա-
 տուն՝ պատճառօք և զխտութեամբ մա-
 տենագրաց :

Գալով առ խոստովանորդիս՝ յուշ
 լիցի քեզ , զի նոքա 'ի սկզբան խոստո-
 վանութեան հայր անուանեն զքեզ .

և դու արդեամբք պարտիս ունել առ
 նոսա սիրտ հայրագորով, ընդունել
 լով զնոսա սիրալիր փութով և ծայրա-
 գոյն սիրով և երկայնամտութեամբ տա-
 նել տխմարութեան, տկարութեան, և
 այլոց եւս թերութեանց նոցա, չլքու-
 նելով երբէք օգնական և ձեռնտու լի-
 նել նոցա, ցորչաւի կայ 'ի նոսա յոյս իմն
 ուղղութեան: Առ զինչ ասէ սուրբն
 Յեռնարդոս. Այր հովուաց չունի լի-
 նել լոկ նպաստամատոյց զօրաւոր հո-
 գւոց, այլ և տկարաց և կթոտելոց.
 վասն զի զօրաւորքն ըստ բաւականին
 առնեն անձամբ անձին, այլ պիտոյ է
 տանել տկարաց. զոր օրինակ անառակ
 որդին թէպէտեւ մերկ դարձաւ և վատ
 թարեալ և ժահահոտ 'ի խոզարած
 կենացն, բայց և այնպէս հայրն ողջա-
 գուրեաց զնա, համբուրեաց սիրողա-
 բար, և արտասուօք թանայր զնա.
 վասն զի հայր էր նորա, և սիրտ հարց
 մտադիւրագոյն է 'ի գորով:

Ի երցես յանձին զխոհեմութիւն
 բժշկի. վասն զի հիւանդութիւն և վերք
 հոգւոյ են մեղք. և ուշիմ մտօք քննեա
 զչարժմունս սրտի խոստովանորդւոյդ,
 զի ըստ նմին վարեցիս ընդ նմա:

Եթէ տեսանես զնա վրդովեալ շա-

ուազուհու թեամբ և ամօթապարտու
 թեամբ, քաջալերեա զնա և սրտապըն-
 դեա և համարձակեցո առ քեզ և ասա .
 Աչ ես և ոչ դու հրեշտակք ոմանք եմք .
 և չէ պարտ զարմանալ թէ մարդիկ մե-
 ղանչախան իցեն . իսկ խոստովանու թիւն
 և ապաշխարու թիւն առնեն զմարդ ան-
 համեմատ պատուական, քան որչափ
 մեղքն կարիցէ անարգ կացուցանել . և
 Մտուած յառաջ քան զամենայն, թող
 թէ խոստովանահայրն, չհային ՚ի մարդ
 որ ըստ նախկին վիճակի անցելոյ, այլ
 ըստ այնմ զոր այժմի վարեն . և մեղք
 խոստովանեալք հետախաղաղ թաղեալ
 կան առաջի Մտուծոյ և խոստովանա-
 հօր, մինչ զի ոչ եւս այլ յիշեսցին :

Մյա սկիզբն արա հարցանել զնա
 զիրաց թեթեւագունից, որպէս զլուեալ
 բանից անհամեստից . ՚ի լրոյ էջ ՚ի խոր-
 հուրդս, և ՚ի խորհրդոց ՚ի բաղձանս,
 ՚ի կամս, և ՚ի գործս . և այսպէս տա-
 կաւ տակաւ և քաղցր օրինակաւ ածցես
 զապաշխարողն ամօթահարեալ յառ-
 նել զկատարեալ խոստովանու թիւն :

Եթէ անամօթ տեսանես զնա և ան-
 զգաստ, յուշ ածցես նմա թէ գայ ան-
 կանել առաջի Մտուծոյ . և թէ աս-
 տանօր բանն է վասն յաւիտենական

փրկու թեան նորա . և թէ 'ի ժամ մա-
հուան ոչ վասն այլոյ բանի ունիցի այն-
պէս ճիշդ համար տալ, որպէս վասն
չարաչար խոստովանութեանց իւրոց . և
թէ յարձակման 'ի մէջ բերի գին և
յարդ մահուան և չարչարանաց տեառն
մերոյ :

Եւ թէ տեսանես զնա նեղեալ և տա-
րակուսեալ վասն ընդունելոյ զթողու-
թիւն մեղաց իւրոց, քաջալերեա զնա՝
ցուցանելով նմին զմեծ հաճութիւնն
որով մխիթարի Վստուած յապաշխա-
րութենէ մեծամեծ մեղաւորաց . և թէ
'ի մերումս նուաստութեան առաւել
փառաւորի ողորմութիւնն Վստուծոյ .
և թէ տէրն մեր աղօթեաց առ Վս-
տուած հայր իւր վասն խաչահանուաց
իւրոց, առ 'ի տալ մեզ գիտել, զի թէ-
պէտեւ 'ի խաչ հանեալ էր մեր զնա
ձեռօք մերովք, մտադիւր սիրով թո-
ղութիւն մեզ շնորհէր . և թէ այնչափ
մեծարոյ է յաչս Վստուծոյ ապաշխարու-
թիւն, մինչ զի և դոյզն ապաշխարու-
թիւն յաշխարհի՝ միայն թէ 'ի ճշմարիտ
սրտէ լինիցի, տայ նմա 'ի մոռացօնս ար-
կանել զամենայն ազգ մեղաց . և թէ
մեծամեծք 'ի սրբոց եղեն երբեմն մե-
ծամեղ մեղաւորք, որպէս սուրբն Պե-

տրոս , սուրբն Մատթէոս , Մագդաղէ-
 նացին . և որ մեծն է , մեծապէս թըշ-
 նամանէ ոք զՄատուած և զմահ և զչար-
 չարանս նորա անարգասաւոր համարի ,
 յորժամ անվստահ լինիցի վասն ընդու-
 նելոյ զթողութիւն անօրէնութեանց
 իւրոց . նմին իրի դարձեալ ուսուցանեն
 մեզ հաւատք խոստովան լինել 'ի թողու-
 թիւն մեղաց , զի մի յերկուասցուք բնա-
 ւին ընդունել զայն 'ի խոստովանու-
 թեան : Սալէդէանն :

Եթէ զոք տեսանիցես մերձեցեալ 'ի
 խոստովանութիւն առանց ներքին կամ
 արտաքին տրամադրութեան , օրինակ
 իմն , զի զկարեւորն քննութիւն չիցէ ա-
 ըրարեալ , և ոչ 'ի վերայ մեղացն զղջա-
 ցեալ և կամ յաղօթս ապաւինեալ
 զղոյցն ինչ ժամանակ , պարտիս ազդ
 առնել նմա քաղցրութեամբ , զի նախ
 պատրաստեսցի ըստ արժանւոյն , և ա-
 պա դարձցի առ քեզ : Սորբէն կարո-
 շոս :

Եթէ կանայք դան առ քեզ աւելորդ
 պաճուճանօք , և ոչ 'ի հանդերձս պար-
 կեշտս , որպէս վայել է յարգութեան
 խորհրդոյն և վիճակի ապաշխարողին ,
 որ իբրեւ մեղապարտ երթայ յատեանն
 Մատուծոյ խնդրել զողորմութիւն և

զթողութիւնս, պարտ է հեռի առնել զնոսա՝ ի խորհրդոց, մինչեւ ՚ի բաց դիցեն զունայնասիրութիւնս : Կղէ՞՞ ժԱ :

Եթէ տեսանես զի ապաշխարողն ՚ի կողմանէ իւրմէ փոյթ ինչ կալաւ առ օրինօք խոստովանիլ, բայց առ իւրոյ անընդունակութեան կամ վասն այլոյ բանի երևի քեզ՝ թէ չիցէ քաջ քննեալ զխիղճ մտաց իւրոց, կամ թէ զխոստովանութիւնն աղաւաղէ առ չգիտելոյ բարւոք բացայայտել, վարելով անհամեստ խօսս, կամ ՚ի մէջ բերելով չքմեղութիւնս, պատճառանս և պատմութիւնս, պարտ է քեզ երկայնմտութեամբ ընուլ զթերին բարեպատեհ հարցուածովք : Բայց չէ պարտ ընդհատել զխօսս նորա, եթէ ոչ առ լաւ եւս հասկանալոյ զիրան, մինչեւ աւարտեսցէ զամենայն զոր կամիցի ասել : յայնժամ քաղցրութեամբ և սիրով ուսո նմա զառաւել պարկեշտ եղանակ բացատրութեան, և խելամուտ արա զնա անպատեհութեանց, և թերութեանց նորա ՚ի խոստովանութեան, այլ առանց յանդիմանելոյ զնա : Սորբն Կարոլոս և Սալէդէանն :

Եւ քանզի փորձն տայ հասու լինել, զի յողովք՝ մանաւանդ գռեհիկք, չամ

բաստանեն զանձինս վասն բազում բանից կարևորաց, որպէս զի խոստովանասայրն մարթասցի առնել ուղղութեամբ զիւր պաշտօն, մեծապէս հարկաւոր է, ըստ որում յուշ առնէ սուրբ ժողովն | ատերանու, զի հայրն խոստովանութեան հարցցէ զպարագայս մեղաց անձին մեղաւորի, առ'ի կարող լինելոյ տալ զսրապանաւորն խրատ, և այնպէս ապաշխարողն ընկալցի և պահեսցէ զառողջութիւն հոգւոյ :

Ապա ուրեմն յոչ ունել քո ծանօթութիւն զխոստովանորդւոյդ՝ պարտիս հարցանել զնա վասն վիճակի նորա, հանգամանաց, գործոց, արհեստի և որոց 'ի սոցին սակի : Յորչափ ժամանակս չիցէ խոստովանեալ. արարեալ իցէ զ'ի վերայ եղեալ ապաշխարանս. յիշիցէ ինչ մի մնացեալ 'ի յետին կամ յայլ խոստովանութիւնս : Այլ յետ ասելոյ նորա զոր յիշէն, պէտք են հարցանել զնա՝ եթէ լաւ համարիս, 'ի վերայ մեղաց՝ զոր ստէպ գործեն անձինք, որք իցեն 'ի նմին վիճակի և հասակի և 'ի հանգամանս և 'ի գործս. բայց խոհեմութեամբ և զգուշութեամբ, մանաւանդ 'ի հարցանել զկանայս և զմանկտի. զի մի ուսանիցին զոր ոչն գիտեն,

'ի կիր արկանելով զբանս՝ որ ոչ կծանխ-
ցեն զականջս խոստովանորդւոյն . հարց
ջիր զնա՝ ի վերայ չար յօժարութեանց
և հաճութեանց . եթէ անկեալ իցէ՝ ի
մահուչափ յանցուածս խորհրդոց, կամ
հայեցուածոց, կամ անմաքուր գործոց,
հարց զտեսական, և զպարագայս՝ որ
փոխեն զտեսակն, կամ մեծապէս ծան-
րացուցանեն, որպէս և զթիւն : Սորէն
կարողա :

Հարց և զպատճառն մեղաց, հայե-
ցուածն իցէ, եթէ կենակցին, կամ
լսելն, կամ ընթեռնուլն, զի կարող լի-
ցիս՝ ի բաց բառնալ զայն : Հարց եթէ
'ի յետին կամ յանցեալ խոստովանու-
թիւնս անկեալ էր՝ ի նոյն յանցանս .
վասն զի այս հարցումն է կարեւոր յոյժ
'ի գիտել, եթէ ապաշխարողն իցէ կր-
կին և կրկին գլորեալ, կամ իցէ՝ ի մեր-
ձաւոր առթի իրիք մեղաց : Քանի
քանի ստեպ գլորեալք առնուն զարձա-
կումն վասն չքննելոյ և չգտանելոյ զու-
նակութիւնն կամ զառիթն պատշաճա-
կան հարցուածովք :

Յուշ լիցի քեզ զի մերձաւոր առիթ-
ոչ այն միայն է, յորում յաճախ մե-
ղանչէ ոք գործով, այլ և յորժամ կայցէ
յաճախութիւն սահեցմանց լսիով իսկ

մեղօք անմաքուր շարժմանց , զրուցաց ,
 ցանկութեանց , և մահուչափ հաճու-
 թեանց . և թէ առ 'ի լինել առիթ մեր-
 ձաւոր չէ հարկ զի գլորումն իցէ բազում
 անգամ , այլ այնպիսի համարեալ լինի ,
 թէ և ոք չգլորիցի 'ի բազում նուագս ,
 հայելով 'ի պատճառս չգլորելոյն . իբր
 զի յայն նուագս չեղեւ դիւրութիւն կա-
 տարելոյ զչարն , կամ գործակիցն չէառ-
 յանձն . ուստի անպակաս են մերձա-
 ւոր առիթք՝ մանաւանդ 'ի խօսակցելն ,
 'ի ցուցանել զսէր , 'ի կենակցիլն կարի-
 ընտանութեամբ , յաճախութեամբ և
 ազատօրէն :

Հարց զնա յաղագս պահեցողութեան
 աւուրց պահոց և աղուհացից , և զսրբու-
 թեամբ տօնից : Ի մասնաւորի հարցլիբ
 արդեօք յարհեստի անդ իւրում կոր-
 զեաց զինչս այլոց , կամ պահեաց յանի-
 ցաւի , կամ էաց 'ի ձեռաց որդւոց տա-
 նուտեառն , կամ 'ի գողոց : Այլ թէ ու-
 նիցի պարտս կամ վարձս հատուցա-
 նելիս . եթէ ետ զեան , կամ խաբեաց 'ի
 տուրեւառս կամ արար սակարկութիւնս
 անարդարս . եթէ յանցեալ ժամանակս
 իցէ արարեալ , և հատոյց զիրան : Այլ
 թէ աւելորդ ծախիւք շռայլութեան ,
 փառասիրութեան , զբօսասիրութեան

վատնեանց զժառանգութիւն որդւոց :
 Օ կանայս հարցջիր 'ի վերայ ունայնա-
 սիրութեան և անպարկեշտ զգեստուց ,
 և յաղագս դատերաց : Հարց զհարս և
 զմարս , եթէ հրահանգիցեն զորդիս ,
 հսկիցեն 'ի վերայ ընթացից նոցա , և
 խրատիցեն զնոսա , եթէ արգելուցուն
 'ի սիրոյ օտարաց . եթէ պահեն զտղայս
 յանկողնի իւրեանց նախ քան զտարե-
 կանն լինել , կամ զկնի հնգամեայ տիոց :
 Հարց զգեղջուկս , եթէ գիտեն զիրս
 կարևորս 'ի գիտել հարկաւորութեամբ
 միջոցի և պատուիրանի : Օ կնի ամե-
 նայնի 'ի վերայ մեղաց զանցառութեան ,
 և առաւել 'ի վերայ պարտաւորութեանց
 սեպհական վիճակի . լուան արդեօք
 երբէք հայհոյութիւն . և ունիցին առ
 իւրեանս զիրս վատթարս . ունիցին ինչ
 խայթ խղճի 'ի վերայ անցելոց կենաց :
 Վարտ է քեզ և զայն հարցուածս
 առնել 'ի վերայ անցելոց խոստովանու-
 թեանց , որ հարկաւոր իցեն 'ի գիտել ,
 թէ լեալ իցեն յոչինչ , որպէս եթէ կա-
 մաւ լուեաց երբէք զմահուչաւի մեղս
 ինչ , կամ խոստովանեալ իցէ առանց ի-
 րիք զղջման և ցաւոյ 'ի վերայ մեղացն ,
 կամ առանց առաջադրութեամբ ուղ-
 ղելոյ զանձն , կամ առանց բնաւին փոյթ

ունելոյ յիշել քննութեամբ զմեզս իւր .
 և յայսպիսում դիպուածի հարկաւոր է
 տալ նմա առնել զընդհանրական խոս-
 տովանութիւն : Աւ քանզի յօլովակի
 սովոր է դիպել բազում անհոգութեանց
 'ի խոստովանութեան , որպէս է տե-
 սանել առաւելապէս 'ի ժամանակին՝ յու-
 բում ոք ոչն կեայ յերկիւղի տեառն ,
 և ոչինչ կամ կարի դոյզն ինչ հոգայ
 զհոգւոյ իւրմէ , և յամենայն դէպս մե-
 ծապէս օգտակարութեան մատչելոյ
 յընդհանրական խոստովանութիւն , մա-
 նաւանդ 'ի սկզբան անդ՝ յորում ոք հաս-
 տատութեամբ դնէ 'ի մտի ճշմարտա-
 պէս յուղղութիւն գալ , և դառնալ առ
 Աստուած , ըստ տանելոյ անձին և տե-
 ղոյ և ժամանակին յորդորեա զխոս-
 տովանորդիս առ առնել զբարիոք խոս-
 տովանութիւն ընդհանրական . որպէս
 զի սովիմբ առաջի աչաց բերելով զբո-
 վանդակ զանցեալ կեանս՝ ջերմագայնս
 դարձցին առ Աստուած . և այնպէս
 լցցեն զբովանդակ թերութիւնս , որ
 լեալ իցեն յանցեալ խոստովանութիւնս :

Սուրբն Կարոլոս :

Յետ պատկանաւոր և կարեւոր հարց-
 մանց առ 'ի գիտելոյ զվիճակ ապաշխա-
 րողին՝ տեսցես իցէ արժանի արձակման

Թէ ոչ: Ալ զի մի լինիցի քեզ արձակել
 զոչ իսկապէս արժանիս, որպէս ստէպ
 պատասէ անմտածութեամբ կամ ան-
 հոգութեամբ կամ դեգերելով յոգունց
 զբազում ժամանակս ՚ի նոյն մեղս, և
 խարդաւանիլ հոգւով յողբալի կործա-
 նումն, նշանակեսցուք յայսմ վայրի դի-
 պուածս ինչ կարի յաճախեալս, յորս
 պարտ է ժխտել կամ յապաղել զարձա-
 կումն: Սուրբն Կարոլոս:

Ա. Չէ ընդունակ արձակման ան-
 գէտն գլխաւոր սկզբանց հաւատոյ: Ալ
 եւս եթէ չգիտէ որ զամենայն մասունս
 առաքելական հանգանակին գէթ ըստ
 գոյացութեան, և զպատուիրանս Աս-
 տուծոյ և եկեղեցւոյ, և զտէրունական
 աղօթս, և զայլ բանս հարկաւորս ՚ի
 գիտել հարկաւորութեամբ պատուի-
 րանի, և չիցէ դիւրապատրաստ առ ու-
 սանել փութով, չպարտի խոստովանա-
 հայրն արձակել զնա: Ապա եթէ խոս-
 տասցի առնել զիրսդ սրտի մտօք, բայց
 և յայլ նուագս խրատեալ՝ չիցէ տարեալ
 զկարեւոր փոյթ ուսանելոյ ըստ իւրում
 կարի, յապաղեսցէ զարձակումն մինչեւ
 յուսանել իսկ եթէ չիցէ կանխաւ խրա-
 տեալ, հրահանգեսցէ զնա որչափ հար-

կաւորն է , և արձակեսցէ : Սորէն կարողս :

Բ . Այստուվանահայրն մի արձակեսցէ զտանուտեարս , եթէ ոչ խոստանան զուղղութիւն , կամ եթէ բազում անգամ ազդեալք չեկին յուղղութիւն , մինչեւ չտայցեն զստոյգ նշանակս և զփորձս ուղղութեան , զհարս ասեմ և զմարս , որ չտանին փոյթ զի որդիք իւրեանց և ծառայք ուսցին զկարեւորս սրբութեան հաւատոց , կամ հոգան զի պահեսցեն զպատուիրանս Աստուծոյ և եկեղեցւոյ , կամ խափան լինին պատուիրանապահութեան . որպէս առնեն նորա՝ ոյք այնչափ զբաղեցուցանեն զծառայս , մինչև իւրք օրինակաւ ստիպեն զնոսա աշխատիլ վասն իւրեանց՝ ի տօնս , կամ չտան նոցա ժամանակ պատարագ տեսանելոյ՝ ի տօնս . և նորա ոյք ընթրիստան , կամ թողուն ընթրել որդւոց պարտաւորելոց՝ ի ծովապահութիւն , կամ տան ճաշել՝ ի ծովաւորս յառաջքան զկարգեալ ժամն . նոյնպէս և նորա՝ ոյք չարձակեն ՚ի բաց ՚ի տանէ զազախինս և զծառայս գայթակղեցուցիչս , որ յետ յոլով անգամ խրատելոյ կան մնան անուղղայք : Սորէն կարողս :

Գ. Սովին օրինակաւ վարեացի խոստովանահայրն ընդ այնոսիկ, ոյք յաւելորդ պճնութիւնս մարմնոյ և ՚ի շքեղութիւնս մահուչափ մեղանչեն. և զի պաճուճանք և շռայլութիւնք ժամանակիս անցեալ են ըստ չափ, և այն բազում մասամբ յանցաւորութեամբ և անհոգութեամբ խոստովանահարց, ոյք անխորհրդաբար և առանց խիղճ արկանելոյ թերեւս խոստովանորդւոց արձակեն զնոսա, դիցուք աստանօր գլուխսինչ բանից, յորս զարդասէրք և պաճուճասէրք մահուչափ մեղանչեն. որպէս զի յարձակման լիցի վարիլ ըստ նոցին: Արդ յորժամ լինիցի պճնիլ և զարդարիլ շքով ՚ի սակս մահուչափ մեղաց, լինի մահուչափ մեղանչել: Յորժամ այսպիսի պաճուճանօք պատուիրանազանց գտանին, կամ տան այլոց զանցանել զպատուիրանաւ իւրք Աստուծոյ կամ եկեղեցւոյ, զոր օրինակ գործելով ՚ի տօնս, կամ տալով գործել երևելի օրինակաւ, կամ թողուն զպատարագ կամ տան թողուլ առ ՚ի զարդարիլ, կամ պատճառ լինին զի արք իւրեանց և կամ այլք հայհոյիցեն, շահեսցին և արասցեն սակարկութիւնս արդեւեալս, կամ դադարեացին ՚ի հա-

տուցանելոյ զբարեպաշտ տուրս , կամ զայլ պարտս կարեւորս , կամ պահեն կամ յապաղեն զվարձս վարձկանաց , կամ առնեն նորանոր պարտս , զորս չկարեն վճարել 'ի պայմանեալ ժամանակի , ուստի ծագեն վնասք ընկերին , և չկարեն զետեղել պսակաւ զդատերս ժամանեալս յարբունս յորմէ մեծամեծ չարիք յառաջ գան , կամ այլ այսպիսի մեղք ծնանին կամ ունին ծնանիլ , զորս է տեսանել առ հասարակ ծագեալս յաւելորդ շքոյ և 'ի զարդուէ . վասն որոյ և այն պաճուճանք 'ի մահուչափ մեղս համարեալ են :

Եւ զի գրեթէ անկարելի է զի յոր ժամ որ վատնէ զինչս կամ վարի աւելի քան զչափ իւր , ոչ ճանաչիցէ կամ կարողասցի և պարտական իցէ ճանաչել թէ անտի յառաջ գան կամ ունին յառաջ գալ այնպիսի մեղք , մարթ է առնել իբրու հասարակ դատաստան , թէ այնպիսիքն են 'ի մահուչափ մեղս , եթէ ոչ 'ի զգուշաւոր քննութենէ , զոր առնէ խոստովանահայրն 'ի վերայ խոստովանորդւոյն՝ հաւաստի երևեսցի նմահաւառակն վասն մասնաւոր պատճառի :

Սեղանչէ որ մահուչափ և յեղանակն զարդարելոյ թէ ծախքն չանցցեն քան

զվիճակ և զկար անձին . զոր օրինակ
 եթէ զարդարանքն է ձգիչ յանառակու-
 թիւն՝ կամ ըստ ինքեան , կամ ըստ հա-
 սարակաց դատման առ մարդիկ . և կամ
 թէ թէպէտ չիցէ սաղրիչ ըստ ինքեան ,
 այլ հաւանականաբար լինի երկբայիլ
 կամ մակաբերել , թէ 'ի պատճառս այն-
 պիսի պճ'նութեան անսովոր եղելոյ հա-
 սարակաբար առ լաւ անձինս համավի-
 ճակս , առանձնական ոք շարժիցի 'ի
 սիրել զնա անհամեստութեամբ , կամ
 անանիցի յայդ մեղս . և զայս գիտելով
 տակաւին անսիրտ առնէ զհոգեւոր փրկ-
 կութենէ մերձաւորին իւրոյ : Սորբն
 Կարողոս :

Ըպա չեն արժանի արձակման եթէ
 չխոստանան զուղղութիւն , կամ թէ յետ
 խոստանալոյն յայլ 'նուագս՝ չեկին յուղ-
 զութիւն կանայք այնօքիկ ոյք 'ի զգե-
 նուլ անդ ցոփութեամբ գնան յանպար-
 կեշտս թիկնաբաց և լանջաբաց՝ եթէ
 արտաքոյ և եթէ առտնին , կամ վարեն
 քօղս թափանցիկս , կամ զգեստս բա-
 րակամանս 'ի գայթաղութիւն տեսո-
 ղաց : Սրբազան հայրն Ըննովկենտիոս
 ՔԱ եղ զվերապահեալ բանադրանս ,
 յոր ունիցի անկանիլ խոստովանահայրն
 անգամ , եթէ արձակեցէ զայնպիսիս :

Դ. Օգոյշ լիցի խոստովանահայրն
 չարձակել զայնոսիկ որք կռեն դաշինս
 յանուանէ արգելեալս, կամ յայտնա-
 պէս անպատեհս, եթէ նախ չքակեն
 զայնպիսի դաշն, կամ չառնեն զարժա-
 նին հատուցումն. և եթէ դաշինքն են
 երկբայականք, յորժամ խոստովանոր-
 դին տացէ բան զայն կողմն ունել՝ յոր
 վճիռ ելցէ, կարէ արձակել զնա: Մի
 արձակեսցէ յառաջ քան զօրինաւոր հա-
 տուցումն ոյք ունին զայսմանէ պարտա-
 ւորութիւն ինչ եթէ ըստ ընչից և ե-
 թէ ըստ մնասուց եղելոց ընչից կամ
 անուան, երբ մարթիցէ վճար առնել:
 Սորքն կարողս:

Հապաղեսցի արձակումն այնոցիկ
 ոյք ոչ վճարեն զպարտս իւրեանց, երբ
 ունին կարողութիւն վճարելոյ: Այլ ե-
 թէ յայլ նուազ խոստացան վճարել, և
 ոչ պահեցին, ցորչափ խոստումն մնայ
 ՚ի կախ, յապաղեսցի և արձակումն նո-
 ցա մինչեւ ՚ի վճարումն: Արչափ ան-
 ձինք դատապարտին վասն ընչից այլոց,
 և վասն ոչ վճարելոյ: Աթէ խոստովա-
 նահարք վարէին ըստ այսմ կանոնի, ոչ
 վճարք և ոչ պարտք յերկարաձգէին
 ցտանն և ցքսան ամս, և ոչ լինէին այն-
 չափ չարաչար վճարողք: Մի լինիր

դիւրահաւան և դիւրանսաց բանից չարաչար վճարողին , և պարտապանին 'ի հատուցանել , մանաւանդ եթէ ընչեղիցէ . վասն զի այսպիսիք առաւել դժուարաւ հատուցանեն , եթէ չունիցիս յոյս հաւաստի թէ կամիցին հատուցանել : Մյսպիսիք , ասէ սուրբն Փրանկիսկոս քսաւերեան , յառաջ քան զարձակումն խոստանալով խոստանան , այլ զինի չպահեն զխոստումն :

Ե . Ըն արժան արձակել և զորս չկամիցին 'ի բաց դնել զթշնամութիւնս , զատելութիւնս , կամ ներել և հաշտիլ : Վարձեալ և զլծակիցս , եթէ ոչ կեան 'ի միասին առանց օրինաւոր պատճառի :

Զ . Մի արձակեսցէ խոստովանահայրն զհրապարակական կամ զգայթագղեցուցիչ մեղաւորս՝ առանց 'ի վերայ դնելոյ ապաշխարանս համեմատս սխալմանցն . որպէս զի ուղղութեամբ իւրեանց բարձցեն զգայթագղութիւնն հասարակաց : Սուրբն Կարողոս :

Է . Յապաղեսցի արձակումն և սովորելոցն 'ի մեղս և ստէպ սայթաքելոց , ե-

Թէ՛ ՚ի հայհոյութիւն , ՚ի ցոփաբանութիւն , ՚ի ծանր բամբասանս , յատելութիւնս . և եթէ՛ ՚ի գործել առանց հարկի ՚ի տօնս , որպէս և ՚ի մեղս մարմնականս , և այլն . Թէ և ասիցեն կամ խոստանայցեն ՚ի բաց կալ ՚ի մեղաց . մինչեւ չտայցեն նշանակիս և ասպացոյցս ուղղութեան , և չիցեն արդեամբք յուղղութիւն եկեալ . եւս առաւել՝ եթէ բազում ամբիցեն , յորմէ հետէ գլորին ՚ի նոյն մեղս առանց ցուցանելոյ փոյթ ինչ ուղղութեան : Սորբն կարուս :

Յուշ լիցի ՚ի սոյն սակի և նախադատութիւնն դատասարտեալ Ղննուկին տիոսէ , մոլար ամենեւին . այսինքն թէ՛ « Ղպաշխարողի սովորելոյ ՚ի մեղս՝ թէ և յոյս ինչ չկայցէ ուղղութեան , չէ պարտ ժխտել և ոչ յապաղել զարձակումն , միայն թէ բերանով ասասցէ թէ զղջամ և առաջադրեմ ուղղել զանձն » : Յուշ լիցի և այն , թէ ժրխտելն և յապաղել զարձակումն ստեպ գլորելոց՝ օգտէ ՚ի դիտել և ՚ի փորձել զտրամադրութիւն նոցա , և ՚ի տալ ՚ի միտ առնուլ նոցա զմեծ արհաւիրս մեղաց , և առնել զնոսա զգոյշս . օգտէ ՚ի տրամադրել զնոսա առ շնորհս՝ առնելով եօթնեակս ինչ կամ դէթ աւուրս

ինչ զծումնապահս , զողորմութիւնս , զազօթս , զմեռելութիւնս զղջման յառաջքան զարձակումն : Ալ չէ սլարտ զանգիտել թէ մի գուցէ ապաշխարողն չգայցէ այլ եւս , վասն զի եթէ զղջաւոր է , դառնայ անդրէն առ քեզ , կամ երթայ առ այլ ոք առաւել տրամադրութեամբ :

Աղբալի իմն է գտանել բազմաց , որ 'ի բազում ամաց հետէ 'ի մեղս սովորեալք կամ ստէպ ստէպ դայթօտք 'ի հայհոյութիւնս , յանառակութիւնս , յարբեցութիւնս , յետ խոստովանելոյ յայնպիսում վիճակի առ ոտս բազում խոստովանահարց , վերստին գլորական գրտեալք յամենայն խոստովանութիւնս , չիցէ նոցա գտեալ զխոստովանահայր զոք որ ժխտիցէ կամ յապաղիցէ նոցա զարձակումն . և եթէ գտին զոք երբէք , դիպուած իմն եղեւ այն : Ալ չգիտեմ թէ որով խղճի մտօք մարթիցէ արձակումն տալ այնպիսումն , որ չտայ զյոյս ինչ 'ի բաց կալոյ 'ի մեղաց : Յորժամ մեղաւորն արդեամբք ցուցանէ թէ յայնչափ ամաց հետէ չեղեւ նմա ունել զհաստատուն առաջադրութիւն փոխելոյ զվարս 'ի լաւ անդր , և ոչ տեսաւ ուղղութիւն երբէք , զիարդ մարթի խոստովանա-

Տայրն իմաստու թեամբ դատաստան առ
 նել զճշմարիտ զղջմանէ նորուն . քանի
 խոստովանահարք պատրին , և որչափ
 հողիք դատապարտին այսպիսի տարա
 պայման ներողամտութեամբ :

Ը . Սխտել կամ յապաղել արժան
 է զարձակումն և այնոցիկ 'ի ժառան
 դաւորաց և 'ի քահանայից , ոյք ստէպ
 անկանին 'ի նոյն մեղս և վարեն զաշխար
 հիկ իմն կեանս ցոփութեան : Այլ եթէ
 իցէ ժառանգաւոր ոք սովորեալ 'ի մեղս ,
 և կամ իցի ընդունել զսուրբ կարգն , թէ
 պէտ տայցէ յայտնի նշանս մասնաւոր
 զղջման 'ի պէտս արձակման , այլ տա
 կաւին ինքն իսկ չլստահի պարզապէս
 և բարիօք խղճիւ թէ կարող իցէ ժուժ
 կալել , և յայտր ամենայնի վերայ ցան
 կասցի ձեռնադրիլ , զայնպիսին պարտ
 է քեզ 'ի բաց արձակել որպէս զան
 յարմար . վասն զի եդեալ է 'ի մտի յանձն
 առնուլ զայնպիսի վիճակ յորում խիթայ
 թէ չկարիցէ ընուլ զպարտս իւր , մանա
 ւանդ թէ առաջի կայ նմա յանցանել մե
 ղօք սեղանակապտութեան . վասն որոյ
 այսպիսիք պէտս ունին յերկար փորձոյ
 մինչչեւ թոյլ տուեալ նոցա մատչել 'ի
 սուրբ աստիճանս :

Թ. Ըն մարթ արձակել և զայնոսիկ
 օյք ոչ ունին զճշմարիտ կամս 'ի բաց
 թողոյ զմահուչափ մեղս և զմերձաւոր
 առիթս նոցին : Սասն որոյ և Վննուլ
 կենտիոս ժԱ դատապարտեաց զայս նա
 խաղասութիւն , թէ " Սարթ է եր
 բեմն արձակել զնա որ դեգերիցի 'ի մեր
 ձաւոր առթի , զոր թէպէտ կարէ , սա
 կայն չկամի 'ի բաց թողուլ : Մը լաւ
 եւս խելամտել իրացս 'ի միտ առ զի
 մերձաւոր առիթն է 'ի գոն , զոր օրինակ
 ունել առտնին կամ այլուր զկին զոք
 ընդ որում ստէպ անկանի , կամ աղախին
 զոր տանուտէրն ստէպ հրապուրէ , և
 նա յաճախակի կամակից լինի , և որ 'ի
 սոցին սակի , չպարտի խոստովանահայրն
 արձակել զառթականն , եթէ կանխաւ
 և իրօք ոչ թողուցու զառիթն 'ի բաց :
 Սորբն կարողս :

Մպա եթէ առիթն այնպիսի իցէ ,
 զոր չիցէ մարթ հատանել առանց վտան
 գի կամ գայթակղութեան , զոր օրինակ
 եթէ բանն իցէ ընդ ընտանի բարեկամ
 առնն , կամ ընդ տաղր և ընդ նու , քա
 հանայն յապաղեացէ զարձակումն ցայն
 վայր , մինչեւ տեսցէ զստոյգ նշանակ
 ճշմարիտ ուղղութեան : Սակ եթէ չկա
 ըիցէ յապաղել զարձակումն առանց

վտանգի վատանուունութեան խոստովան-
 որդւոյն , և տեսցէ 'ի նմա զայնպիսի
 նշանս զգլխման և զյօժարութիւն ընդու-
 նելոյ զգեղս զառ 'ի հօրէն խոստովա-
 նութեան կարեւոր դատեալս յուղ-
 զութիւն նորին , պարտի առաջի դնել
 նմա զայն դեղս՝ որ առաւել դիպող և
 հարկաւոր երևեսցին . զոր օրինակ չգը-
 տանիլ միայնակ ընդ անձինն , փախչե-
 լով և 'ի համարձակ աչարձակութենէ ,
 և յանկարեւոր գրուցաց . և հանապազոր
 դել յաղօթս , ստէպ ստէպ արծարծա-
 նել զժերմ առաջադրութիւնս՝ և դնել
 'ի սրտի ամենայն իրօք չկամիլ այլ եւս
 մեղանչել . առնել և մեռելութիւնս
 ինչ հաշիչս մարմնոյ , և 'ի վեր քան զա-
 մենայն յաճախել 'ի խոստովանութիւն ,
 սոյնպէս և զայլ դեղս . զորս եթէ՝ յան-
 ձին կալցի ոք , կարէ խոստովանահայրն
 արձակել զնա : Մպա եթէ յետ այսչափ
 զգուշութեան իւրոյ կամ այլոյ խոստո-
 վանահօր չզգաստանայցէ , մի տացէ
 նմա զարձակումն , ցորչափ ոչ բարձցէ
 զառիթն : Սորբն կարողս :

Յայլ առիթս կամաւորս , որ չեն 'ի
 գոլն , որպէս խաղք դրամովք , յայրատ
 հայեցուածք , կենակցութիւնք , շար-
 ժուածք , տուխանք , կապելայք , չպարտի

խոստովանահայրն արձակել զառթա-
կանն , եթէ ոչ խոստասցի թողուլ զա-
ռիթն . եւս և յորժամ թէ և խոստա-
նայցէ , բայց քանզի և յայլ նուազս եւս
խոստացեալ՝ չեկն յուղղութիւն , յա-
պաղեսցէ զարձակումն , մինչեւ տեսցէ
ուղղութիւն ինչ : Սուրբն Կարոլոս :

Եւ եթէ առիթն իցէ արհեստն ,
կամ ինչ մի անկարեւոր և անշահ , զոր
օրինակ պարք , դատարկ կեանք , և
յորս յաճախ լինի գթել 'ի մեղս մա-
հուչափս , չպարտի արձակել , եթէ ոչ
նախ հրաժարեսցէ , և խոստասցի պա-
հել զանձն , և թողուլ զառիթն . միայն
եթէ թուեսցի խոստովանահօր կարել
ճշմարտութեամբ հաւատալ նախկին
կամ երկրորդ խոստման խոստովանոր-
դւոյ վանն 'ի բաց թողոյ զառիթն
զայն , կարող լիցի արձակել զնա վանն
այնր խոստման . բայց մի այլ եւս ար-
ձակեսցէ , այլ յապաղեսցէ , մինչեւ տես-
ցէ զգործնական ապացոյց ազատ գոլոյ
յառթէ անտի : Սուրբն Կարոլոս :

Օ արհեստաւորս , զվաճառականս ,
և զորս են 'ի սոցին սակի , եթէ սովո-
րեալ իցեն , որպէս ստէպ լինի , յաճախ
գթել 'ի մահուչափ մեղս հայհոյու-
թեանց կամ յիշոցաց , գողութեանց ,

խարդախութեանց, ստերդմութեանց, վաշխից, անիրաւութեանց, արբեցութեան, և անսուրբ առնելոյ զտօնս, խոստովանահայրն պարտի յառաջ քան զարձակումն առնել զփորձ ուղղութեան առ ժամանակ մի, եթէ 'ի բանաւոր կարծիս լինիցի, թէ ունիցի դարձ առնել 'ի նոյն մեղս. և եթէ տակաւին չտեսանի ուղղութիւն, պարտ է տալ նոցա հրաժարել յայնպիսի վտանգաւոր արհեստից: Այլ յայսմ մասին պէտք էն բանալ զաչս այնչափ առաւել, որչափ զի պակասութիւն խոստովանահարց յայդմ մասին առիթ լինի, զի յամենայն արհեստս գոգցես և 'ի գործրս տիրեսցեն բազմապատիկ անկարգութիւնք, և մեղք ծանուցնք: Սուրբն Կարոլոս:

Հարկ է յուշ ածել, զի բազումք գնան 'ի միոյ խոստովանութենէ 'ի միւս՝ ծանրացեալք մահուչափ մեղօք. բայց քանզի երբեմն հայելով 'ի մերձաւոր առթից մեղս՝ մարթ է ասել, թէ չիցէ անդ յաճախութիւն գլորման, ուստի և որպէս թէ չկայցեն 'ի մերձաւոր առթի, այլ յայսր ամենայնի վերայ եթէ 'ի փորձոյ յուրավակի խոստովանութեանց չերևեսցի խնդրելին ուղղու-

Թիւն , յայնժամ պարտի խոստովանա-
 հայրն ժխտել նոցա զարձակումն , մինչ-
 չեւ տացեն զցոյց ճշմարիտ ուղղութեան :
 Եւ եթէ այս չէ բաւական , յորժամ
 թողուն , օրինակ իմն , զայն տուն , զայն
 անձն կամ զկենակցութիւն , զխաղ ,
 զեղեալն առիթ ստէպ գլորման , համա-
 ընցի միջոց դիպող և գործունեայ վասն
 վերստին չանկանելոյ , որպէս և է իսկ
 յոլովակի , պարտի ստիպել զխոստովան
 որդին 'ի բաց թողուլ զայն առիթս՝
 ժխտելով զարձակումն , մինչեւ յամե-
 նայն սրտէ հաստատեսցէ 'ի բաց բառ-
 նալ զայն . զայս այսպէս պահանջէ պաշ-
 տօն հոգեւոր բժշկի :

Ինդհանուր կանոն լիցի՝ ըստ կարի
 'ի կարճոյ վճարել զիրս կանանց , խոր-
 շելով յամենայն անկարեւոր բանից՝ առ
 զգուշանալոյ 'ի խիթալի չար հետեա-
 նաց . և մի լիցի ասել առ նոսա ինչ մի՝
 որ կարիցէ տալ զցոյց սիրոյ և գթոյ՝
 թէպէտեւ բարւոյ և հոգեւորականի .
 այլ լիցի վարել առ նոսա զեղանակ ան-
 աչառ , ծանր , և պնդապահ : Եւ մի
 լիցի 'ի տես երթալ և յաճախել 'ի
 տունս խոստովանորդի կանանց՝ արտա-
 քոյ պիտոյից խոստովանութեան խօ-
 թացելոց :

Ի լսել անդ զխոստովանութիւնս անձ
 նապահ լիցի քահանայն 'ի շարժմանց
 և 'ի նշանաց անտի արտաքնոց՝ որովք
 ցուցանիցէ զտաղտկութիւն կամ զտրխ-
 րութիւն, առ 'ի չտալ կարծիս կասկա-
 ծանաց տեսողաց, միանգամայն և 'ի
 չառնել անհաբեկ զապաշխարողն, զի մի
 լուեսցէ զմեղս ծանունս: Ալ եւս զգոյշ
 լիցի չյայտնել իւրիք իրօք ոչ զմեղս, ոչ
 զմեղաւորն, և ոչ զայլ ինչ լուեալ 'ի
 խոստովանութեան, որով մարթ իցէ
 իւրիք օրինակաւ 'ի յայտ գալ որ և է
 խոստովանեալ մեղաց, որչափ և թե-
 թեւ իցեն: Սորբն կարողս:

Աթէ խոստովանորդին 'ի բաց թու-
 դեալ լքեալ իցէ յայլոց խոստովանա-
 հարց, մի լիցի այլում դիւրաւ ընդունել
 զնա. զի մի լիցի քակել զոր այլք շինել
 կամեցան: Ալ ջանասցի, զի մի փո-
 խեսցէ որ զուրաւորական խոստովանա-
 հայրն անպատճառ. զի սա դիտակ գո-
 լով կարեաց պիտոյից նորա՝ կարող է 'ի
 վերայ ածել դեղս դիպողագոյնս և օգ-
 տակարս: Սորբն կարողս:

Տես, զի մի տայցես արձակումն այ-
 նոցիկ, ոյք ոչինչ նշան զղջման կամ ցա-
 ւոց ցուցանիցեն. սմին իրի հարկաւոր է
 քեզ դիտել, թէ ո՞ր այն իցեն նշանք

զղջման : Սուրբ Ժողովն Տրիդենտեան
 յայտ առնէ , թէ զղջումն հաստատեալ
 է յատել զանցեալ կեանս , դադարել
 'ի մեղաց , յառաջադրել զնոր կեանս ,
 և յսկիզբն առնել նմին : Օ այս ամե-
 նայն մարթ է ճանաչել , եթէ խոստո-
 վանորդին 'ի Ժամանակաց ինչ հետէ 'ի
 բաց թողեալ է զմեղս որպէս զբառնա-
 ցուցիչս Նստուծոյ . եթէ յառաջ քան
 զպատուիրել խոստովանահօր 'ի բաց
 թողեալ իցէ զառիթն , զանձն , կամ
 զայլ ինչ որով մեղանչէր . եթէ այրեաց
 զգիրս չարաչարս , 'ի բաց եղ զպճ'նու-
 թիւնս զայթակղեցուցիչս , արար զհա-
 տուցումն , եթէ տայ և զայլ նշանս , որք
 ցուցանիցեն զներքին ցաւ և զտհաճու-
 թիւն ընդ գործեցեալ մեղս , որ սովոր
 են լինել յօլովակի հանգոյն նշանացն
 զոր արտաքուստ ցուցանեն մարդիկ՝ ցա-
 ւազնելով և դժուարելով ընդ կորուստ
 մեծագին իրաց :

Ետ լսելոյ զխոստովանութիւն , յոչն
 գտանիլ իափանաց արձակման , ըստ
 բազմութեան և ըստ ծանրութեան յան-
 ցանաց , և ըստ հանգամանաց անձին ա-
 պաշխարողի՝ արասցէ խոստովանահայրն
 զպարտուպատշաճ խրատս և յանդիմա-
 նութիւնս , և ազդարարութիւնս հայ-

քաղութ սիրով . և ազդոյ բանիւք գուն
 գործեսցէ շարժել զնա 'ի ցաւ և 'ի զըղ-
 ջումն , ցուցանելով նմա զծանրութիւն
 և զգարչութիւն յանցանաց , զանձառ-
 քարիս արքայութեան զոր կորոյս , և
 զյաւիտենականն դատապարտութիւն՝
 որում արժանի գտաւ . զմեծ ապերախ-
 տութիւնն զոր եցոյց ընդդէմ Մատուծոյ
 արարչի իւրոյ և պահպանչի և փրկչի ,
 զանհետեւ թշնամանս զոր արար ընդ-
 դէմ Մատուծոյ անսահման բարւոյ , որ
 ըստ ինքեան է արժանի ամենայն սի-
 րոյ : Սիանգամայն արծարծեսցէ 'ի նմա
 զաստուածսիրութեան զհուր , և զներ-
 գործութիւնս աստուածաբանական ա-
 ռաքինութեանց . և ապա տացէ նմա
 զայն գեղս զորս կարեւոր նմին դատեսցի
 ընդդէմ մեղաց նորա : Աւ 'ի վերայ
 դիցէ ապաշխարանս , որ ոչ միայն իցեն
 վճարողականք 'ի հատուցումն անցելոց
 մեղաց , այլ և դեղ դարմանոյ վասն ա-
 պագայից :

Ի զնել անդ զապաշխարանս՝ արթուն
 պարտի լինել խոստովանահայրն , զի մի-
 այնչափ թեթեւ լինիցին , մինչեւ ար-
 համարհանս բերել իշխանութեան նո-
 ըրա , և մի ինքն կցորդ լիցի մեղաց օտա-
 ըի . բայց և ոչ այնչափ ծանունք կամ

յերկարք, մինչեւ ապաշխարողաց կամ
չառնուլ յանձն կատարել, և կամ յետ
յանձն առնլոյն չնուլ բովանդակ: Վի-
տեա և զվիճակն, զհասակ, զբնու-
թիւն և զհանգամանս ապաշխարողին,
զի մի լիցի ողորմութիւն 'ի վերայ դնել
աղքատին, և ոչ հասարակօրէն անձա-
շակ մնալ առն աշխատաւորի: Սորէն
կարոլոս:

Մի դիցին ապաշխարանք խառն 'ի
պէսպէս աղօթից, զի մի մուսացի զայն
ապաշխարողն: Պարտի խոստովանա-
հայրն դնել զայն քաղցր և մխիթարա-
կան բանիւք, մանաւանդ յորժամ տես-
ցէ զխոստովանորդին կարի 'ի զեղջ հա-
րեալ, և միշտ պէտք են հարցանել, ե-
թէ առնիցէ զայն մտադիւր. վասն զի
եթէ տեսցէ թէ դժուարանայ կատա-
րել, լաւ եւս է տալ նմա զթեթեւա-
գոյնն. իբր զի լաւ է յոյժ սովորա-
բար սիրով և քաղցրութեամբ վարիլ
ընդ խոստովանորդիս, միայն թէ մի
լիցի մեղկացուցանել զնոսա 'ի մեղս,
քան եթէ խստութեամբ վարիլ: Այլ
յայտր ամենայնի վերայ չէ պարտ մո-
ռանալ յուշ առնել ապաշխարողին թէ
ըստ ծանրութեան մեղաց իւրոց արժա-
նի էր ծանր ծանր ապաշխարանաց. որ-

պէս զի զ'ի վերայ եղեալն արասցէ ա-
ռաւել խոնարհութեամբ և ապաշխա-
րութեամբ : Սուրբն Փրանկիսիոս սալե-
ղեան :

Վաւ լիցի զնել ապաշխարանս զմի
յիրաց աստի , զոր օրինակ ընթեռնու-
ղայն ինչ զիրս որ տիրապէս օգտակար
դատեալ լինի ապաշխարողին , խոստո-
վանել ամսոյ յամիս ընդ ամ մի ողջոյն ,
և որ սոցին նման են . զի ոչ միայն 'ի
գէպ գանս պատժոյ անցելոց մեղաց , այլ
և պահպանողական դեղք են յերեսաց
ապագայից : Յաղագս կիրթ անձանց
կարի լաւ է գէթ քառորդ մի ժամու-
յաւուրն մտածական առնել , կամ բարի
ինչ խորհուրդ 'ի խոկալ , կամ չարչա-
րանք տեսան . որպէս և այց առնել
սրբութեան կամ տեսանել զպատարագ :

Տես զի վճարողական ապաշխարանք
համեմատ լիցին մեղացն գործելոց .
զոր օրինակ վասն մարմնական մեղաց
զնելով ծոմապահս , տքնութիւնս , ուխ-
տաւորութիւնս . դարձեալ գնալ յայցե-
լութիւն իրիք սուրբ տեղոյ , կամ ե-
կեղեցւոյ , և որ նման են սոցա , ոյք
կարեն հաշել կամ 'ի մեռելութիւն
կրթել զմարմինն : Վասն մեղաց ագա-
հութեան՝ բաց 'ի հատուցմանէ արդա-

բութեան՝ ողորմութիւնս՝ ի վերայ դնել
ըստ իւրաքանչիւր կարի :

Ընդդէմ հպարտութեան և այլոց
մեղաց հողւոյ՝ ի դէպ զան աղօթք, առ
՛ի խոնարհիլ առաջի տեառն, և ստա-
նալ զօրութիւն և ոյժ ընդդէմ կալոյ
այնպիսի մեղաց : Սուրբն Կարոլոս :

Մըբեցողաց և անժուժկալից պա-
տուիրել ջուր ըմպել, կամ գինի ջրա-
խառն ընդ այսչափ աւուրս, միանգա-
մայն և զառիժն ՛ի բաց բառնալ : Ար-
լուծանէ զպահս և զաղուհացս, ՛ի վե-
րայ դնել ծոմապահս և պահեցողու-
թիւնս ըստ հին սովորութեան եկեղե-
ցւոյ :

Յօրակեցից, ունայնասիրաց և պա-
րաւորաց՝ պարտս ՛ի վերայ դնել, զի
զքանի մի աւուրս եօթնեկին որոճեացեն
զհրաժարումն ՛ի սոցունց խոստմամբ
մկրտութեան, հանդերձ հաստատուն
առաջադրութեամբ նորոգելոյ զայն
հրաժեշտ • պատուիրեսցի և պարկեշտ
զգենուլ, և չկրել յանձին զնշանակս
պչրանաց, և պարապել ՛ի գործս խո-
նարհութեան :

Մը հայհոյիչս, զի պատժեսցեն զլե-
զուս իւրեանց զայսչափ ինչ աւուրս՝
իւրիք համեմատ մեռելութեամբ, կամ

տղորմութիւնս ինչ առնիցեն՝ քանիցս
անգամ և անկանիցին 'ի հայհոյու-
թիւնս . նոյնպիսի ապաշխարանս ար-
ժան է դնել և սովորելոցն յանիծա-
քանութիւն , և յանհամեստ զրոյցս :

Որոց ուր ուրեմն խոստովանին , և
դիւրագայթից 'ի մեղս՝ պատուէր դիցի
խոստովան լինել մի անգամ յամսեանն ,
կամ 'ի հանդիսական տօնս . և եւս զա-
ւուրս հնգետասան կամ զամիս մի ծունր
դիցեն խնդրելով զողորմութիւն յԱս-
տուծոյ զղջմամբ հանդերձ , կամ խո-
կալ զպատիժս դժոխոց՝ որոց արժանի
գտան :

Մնիոյթ եղելոց ուսանել զիրս քրիս-
տոնէութեան՝ դիցին ապաշխարանք
լսելոյ քարոզս , և երթալոյ գոնէ զայս-
չափ ինչ ժամանակ 'ի լուր քրիստոնէա-
կան վարդապետութեան : Մնեռանդից
և գաղջացելոց 'ի վերայ փրկութեան
անձանց՝ պարտք 'ի վերայ դիցին այց առ-
նել եկեղեցեաց , և աղօթք ըստ վիճա-
կի ապաշխարողին . մարթ է եւս պա-
տուէր 'ի վերայ ածել յետս կալոյ 'ի
պարուց , 'ի կենակցութեանց , և 'ի
զբօսանաց , և յորոց 'ի սոցին սակի :

Փախչելով փախիցէ խոստովանա-
հայրն յամենայն թեթեւ իսկ կասկա-

Ճանաց և 'ի ստուերէ արծաթսիրու-
թեան . նմին իրի 'ի խոստովանութիւնս
կամ 'ի պատճառս խոստովանութեան
մի խնդրեացէ և մի առցէ ոչ վասն իւր
և ոչ վասն եկեղեցւոյ իւրոյ դրամս
կամ այլ ինչ , ոչ հատուցմունս վասն ան-
ստոյգ պարտեաց , և ոչ ողորմութիւնս
պատարագի՝ իբր յապաշխարանաց սա-
կի եղելոյ 'ի վերայ ասպաշխարողին . և
ոչ իսկ 'ի հատուցումն պարտուց , եթէ
ոչ հարկն ստիպեացէ առ 'ի չյայտնելոյ
զապաշխարողն . և յայնժամ փոյթ կալ-
ցի յետկար առնուլ յանձնէ՝ որում հա-
տոյցն , և զայն յետկար տացէ 'ի ձեռս
ասպաշխարողին : Սուրբն Կարոլոս :

Պարձեալ խոստովանահայրն դեղս
տացէ ասպաշխարողին՝ նախապահեստս
'ի մեղաց , և մանաւանդ 'ի սովորակա-
նաց . և միանգամայն հրահանգեացէ զնա
բարի խրատութիւնս 'ի կեալ քրիստոնէա-
բար : Ալ ըստ այսմ յետ ձանաչելոց
զառիթն , եթէ իցեն յայրատ հայե-
ցուածք , սահմանեացէ նմա զզգուշաւոր
պահպանութիւնս աչաց , և չյառել ա-
չօք կամաւ յանձն օտարասեր : Աթէ ի
ցեն խենէշ զրոյցք , խոյս տալ յայնպիսի
ընկերութեանց : Աթէ դատարկակե-
ցութիւն , կանոնադրեացի զբաղումն 'ի

գործ : Աթէ կենաց կցորդութիւն և
խօսակցութիւն , 'ի բաց հատանել զա-
ռիթն : Աթէ ունայնասիրութիւն և
պճ'նութիւն , բառնալ զայն՝ անշուք
զգենլով :


Իսկ ընդհանուր խրատք և խոր-
հուրդք խոստովանահօր առ խոստովան-
որդիս՝ օգտակարագոյն ամենայն մար-
դոյ այս են . ստէպ խոստովանիլ և հա-
ղորդիլ . ընտրել խոստովանահայր զոք
յընտրելագունից , յաճախել 'ի լուր
բանին՝ Աստուծոյ , ընթեռնուլ զգիրս
օգտակարս , փախչել 'ի չար ընկերաց ,
և զհետ լինել լաւաց . յաղօթս կալ ստէպ
առ Աստուած , առնել ընդ երեկս զքըն-
նութիւն խղճի , խոկալ զմահ , զդա-
տաստան և զդժոխս : Սալէզ : Ի վերայ
բերէ սուրբն Արարիտս . յորդորել զխոս-
տովանորդիս 'ի տեսանել զպատարագ
զօր ամենայն . յաւուրս տօնից երթալ
'ի ժամերգութիւն , յեղբայրութիւնս
և յաղօթարանս . առնել յամենայն ա-
ւուր զաղօթս մտաւորս , ասել յերեկոյի
առտնին զվարդարան : Աթէ գիտեն
ընթեռնուլ , տալ նոցա գնել զբանի մի
հոգեւոր գիրս՝ և ընթեռնուլ յերե-
կոյի , մանաւանդ 'ի տօնս , միաբան ընդ
ընտանիսն . և 'ի սոյն պէտս լաւ են

վարք սրբոց , և այլն : Մեծատանց յուշ
 առնել ստէպ զպարտս ողորմածութեան .
 հարց և մարց՝ առաքել զորդիս՝ ի քրիս-
 տոնէական վարդապետութիւն , և տա-
 նել ընդ իւրեանս՝ ի քարոզ , և ՚ի նման-
 օրինակ հանդէսս պաշտամանց . արդե-
 լուլ զխափանումն տօնից , և զտրու-
 փանս : Միով քանիւ , խոստովանա-
 հարք պարտին ըստ հարկի պաշտաման
 քաջ հովուի հոգւոց՝ յանձին բերել զա-
 ռանձին փոյթ կրթելոյ և ընդելացու-
 ցանելոյ զխոստովանորդիս իւրեանց առ
 հասարակ ՚ի քրիստոնէական առաքի-
 նութիւնս և ՚ի հոգևորական կեանս .
 և գուն գործել , զի ամենեքին իցեն տի-
 րապէս անյողդողդէք յառաջադրութեան
 կորուսանելոյ ոչ միայն զինչս և զպա-
 տիւ , այլ և զկեանս զլխովին՝ քան ե-
 թէ դառնացուցանել մահու չափ զմեծ-
 վայելչութիւնն Մատուծոյ . և ունիցին
 զՉերմեռանդն և զկենդանի փափաք
 կերպարանակցութեան ընդ ամենա-
 սուրբ կամս նորա : Սորբն կարոլոս :

Ի վախճանի յուշ առնէ ծիրանա-
 ւորն Վորսի ՚ի ռիմինեան ժողովն իւր ,
 թէ մեծագոյն մասն չարեաց եղելոց օր-
 ըստօրէ ՚ի մէջ քրիստոնէից՝ յառաջ
 գայ ՚ի յանցաւորութենէ և յանհոգու-

Թե՛նէ կամ 'ի վատթարութե՛նէ խոստովանահարց : Ասան զի եթէ ամենայն խոստովանահարք, որպէս ազդառնեն ծիրանաւորն Սուրբ Եպիսկոպոս Արդերայի, և ծիրանաւորն Վարպաբիկոյ Եպիսկոպոս Սոնդէֆիասգոնի 'ի Ժողովս իւրեանց, ունէին զսուրբ կապակցութիւն սիրոյ և զմիաբանութիւն 'ի Ժխտել կամ յապաղել սուրբ նախանձաւորութեամբ և սրտապնդութեամբ զարձակումն անարժանից, և 'ի խնդրել 'ի բաց բառնալ զմոլութիւնս և զանկարգութիւնս, ոչ լինէր ումեք մեղանջել մեղս այսչափ համարձակութեամբ : Եթէ ամենեքին միաշունչ լինէին, բազումք յաշխարհիկ մարդկանէ յետս կային 'ի գայթակղական ցոխութեանց և 'ի շռայլութեանց, որ կործանեն զտունս և զքաղաքս : Այնուհետեւ ոչ երթային 'ի դատապարտութիւն վասն չառնելոյ զվճար պարտեաց և փնասուց . 'ի բաց կտրէին զառիթս մերձաւորս, և որք սովորեալ էին ստէպ գթել 'ի մեղս, ուղղէին զանձինս : Արքան չարաչար խոստովանութիւնք են, որոց վասն ըստ նշանակելոյ Ժողովոյն Սբալադրոյի՝ յովիք դատապարտին, որ ոչն էին դատապարտելիք : Ապա ուրեմն խնդրի սուրբ

իմն համաշնչութիւն և զօղ և նախան-
 ճաւորութիւն , և իւրաքանչիւր քահա-
 նայ ամենայն խնամով զգոյշ լիցի , զի
 մի ուր զայլս արձակէ , կամ ստոյգ եւս
 խօսելով կապէ , ինքն իսկ անկցի յորո-
 զայթ սատանայի . և յորժամ կոյր կու-
 ըի առաջնորդէ , երկոքին 'ի դժոխս
 խարդաւանեացին :





Ա.ԶԴ.Ս.ՐԱՐՈՒԹԻՒՆԻ

Ա. Ռ. Ջ Ե Ռ Ն Ա. Գ Ր Ե Լ Ի Ս

ԳՒՏԵԼ ԶԳՈՉՈՒՄՆ ԻԻՐԵԱՆՑ

Ա. ՔԱՋ քննեցէք զկոչումն ձեր :
Ոչ որ իշխէ 'ի ծառայութիւն մտանել
արքայի առանց կոչման նորա : Եւ քեզ
զիարդ լինիցի յայնպիսի բերիլ յանդրդ
նութիւն և 'ի կոյր գիտակցութիւն
խղճի , մինչեւ խորհել քահանայանալ
առանց կամացն Մատուծոյ : Ար միան
զամ ժպրհիցի ձեռներէց և միջամուխ
լինել յայս պաշտօն , չուառական և հէք
է նա քան զամենայն մարդ , և առաւել
մնասակար եկեղեցւոյ Մատուծոյ . և որ
պէս ամբարտաւանքն Վորխ և Ղազան
և Մբիրօն հրկէզ եղեն մարմնով , կիզ
ցին և ժպիրհքս այսօրիկ հոգւով , ասէ
սուրբն Մզոստինոս :

Բ • Առ անցանել 'ի չարաչար վարուց
 'ի լաւ անդր չինդրի խորհուրդ • այլ առ
 անցանելոյ 'ի լաւէ անտի 'ի լաւագոյն
 վիճակ՝ խնդրի ժամանակ , խորհուրդ ,
 և աղօթք • վասն զի ոչ ամենայն՝ որ
 լաւն է ումեք առանձինն , ասէր սուրբն
 Փիլիպպոս ներեան , այնպէս իցէ և
 հասարակաց : Այս առաւել , եթէ
 չկամիս առանձնանալ 'ի վանս ինչ խրս-
 տակրօն , այլ խորհիս աշխարհիկ քահա-
 նայ լինել 'ի մէջ բազմադիմի վտան-
 գից աշխարհի : Յուշ լիցի քեզ բանն
 սրբոյն Թովմայի , զի սուրբ կարգն
 յընդունողն իւր պահանջէ զսրբու-
 թիւն • իսկ վիճակն կրօնաւորականն է
 դպրոց և կրթարան առ ստանալոյ զայն •
 սմին իրի բեռն կարգի ձեռնադրու-
 թեան պարտի կախիլ զհաստապինդ
 որմոց , և զմաքրազարդելոց սրբու-
 թեամբ • ուր բեռն կրօնի օգնէ յամ-
 րացուցանել և 'ի մաքրափայլել զայն
 որմունս , այս ինքն զմարդիկ , յաղտից
 ախտաւորութեանց :

Գ • Այ քեզ եթէ երիցութեան
 ցանկաս առ 'ի չաշխատիլ , այլ 'ի դա-
 տարկութեան վարել զժամանակս քո :
 Ամենայն ժառանգաւոր պարտի ստէպ

խորհել, թէ չէ կոչեցեալ 'ի դատար-
կու թիւն, այլ 'ի վաստակս հոգեւոր զի
նուորու թեան: Սուրբ եկեղեցին չունի
պէտս անգործ երիցանց, մանաւանդ թէ
տաղտկանայ 'ի նոցունց. վասն զի 'ի նո-
ցանէ կրէ զեանս մեծամեծս: Այս կամք
են նորա զի մի ձեռնադրեացի ոք յուխտ
եկեղեցոյ, եթէ ըստ դատման եպիս-
կոպոսին չիցէ օգտակար կամ հարկաւոր
եկեղեցոյ իւրում. և մի ոք յայնմ հե-
տէ ձեռնադրեացի, եթէ չիցէ վերա-
գրեալ յայն եկեղեցի, յորոյ օգուտ և
'ի պէտս է ինքն կարգեալ, որպէս զի
կրթեացի յեկեղեցական պաշտամունս:
Կնամարդի լինել պարասպորդ կենօք և
թուլանալ ծուլութեամբ՝ ոչ այլ ինչ է,
բայց հեղձուցանել զառաքինութիւնս,
մնուցանել զմոլութիւնս և հորդել ան-
ձին և այլոց ճանապարհ կորստեան:

Դ. Եթէ առաւել ցանկացող իցեա
պատուոյ երիցութեան քան առաքինու-
թեան, ակն կալջիր ոչ վարձու այլ կոր-
ծանման և գահավիժելոյ: Մաքէ, բա-
զումք յեկեղեցականաց յաւուր յայսմիկ
զիմեն 'ի սուրբ կարգս, ինդրելով ոչ
զերկնաւոր զհաց, այլ զերկրաւոր. ոչ
զհողի, այլ զշահասիրութիւն. ոչ զու-

գւոց փրկութիւն , այլ զստացուած
 դրամոց : Մ. յսպիսիք ոչ են կոչեցեալ
 Մ. ստուծոյ , այլ սաղրեալք 'ի սատա-
 նայէ , ասէ Րոնաւենդուրա , զի մատ-
 չել 'ի սուրբ սեղանն վասն զօշաքաղու-
 թեան և շահասիրութեան՝ ծանր սեղա-
 նակապտութիւն է : Ալ սակայն ոչ սա-
 կաւք վասն այսր երիցանան : Ասան զի
 եթէ չտեսանէին զթողակ ինչ , չյօժա-
 րէին 'ի քահանայութիւն վարձկանքդ
 այդոքիկ : Մ. յսպիսիքն ոչինչ այլ շահին
 'ի պաշտամանէդ սրբութեան , բայց զոր
 օգտեցաւն : Յուդաս յառաքելութենէ :
 Աթէ յայն սակս երիցանաս , զի ունի-
 ցիս զկարեւոր պէտս կենաց , դու խըն-
 դրես զքահանայութիւն վասն կերա-
 կրոյ , կամ խեղաթիւր մտօք 'ի ձեռն
 երկնաւոր իրաց կամիս շահել զերկրա-
 ւորս : Ալ եւս էր քեզ պաճարել զպէտս
 կենաց վաստակօք կենցաղոյս՝ քան եթէ
 յեղաշրջելով զամենայն կարգ , և անպա-
 տիւ առնելով զպաշտօնն սրբութեան ,
 սաղրեալ 'ի հաճոյից մարմնոյ և 'ի շա-
 հասիրութենէ ընդ պատրուակաւ ջեր-
 մեռանդութեան , ընթանալ յանհրա-
 ժեշտն դատապարտութիւն :

Ե . Տես , զի յօժարութիւն և խոր-

հուրդ ծնողաց և ազգականաց մի պա-
 տրեսցեն և մատնեսցեն զքեզ : Աորքա
 յօրովակի իղձ լինին , զի զաւակաց իւ-
 րեանց , և այն դեռ մանկահասակաց ,
 գուցէ և շեւ ծնելոց անգամ , պատրաս-
 տական կայցէ թոշակ ինչ եկեղեցա-
 կան . Օ այս մեր զորդեակ , ասեն , ա-
 ղերսիւ յանձն արասցուք այսմ կամ
 այնմ եպիսկոպոսի , յորմէ ակն ունիմք
 շնորհի իմիք իրաւամբք , զի արարաք
 նմա ծառայութիւն ինչ կարեւոր . որպէս
 զի բաժին հանցէ նմա 'ի բարեաց եկե-
 ղեցւոյ , զի մի 'ի բազմութիւն որդւոց
 բաժանեսցի ժառանգութիւն մեր : Սա
 յաջորդեսցէ այնմ վերակացուի , կամ
 այդմ կանոնիկոսի , որ հայրաբար զսա-
 սիրէ , և 'ի փափկութեան պահէ : Այս
 որդի մեր , ասեն , արժանի է կանոնի-
 կոսութեան , մանաւանդ թէ մեծագու-
 նի բարձի և պատուոյ . վասն զի է 'ի
 կարի ազնուական տանէ . և այնչափ ա-
 ւելի արժանաւոր գտանի , եթէ ազգա-
 կան իցէ երեւելի եկեղեցականի , յորոյ
 ազգատոհմի առատ են թոշակք և պա-
 րարտք : Ոյթ է ծնողաց , զի որդիքն՝ ա-
 ռաւել տգեղք և անյարմարք աշխար-
 հային գործոց՝ յեկեղեցի երթիցեն ,
 կամեւով զի թէ և չիցեն առ ՌԿ-

տուճոյ կոչեցեալք , յառաջեցեն 'ի
 Թողակառութիւն , և ոչ եթէ 'ի պաշ-
 տօն եկեղեցական , առ որս ասելի է
 տեառն բանիւ . Նոողք կոյրք , որ ոչ
 գիտեն զինչ խնդրեն : Նոողք որ սիրեն
 զժամանակաւոր բարի որդւոց իւրեանց ,
 և չխնդրեն զհոգեւորն նոցա . ցանկան
 զի բարեկեցիկ լիցին յաշխարհի աստ ,
 և ոչինչ հոգան թէ որչափ ինչ կրել
 ունին 'ի հանդերձելումն . որով քա-
 ջիկ ցուցանեն , թէ մարմնոյ ծնողք են ,
 և ոչ հոգւոյ : Նոողք և բարեկամք ,
 այլ թշնամիք , ըստ տեառն բանի եթէ
 “ Թշնամիք առն ընտանիք իւր ” :

2 . Բարի նշան կոչման է ուղիղ և
 մաքուր դիտաւորութիւն ծառայելոյ
 Մտուճոյ եռանդեամբ , և օգտակար
 գտանիլ եկեղեցւոյ : Բայց ո՞ն է որ խըն-
 դրիցէ զեկեղեցական աստիճանս , կամ
 ցանկասցի այնմ որպէս արժանն է օ-
 ղինօք , առ 'ի կեալ առանց հոգոց աշ-
 խարհի սրբութեամբ սրտի և մարմնոյ ,
 և առ 'ի գործել զանձին և զընկերացն
 փրկութիւն ջանիւ աղօթից , և բանիւ
 քարոզութեան : յառանգաւորն եկե-
 ղեցւոյ չպարտի ունել զայլ վախճան ,
 եթէ ոչ ներքոյ դնել զուս իւր ոչ ար-

տաքին պատուոյ և բարձի, այլ հասարակաց բեռանց, զորս պարտի ըստանձնել յեկեղեցւոջ որպէս փոխանորդ Վրիստոսի: Ար խնդրէ զայլ ամենայն ինչ բաց յԱստուծոյ, չէ ընտրեալ յԱստուծոյ, և ոչ ինքն զԱստուած է ընտրեալ, յետադաս առնելով յընտրութեան իւրում զարարիչն քան զարարած:

Է. « Եթէ դուք չխնդրէք զփոյթաստուածային գիտութեան, և ես չկամիմ զձեզ, ասէ Աստուած 'ի գիրս Ովսեայ, 'ի քահանայական պաշտամունս »: Ի տգիտութենէ որ մայրն է ամենայն չարեաց, պարտի փախչել առաւելապէս ամենայն ժառանգաւոր, որ կարգեալ է 'ի պաշտօն ուսուցիչ լինելոյ ժողովրդեան: Եթեթ մեծ է յոյժ այնոցիկ, ոյք ունին ուսուցանել զպարզամիտս և զռամիկս և պարտին հայելի լինել նոցա վարդապետութեան և աստուածպաշտութեան, եթէ ձեռնադրեսցին առանց կարեոր գիտութեան աստուածայնոց: Ապա ուրեմն մի ոք յառաջ խաղասցէ 'ի տնտեսութիւնս սուրբ խորհրդոց տխմար անձամբ կամ թերատես 'ի խաւարի անգիտութեան,

այլ այնօրիկ՝ ոյք երևելի են անմեղու-
թեամբ վարուց, և սլայծառութեամբ
վարդապետութեան. ապա թէ ոչ՝ որ
տայն և որ ընդունին զկարգ, 'ի վերայ
կայ նոցա վրէժխնդրութիւն Մատուծոյ
և եկեղեցւոյ նորա: Ատթարքն օրի-
նակաւ իւրեանց ապականեն զբարս
քաղցունս, և տգէտքն անկարութեամբ
իւրեանց չլինին ձեռնհաս յանդիմանե-
լոյ զանզգամս: Օ իւրդ կարող իցեն
ուսուցանել զոր ոչն գիտեն: Ամին իրի
հարք չորրորդի ժողովոյն Ատերանու
ասեն. «Մեղապէս յանձն առնեմք, զի
եպիսկոպոսունք կոչեսցեն 'ի քահանայ-
ութիւն զկրթեալն յաստուածային
սլաշտամունս, և 'ի խորհուրդս եկեղե-
ցականս, որպէս զի գիտասցեն մատա-
կարարել զնոսին օրինօք. վասն զի ե-
թէ իշխեսցեն ձեռնադրել զտխմարս և
զտգէտս, ներքոյ անկցին ծանրագոյն
դատապարտութեան. իբր զի լաւ է
ունել զլաւ քահանայս սակաւս, քան
զբազումս անշահս և վատթարս. վասն
զի եթէ կոյր կուրի առաջնորդէ, երկո-
քեան 'ի խորխորատ անկանին»:

Ը. Ղան բարի է, եթէ կամիցիս
քահանայանալ սկզբամբ սրբոյն հերո-

նիմուսի, այնպէս կելոյ՝ որպէս թէ ու
 նիցիս միշտ մեռանիլ. միշտ ուսանել,
 որպէս թէ ոչ երբէք ունիցիս մեռա-
 նել: Ստաման պէտք էն մարդոյ. մի
 կորուսաներ զժամանակն դատարկու-
 թեամբ, և մի ցնդեր զանձն քո լինելով
 սուրհանդակ այլոց: Ստիր նախ քան
 զուսուցանելն, զի մի լիցիս վարդապետ՝
 երբ պէտս ունիս աշակերտ լինելոյ,
 ըստ առածին Մշտտինոսի: Մի ու-
 սուցաներ ումեք՝ ի կանանց ընթեռնուլ,
 գրել, երգել, նուագարան հարկանել,
 և որ սոցին նման իցեն. զի այդ գործ է
 վտանգօք լի: Ստումն եկեղեցականի
 ոչ է խեղկատակ պատմութիւն, ոչ նո-
 ըալուքք, ոչ քերթածք, և այլ այսպիսի
 աշխարհական զբօսանք: Մի ունիցիս
 առ քեզ, և մի ընթեռնուցուս զայնպի-
 սի գիրս, յորոց լընթերցմանէ մասս
 ինչ հասցէ բարեկրօն վարուց և կրօ-
 նից երկիւղածութեան և աստուած-
 սիրութեան. մի մտիր և յուսումն սրբ-
 բազան՝ մինչչեւ քաջ ներկուռ հմտա-
 ցիս քերականութեան և ճարտասանու-
 թեան: Մի հպիր յուսումն բարոյա-
 կան աստուածաբանութեան, առանց
 ուսանելոյ զիմաստասիրութիւն. և մի
 արհամարհեր զտեղական աստուածա-

բանութիւն , և զկանոնագիտութիւն :
 Սախեա զժամանակ ինչ յուսումն ե-
 կեղեցական պատմութեան , պաշտա-
 մանց և երգոց : Այլ բաւական դե-
 գերիլ յուսումն , այլ պարտ է առնել
 զայն կարգաւ , հանապազորդութեամբ ,
 ուղիղ վախճանաւ , և 'ի վերայ լաւ և
 ողջամիտ մատենագրաց : Այլ 'ի զուր
 կորուսանիցես զժամանակն և 'ի նանիր
 ուսմունս , սաստկապահանջ համար ու-
 նիս տալ Վստուծոյ :

Թ . Սուրբն Տիբուրտիոս վկայ ոչ
 արժան դատեցաւ քրիստոնեայ համա-
 ընդ զՏորկուատոս , վասն զի հոգ բա-
 զում ունէր յանձին 'ի զարդարել զհերս
 գլխոյն , և տայր վարսավիրայի հըտ-
 պրտել զգլուխ իւր . մանաւանդ թէ ա-
 սաց պարզապէս թէ Յիսուս Քրիստոս
 չկամեցաւ երբէք զայնպիսի ժանտ ազգ
 ճանաչել 'ի թիւս իւրոց ծառայից : Այլ
 յիրաւի . եթէ Վստուած յայտ առ-
 նէ 'ի ձեռն առաքելոյն , թէ անարգանք
 են առն քրիստոնէի դարմանել զհերս ,
 և 'ի կանայս անգամ չկամէր զհիւսս
 խոպոպեաց , և ոչ հանդերձս մեծա-
 գինս , ոչ ամօթ մեծ իցէ հերովք և
 զգեստիւք պաճուճիլ ժառանգաւորի ,

որ ոչ միայն 'ի մկրտութեան հրաժարեաց 'ի շքոյ աշխարհի , այլ և 'ի նախկին խուզման հերաց ուխտ եղ ընտրել զտէր 'ի բաժին ժառանգութեան իւրոյ , և 'ի բաց դնել զհերս վասն սիրոյն Մատուծոյ , և զճառայութիւն աշխարհիկ ձեոյ , զգեցաւ զնոր մարդն յարդարութիւն և 'ի սրբութիւն : Աթէ զայնպիսի ազգ ժանտ չկամի Մատուած 'ի մէջ բրիստոնէից , համբերիցէ՞ այդմ յեկեղեցականս : Արաւամբք սուրբ եկեղեցի դարչեցաւ միշտ 'ի խենէշ զգետտուց , և արդել եկեղեցականաց աւելիքան 'ի վաթսուն ժողովս , և այն մեծաւ մասամբ ընդ ծանր ծանր պատժովք , ընդ նզովիւք և ընդ բանադրանօք , չդարմանել զհերս : Ար շատ ջանայ գեղազարդել զմարմինն , ինչ ոչ հոգայ սովորաբար վասն առաքինութեան հոգւոյ մերկացելոյ : Մյնպիսի ժառանգաւոր անշուշտ յայտ առնէ , թէ ինքն չէ կօչեցեալ յաստուածակոյս կողմն անդր , այլ յաշխարհակողմն :

Ժ . Այլ ոչ իսկ ցուցանէ զանձն կօչեցեալ Մատուծոյ կղերիկոս , որ ոչն սիրէ գեկեղեցի , զպաշտամունս և զհանդէսս եկեղեցականս . չճառայէ եկեղեցւոյ ,

մանուսանդ թէ երեւի անարդանս հա-
մարել իւրումն քաղաքականութեան
կամ ազնուականութեան կատարել
զփոքր պաշտօնս, ամաչելով անգամ
ուր չիցէ պատուաւոր, զգե՛նուլ զշա-
պիկ՝ երբ պարտ իցէ, վասն զբռամբ
ածելոյ զսէր օտար. ուր պարտ էր
նմա մեծ համարել զամենայն, որ հայի
ի պաշտօն մեծին Վստուծոյ. և յուշ
ածել, թէ կղերիկոս որ ոչն պարապի ՚ի
կատարումն կարգի իւրոյ խոնարհու-
թեամբ, հանապազորդութեամբ, և
բարեպարիշտ և անյողդողդ փութով,
արժանի գտանի ՚ի դուրս մնալոյ ՚ի վե-
րին կարգաց: Օ ՚ի եթէ այժմ մինչ պէտս
ունիս հաւատարմութեան ծառայելոյ
եկեղեցւոյ, այդչափ թերի ես ՚ի ջերմե-
ռանդութենէ և ՚ի կրօնասիրութենէ,
քանի՞ առաւել անկրօն և անեռանդն
գտցիս ՚ի քահանայութեանդ:

ԺԱ. Եթէ չես յօժարամիտ ՚ի դործս
ողորմութեան, և ոչ իսկ առաջիկայ
կամիս լինել քրիստոնէական վարդա-
պետութեան, զիա՛րդ մարթ իցէ հա-
ւատալ, թէ դու կոչումն ունիս քահա-
նայութեան, որ բողորովին կարգեալ է
ի փրկութիւն ընկերաց. յորում սեպ-

Տական քո սրաշտօն լինիցի սիրել զամե-
 նայն Տաւատացեալս և Տայել յօգուտ
 նոցա իբր 'ի զուարճութիւն և 'ի փա-
 ռաւորութիւն քո մեծ : Տեսանես դու,
 ասէ սուրբն Վերստիս, զի որ կամի զի-
 նուորիլ, կրթի յարՏեստ զինուց . որ
 յօժարի նաւապետել, փորձ փորձէ 'ի
 գետս . որ խնդրէ երաժշտանալ, վար-
 ժէ զձայն իւր երգովք . և որ գօտէմար-
 տիլ, պնդակազմ առնէ զանդամս, և
 մարզէ յաշխատութիւնս . բնութիւնն
 զլխովին ուսուցանէ, թէ տղայք թոթո-
 վելով սովորին 'ի խօսել . և դու առանց
 կրթութեան օրպէս վարդապետ լինի-
 ցիս, և առանց ժրութեան զիմրդ ակն
 ունիցիս լինել անձն աստուածասէր և
 եղբայրասէր :

ԺԲ . Եւ մէջ այլոց ծառայութեանց
 'ի սեպհական թեմի՝ կղերիկոսք ճշդիւ
 պարտ յանձի ունին օգնական լինել
 ժողովրդապետի յուսուցանել տղայոց
 զսուրբ վարդապետութիւն քրիստոնէա-
 կան : Վարի նշան լիցի կոչմանդ, եթէ
 սիրեսցես բարեկրօն կամակարութեամբ
 զայս գործ սուրբ, զորմէ կախեալ կայ
 փրկութիւն կամ կործանումս Տամօրէն
 ժողովրդեան . մինչեւ ասել Վերստի,

ոչ գիտեմ տողգիւ , թէ նախանձ փա-
ռացն Մտուծոյ կարիցէ՞ առնել ինչ մի
մեծ քան զայս , յորմէ հետէ Վրիս-
տոս՝ յորում են ամենայն գանձք գի-
տութեան և իմաստութեան հօր , եկն
յերկնից յերկիր առ ուսուցանել մեզ
զսուրբ վարդապետութիւն իւր , և կո-
չեաց սիրողաբար զմանկտի՝ զալ առ
ինքն : Ալ արդ արա զայդ ամենայն
մտադիւր ջանիւ աղօթից և ուսման ,
և ամենայն իմաստուն պարկեշտու-
թեամբ և բարեսէր համբերութեամբ
յամենայն ՚ի տօնս . և զայս այսպէս
առնելով՝ փայլեացես իբրեւ զաստեղս
ընդ ամենայն յաւիտեանս :

ԺԳ . Չկամի Մտուած պարզապէս ՚ի
մէջ ուխտի մանկանց եկեղեցւոյ զանհա-
մեստս , որ չեն արժանի կալոյ և ՚ի մէջ
քրիստոնէից . և ոչ հաճի արկանել զպա-
տուական մարգարիտս սուրբ կարգին
իւրոյ առաջի անսուրբ անասնոց : Ար
միանգամ ցանկայ եկեղեցական վիճա-
կի , պարտի հրաժարել յամենայն ան-
մաքրութենէ . և չպարտի մատչել ՚ի
կարգ , որ ոք չիցէ կոյս , կամ վկայեալ
յողջախոհութեան : Մի ասիցես թէ
սուրբ պահեցից զանձն իմ ընդ լինելս

կիսասարկաւագ . վայ է քեզ եթէ ոչ
 կանխաւ սրբեացես զքեզ : յայրհու-
 թիւն քո տացէ քեզ մուծանել զաղ-
 տեղութիւնս պժգալի ախտից 'ի խո-
 րանն Մատուծոյ կենդանւոյ , և պահես-
 ցէ յանձին քում զպղծութիւնս նոյն
 աղտից . և ապականելով զտաճարն Մա-
 տուծոյ՝ կրկին դատապարտութիւն ըն-
 դունիցիս . վասն զի կրկնապատիկ են
 մեղքն զոր գործես , պահելով յանձին
 զայդպիսի քարուական խիղճ մտաց , և
 տակաւին միջամուխ լինելով 'ի սրբու-
 թիւն անդր սրբոց : Զպակասեն աս-
 տուածաբանք՝ մարդասիրագոյնք ան-
 դամ 'ի նոսա , ոյք պնդեն թէ ոչ միայն
 պարտ է պարզապէս արգելուլ կղերի-
 կոսի ունակացելոյ յիրս անհամեստու-
 թեան ելանել 'ի կիսասարկաւագու-
 թիւն՝ մինչչեւ իցէ տուեալ զժամանակ
 ինչ բաւական գրաւական հիմնեալ 'ի
 գործս զիւրոյ հաստատուն մաքրու-
 թեան , այլ և պահանջեն և եւս , զի
 թէ և այնպիսի կղերիկոս պարզապէս
 զղջացեալ իցէ , այլ յորժամ պնդագոյնս
 խնդրեսցէ փութապէս հասանել կար-
 զի , պէտք են ժխտել նմա իսպառ զար-
 ձակումն , որպէս յետին լրբենւոյ և ան-
 արժանի . վասն զի չկարէ այնպիսին և

ոչ իսկ փորձով ախտի այդպէս զօրա-
 գունիւ հաւատալ պարզապէս հաւա-
 տարիմ միշտ գոլոյ յողջախոհութեան .
 և ոչ երբէք ճշմարտի , զի այնպիսի
 զղջաւոր լինիցի երեւելի աստուածսպաշ-
 տութեամբ և ողջախոհ վարութեամբ , ըստ
 որում պահանջէ ժողովս Տրիդենդեան ,
 եթէ իսկ և իսկ սկսեալ է վերանալ 'ի
 ժահահոտ սղմոյ աղտեղի մեղաց : Այ-
 քանզի այսոքիկ դէպք մարթին պա-
 տասել 'ի ժամանակի կրթութեանց
 վասն ձեռնադրութեան , յորում վայրի
 բաց յայլոց դժուարութեանց լինի առա-
 ւելուլ յապաշխարողն երկիւղ վատա-
 համբաւութեան . եթէ նա յետս կայցէ
 յառաջիկայ ձեռնադրութենէ , խոհա-
 կան խոստովանահայրն պարտական է
 'ի նեղ արկանել զձեռնադրելին , դնել
 լով յանդիման աչաց նորա , թէ կեանքն
 յաւիտենից 'ի վեր է քան զամենայն
 մարդկային ակնածութիւն . և թէ ոչինչ
 վատանունութիւն լինի , եթէ անձն
 ձեռնադրելի վկայութիւն դիցէ կամիլ
 աւելի հասուն խորհրդով մտաբերել
 վասն ընտրելոյ զվիճակ ինչ , որ բերէ
 ընդ իւր բեռինս ծանունս , զոր յետ
 միանգամ ըստանձնելոյ չէ մարթ եր-
 բէք 'ի բաց թողուլ :

ԺԴ . Մաշին փորձութիւնք առն
 կղերիկոսի են յաճախ վարիլ ընդ կա-
 նայս : Յուցակութիւնք սիրոյ , սպա-
 սահարկութիւնք , փոխադարձ ընծայք ,
 քաղաքավարութիւնք , պարգեւք , ընկե-
 ըիլ կանանց , կալ միշտ ընդ նոսա , և
 ոչ մեղանչել , համարեալ են մեծ եւս
 հրաշք քան յարուցանել զմեռեալն ,
 ըստ առածին Ռեոնարդոսի : Այս սուրբն
 Փիլիպպոս Աերեան ասէր . « Վպատե-
 ըազմի զգայութեան յաղթեն տկարք
 երբ փախչին » : Ակեղեցական օրէնք
 պատուիրեն քեզ խոյս տալ 'ի խուժանէ
 ծպտելոց զերեսօք , չըջիլ ծպտեալ պատ-
 ըուակաւ , ոչ պարել , և ոչ երթալ 'ի
 տես պարուց , չգտանիլ 'ի ժողովս ա-
 ռասպելախօսաց , խեղկատակաց , և այ-
 ըոց աշխարհային տեսարանաց : Հեռի
 լեր 'ի շրջելոյ 'ի գիշերի : Աշխար-
 հայինն քնար չմիաբանի ընդ սուրբ
 սաղմոսարանի : Արբի կարեոր է զի
 պաշտօնեայք սեղանոյ և ամենայն ժա-
 ռանգաւոր մի գտցին 'ի տեսարանի ի-
 միք , որ լինի 'ի պատճառս հարսանեաց ,
 եթէ ընթրիք իցեն , եթէ կաքաւք , և
 որ սոցին նման . և ոչ երբէք մտցեն 'ի
 ժողովս , ուր երգք լինին սիրոյ , և խե-
 նէչ նուագք կամ պարք . որպէս զի աչք

և ականջք սրբազանեալք սուրբ խորհրդովք մի սրղծեսցին յանմաքուր խօսից, և յանվայել տեսարանաց :

ԺԵ . Ժառանգաւորք պարտին խորշիլ 'ի հիւրանոցաց՝ բաց 'ի հարկէ ճանապարհորդութեան . մի խաղասցեն խաղս բախտի թղթով կամ քուէիւ, և մի մերձ կացցեն . և ոչ հրապարակաւ գնտակ և այլ ինչ խաղասցեն, մանաւանդ ընդ աշխարհականս : Չպարտին եկեղեցականք պաշտօնեայ լինել աշխարհականաց, և ոչ գործակալ շահից նոցա . ըստ կարգաւորութեան նախնեաց սպառնալեօք բանադրանաց արգելեալ է ժառանգաւորաց տուրեւառաւանել, և ընդ նովին պատժով արգելեալ է վաշխառութիւն, և զինակրութիւն : Աչ գտանի 'ի սուրբ գիրս սուրբօք որսորդ 'ի ցամաքի : Մ՝ կարէ ասել երբէք, թէ ունիցի նախանձաւոր որսորդ հոգւոց լինել, և հաւատարիմ պաշտօնեայ և հաղարապետ աստուածային խորհրդոց, որ զօրն ողջոյն անցուցանիցէ 'ի գործս աշխարհականս, և միշտ ատրճանակ յուսս, կամ զէն 'ի մախաղս, կամ թուղթ և քուեայ 'ի ձեռս : Սովորեցո զանձն քո անդաստին

Ի մանկութենէ գործել ըստ հոգւոյ և ըստ հրամանաց սուրբ եկեղեցւոյ : Արդեակ, միտ դիր ՚ի մանկութենէ, ասէ քեզ հոգին սուրբ ՚ի բերանոյ Սիրաքայ, ուսման և աստուածապաշտութեան, և տեսցես զարգասիս ջանիցդ յալևորեալ հասակի : Ար ՚ի մանկութենէ պատաղի ՚ի յիմարութիւնս աշխարհի, ասպաքէն տակաւ հնանայ ՚ի նոսին :

Ժ. 2. () ըինակ քո բարի առտնին և արտաքոյ, ընդ քոյս և ընդ օտարս՝ այն պիտի լինիցի, զի զգօն բարս յամենայնի յանձին ցուցանիցես, և օրինակ բարեաց ամենայն հաւատացելոյ լինիցիս : Եւրա եթէ լինիցիս որպէս առիւծ ՚ի վեր ՚ի վայր առնել զընտանիս, և լեզու քո լինիցի գայթաղեցուցիչ, աչք քո չարալից, ձեռք քո կապտիչ ընչից այլոց, և բարք քո յանդուգն, անսաստ, յամառաւ ծնողս և ուսուցիչս և մեծաւորս, և անհամեստ ընդ դասակիցս, ընդ կանայս որ ՚ի տան և որ արտաքոյ, և ընդ ամենեւին բարձրամիտ և ամբարհաւաճ, զիա՛րդ լինիցիս անուշահոտութեամբ վարուցդ ՚ի մխիթարութիւն եկեղեցւոյ, զոր պարտիս շինել քարոզու

Թեամբ և օրինակաւ : Արպէս փայլեցես այնուհետեւ 'ի տանն Աստուծոյ, հպատակ հովուաց, խաղաղասէր ընդ քահանայս, սիրալիր ընդ աղքատս, համբերատար ընդ դառնացուցիչս, վարդապետ առաքինուԹեանց, և օրինակ բոլորից : Անարժան է ամենեւին կալոյ 'ի մէջ եկեղեցականաց՝ որ չէ արժանի տանելի լինելոյ 'ի մէջ աշխարհականաց :

ԺԷ . Յայտնի ցուցակ վարուց քոց և կենաց են վարք և կեանք այնոցիկ, ընդ որս վարիս : Ի վատթար ընկերաց ամենեքին պարտին հեռի կալ, այլ առաւելապէս պատուիրեալ է այդ նորամուտ ժառանգաւորաց . իբր զի դեռ համբակ գոլով սոցա ըստ հասակի, և տակաւին անհաստատ յառաքինուԹեան, առաւել 'ի վտանգի կան կործանելոյ յախտս մոլուԹեանց : Քանզի պարտին փախչել և յաւելորդ ընտանուԹենէ աշխարհականաց, որ է մահաճին աղբիւր մեղաց և գայթաղուԹեան : Աոյս տուր և յընկերուԹենէ աշխարհասէր եկեղեցականաց, անբարի օրինակ եղելոց, և որոց չունիցին զոգի եկեղեցական : Կալ որպէս առած անյեղլի կենաց կցորդ միշտ լինել այնոցիկ, ոչք

շնչեն 'ի քեզ զոգի աստուածապաշտու
 թեան , մանաւանդ հասունք հասակաւ
 և առաքինութեամբ . զի թէ կենակցիլ
 ընդ հասակակիցս քաղցր թուիցի , կե-
 նակից լինեն ընդ երիցագոյնս է առա-
 ւել անքոյթ , ըստ առածին Մթրո-
 սիոսի :

ԺԸ . Թէ և կարի իմաստուն որ ի-
 ցես , տակաւին մարդ ես , և կարօտ
 խորհրդոյ . միայն Մտուած է ապե-
 նիազ : Ար առ վարդապետս ունի զանձն ,
 աշակերտ է այնպիսին ուրումն անմտի ,
 ասէ Տեոնարդոս : Հայրն խոստովանու-
 թեան քո լիցի քեզ խորհրդական , զոր
 ընտրեսցես որպէս մի 'ի հազարաց , և
 յարմարագոյն 'ի յարմարաց , և մի փո-
 խեսցես զայն առանց հարկի , որպէս
 սահմանեաց անձին իւրում սուրբն
 Փրանկիսկոս սալեղեան : Փոխել զխոս-
 տովանահայր սովոր է մնասել հոգւոյ ,
 որչափ մարմնոյ փոփոխութիւն բժշկի :

Քաջ զննեա զչարն և զբարին խղճի
 մտացդ , մինչեւ կարող լինիցիս ուղղել
 զանձն ոչ միայն 'ի կարգի կոչմանդ , այլ
 և յամենայն հոգեւոր ընթացս քո : Ի
 միտ առ , ասէ սալեղեանն , զի առաջին
 սրայմանն , զոր դեւն խնդրէ 'ի հոգւոյ

զոր խաբել կամի, այն է՝ զի մի խօսես զի ՚ի խոստովան լինել զյանցանս :

ԺԹ. Յետ ընտրելոյդ զընտիր խոստովանահայր, խոստովանեա նմա միանգամ կամ երկիցս յեօթնեկի, թէ և ծանր յանցուածս ոչ ունիցիս : Եթէ անկցիս ՚ի ծանր մեղս, կամ ՚ի խիղճ՝ որ տայ քեզ երկնչել ՚ի մահուանէ, մի անցուցաներ զայն օր առանց խոստովանութեան և հանդարտելոյ զխիղճդ . և եթէ անփոյթ առնիցես զայսուիկ, հոգիդ կայ ՚ի ծանր վտանգի դատապարտութեան : Յամենայն կիւրակէս և ՚ի տօնս մատիր ՚ի սուրբ հաղորդութիւն, մանաւանդ եթէ մտեալ է քո ՚ի սուրբ կարգ : Օ իմրդ լինիցիս հաւատարիմ պաշտօնեայ սուրբ խորհրդոց, զորս ունիս ստէպ ընդունել և մատակարարել, եթէ յաւուրս յայսմիկ տաղտկանաս ՚ի նոցունց, և չարաչար վարիս նոքիմբք՝ առանց ինչ սխտոյ, մանաւանդ թէ և աններելի ժարհութեամբ՝ լռելով զմեղրս ծանունս, չթողլով զաւիթս մերձաւորս, և չկամելով տիրաբար քանցել ՚ի բաց զմոլութիւնս քո . և այնպէս լինիս սրբապետական մարմնոյ և արեանն Քրիստոսի :

Ի . Աղօթք , ըստ ասելոյ սրբոյն
 Անչէնցիոսի Պաւլայեցւոյ , այնպէս
 հարկաւոր են որոց պաշտենն զսուրբ
 սեղանն , որպէս սուսեր զինուորաց :
 Տուր ինձ , ասէ նա , այր մի աղօթա-
 կան , և լիցի բարեյարմար ամենայն
 բանի . 'ի կիր արկ զաղօթս ընդ առա-
 լօտս և ընդ երեկոյս , ընթերցիր ջերմե-
 ռանդութեամբ զպաշտօն կուսին : Օ՞ր
 ամենայն առաջիկայ լիցիս խորհրդոյ
 սրբոյ պատարագին , և հասարակաց ա-
 ղօթից առտնին : Ախս քան զմտանել
 յանկողին քննեա զխիղճ մտաց քոց , ա-
 ըստ սովորութիւն հառաչական աղօթից :
 Յաղօթելն կենակից լինիմք և խօսա-
 կից ընդ Աստուծոյ . յընթեռնուն Վս-
 տուած կենակցի և խօսի ընդ մեզ :
 Հապա , տուր զքեզ յընթերցումն հո-
 գեւոր գրենոյ , որ ճառեն զպարտեաց
 եկեղեցականաց . այլ 'ի վեր քան զա-
 մենայն զօր ամենայն սահմանեա անձին
 քոյ կէս մի ժամու զհետ լինել մտա-
 ծութեան ամենայն ոգւով : Թող զի
 այս կամք են սրբոյն Վարդուսի , զի կղե-
 ըիկոսք 'ի քննիլ անդ իւրեանց հարցցին
 մանրամասնաբար , եթէ գիտանկ իցեն
 որչափ ինչ պահանջի առ մտաւորական
 աղօթս . և թէ առնէին զայն , և որով

օրինակաւ , և որով պտղով . վայ է մեզ
 եթէ չունիմք զպարգեւ աղօթից . պար-
 գեւ կարեոր 'ի գործ արկանել զպաշտօն
 քահանայական : Քանզի և զարմանք
 մեծ են թէ որով խղճի մտօք քահա-
 նայանայ որ չունիցի զպարգեւ աղօ-
 թից :

ԻԱ . Փոյթ կատարելութեան է լա-
 ւագոյն նշանակ կոչման : Ար ցանկայ
 մատչել յաստուածային պաշտամունս ,
 պարտի կատարեալ լինել յառաքինու-
 թեան : Օ՞ր շինութիւն առնուցուն
 աշխարհիկք , որ աշակերտք են քո , ե-
 թէ տեսցեն նոքա զանձինս մեծացեալ
 առաքինութեամբ քան զվարդապետս :
 Յուշ լիցի քեզ , զի ոչ միայն հովիւք ,
 երիցունք , և սարկաւագունք պարտին
 յառաջել քան զժողովուրդն 'ի գիտու-
 թեան և յաստուածապաշտութեան ,
 այլ և դռնապանք եկեղեցւոյ , ընթեր-
 ցողք , և երդմնեցուցիչք : Պաշտօնեայք
 տանն Աստուծոյ աւերիչ լինին եկեղե-
 ցւոյն Քրիստոսի , եթէ աշխարհականք
 ընտիր եւս գտանիցին քան զեկեղեցա-
 կանս :

ԻԲ . Չկարես ցուցանել զքեզ կոչե-

ցեալ առ Մատուծոյ, եթէ առ 'ի ձեռ-
 նագրիլ ընդ անուամբ թոշակի ծանրա-
 բեռնեացես զողիզ ահագին ծանրու-
 թեամբ յանցանաց, և սոսկալի սրատ-
 ժով սխմանականութեան. և կամ եթէ
 ձեռնագրելով բանիւ հայրենի ժառան-
 գութեան անձնընծայ լինիցիս 'ի ձեռս
 բերել զայն վնասու իրաւանց այլոց եղ-
 բարց. ուր հաւաստի իմն է զի այնպի-
 սի ստացումն, ոչ բարի է և ոչ վաւե-
 րական. կամ թէ առնես զքեզ սար-
 տաւոր, և մասնակից սուտ երդմանց
 նաեւ 'ի նշանակելն եւեթ զբաւականու-
 թիւն հասից հաստատեալ 'ի ժողովոյ
 քունմէ. եւս առաւել եթէ ժառան-
 գութիւնն այն սուտ իցէ, կամ նենգաւ
 պատրեալ իցէ քո զնախագահն. վասն
 զի նովին իսկ գործով անկանիս ընդ
 կախմամբ. ուստի և 'ի կիր արկանելդ
 զկարգս անկանիս և յանկանոնականու-
 թիւն ըստ կանոնաց :

Ի Գ. Մի բացցեն քեզ ձանապարհ 'ի
 ձեռնագրութիւն ոչ աղաչանք, և ոչ
 ստիպողութիւնք բարեկամաց և ազ-
 նուականաց, որ ոչն ունին այլ տեղի,
 բայց 'ի ցուցանել զքեզ յանդուգն և
 անարժան. այլ յառաջ ածցէ զքեզ քո

լաւութիւն , աստուածապաշտութիւն , և
 խոնարհութիւն : Յուշ լինին քեզ բազմ-
 մութիւնք երեւելի երեւելի օրինակաց
 նորածնեալ եկեղեցւոյ , զորոց ասէր
 սուրբն Մարգարէնս՝ եւս և առ իւրովք
 ժամանակօք , թէ յորովք 'ի նոցանէ յա-
 կամայ կամս վերառեալ լինէին 'ի ժա-
 ռանգաւորութիւն եկեղեցւոյ : Մաժ-
 էր սրբոյն Վրիգորի մեծի , թէ զայն ոք
 պէտք էին յառաջ մատուցանել 'ի սուրբ
 սեղանն , որ հրաւիրեալ 'ի կարգ անդր՝
 հրաժեշտ տայ , լայ և խոյս տայ : Ասան
 որոյ իրաւամբք պարտ էր 'ի բաց մեր-
 ժել զայն , որ փառասիրութեամբ անձ-
 նամատոյց լինի , կամ տարադէպ ձեռն-
 երէց լինիցի . սմին իրի և բազումք յար-
 դի ժողովոց 'ի բաց տարադրեն 'ի կար-
 դաց և 'ի թոշակառութեանց զայնու-
 սիկ , որ զանձինս ընծայեցուցանեն
 յանձնարարութեամբք :

Ի Դ . Մի թախաններ զառաջնորդն
 ազատ կացուցանել զքեզ 'ի սահմանեալ
 միջոցաց ձեռնադրութեան : Մանաւոր
 պատճառք որ սովոր են յառաջ բերիլ առ
 ընդունելոյ զտնօրինումն , չեն յորովակի
 առիթք հարկեցուցիչք 'ի խնդրել զայն .
 այլ բազում մասամբ ունայնասիրու-

Թիւն, կամ շահասիրութիւն, կամ սէր
 ազատութեան առ չկամելոյ ընդ երկար
 մնալ ընդ հպատակութեամբ և փորձով
 ուսման, քննութեան, ծառայութեան
 եկեղեցւոյ, վկայադրութեան, և որ
 սոցին նմանք իցեն: Այսպէս օրինաց
 է՝ ի տալ քեզ զժամանակ՝ ուսանել և
 ի միտ առնուլ զմեծութիւն ծանրու-
 թեան վիճակիս, կրթել զանձն քո՝ ի
 կարգս ընկալեալս, և ստանալով զմեծ
 եւս գիտութիւն և զառաքինութիւն
 նշանաւոր՝ աստիճան քան զաստիճան՝ ի
 վեր ելանել յայլ կարգս: Ապաքէն խու-
 սափելն ի սուրբ օրինադրութենէ է
 դնել զանձն ի վտանգ անկանելոյ հապ-
 ճեպ ընթացիւք: Առջունն՝ որ իղձ լիցի
 թուչելոյ նախ քան զբուսանել թեւոց,
 գահավէժ վայրաբերի: Անունդ վա-
 զագոյն կանխեալ՝ վիժած գտանի ոչ ի
 ընուլ զտուն, այլ զգերեզման, ասէ մեծն
 Վրիգոր ի հովուականն:

ԻԵ. Քաջ տես, զի խնդիրք քո իցեն
 արդարացի և անկեղծ: Այսիսկոպոսն
 մահուչափ մեղանչէր ի ձեռնադրել
 անդ զանարժան սլաշտօնեայս. նմին ի-
 ըրի պարտի յապահովիլ գոնէ այլոցն
 վկայութեամբք զլաւութենէ ձեռնա-

դրելեաց : Բայց արդ կարէ նա 'ի խաբս
անկանիլ . այլ դու ոչ այդպէս , որ ոչն
կարես ասել չգիտել զանձին անարժա-
նութիւն . ասլա ուրեմն դու ես առա-
ւել պարտաւոր , և արժանի մեծի եւս
պատժոյ : Ա կայութիւնք և կարևոր
խուզարկութիւնք յուժակտս լինին , և
ոչ օգտեն քեզ առաջի Մտուծոյ , եթէ
չիցեն ճշմարտօք : Օ իմրդ ճշմարտեսցի
զքէն վկայութիւն բարի վարուց , եթէ
դու զանձն քո գիտես անօրէն և ասի-
րատ : Յաճախութիւն վարդապետու-
թեան , խորհրդոց , դպրոցի , և որ 'ի
կարգին , զիմրդ ստուգեսցի , եթէ հա-
զիւ զքանի մի նուազս գնացեր 'ի մեր-
ձենալ անդ աւուրց ձեռնադրութեան :
Արպէս ճշմարտեսցի թէ յառաջամիտ
գտար 'ի քոյդ յառաջագիմութիւն ըստ
ուսման և ըստ գիտութեան , եթէ դա-
տարկապորտ ես և տգէտ . և գիտես
խղճի մտօք , զի չէիր բաւական լոկ խըն-
դրելն զայնպիսի վկայութիւնս , եւս ա-
ռաւել ջանալդ առնուլ զայն համախո-
հութեամբ , ստութեամբ , պատրանօք ,
պարզեօք , բռնազբօսութեամբք , յա-
ւելլու յանյարմարութիւնս անարժան
զքեզ կացուցիչս զեւս մեծ վատանուն
ժարհութիւն , 'ի կամել քո 'ի քո կող-

մանէ առնել խաբէբայս , ստերգմունս ,
 մատնիչս և դահիճս եկեղեցւոյ և հա-
 սարակաց բարւոյ զայնոսիկ , ոյք ունին
 կցորդ լինել քուճի ձեռնադրութեան :
 'Միմեւով'ի կարդ խաբկանօք , և սուտ
 ցուցակութեամբ պահանջելոցն , լինիս
 մրուր աղտեղի , և անարդ քեռն եկեղե-
 ցւոյ , կամ թէ այսպէս գողաբար և յար-
 ամրի մտանելով յայտ առնես զանձն
 քո լինել աւազակ և հուղկահար չար
 անուն :

Ի Զ . Մուանձնութիւն 'ի սուրբ կրթ-
 թութիւն օրինադրեալ է քեզ նախ
 քան զընդունելութիւն սուրբ կարգաց .
 որպէս զի քաջ խելամուտ լինիցիս վի-
 ճակի այդմ կենաց , յոր կապես զքեզ
 'ի կիսասարկաւագութեան . և ճշդա-
 գոյնս որոճելով զիրան սուրբ մտածու-
 թեամբ , և զգուշաւոր հանրական խոս-
 տովանութեամբ բովանդակ կենացդ
 անցելոց՝ պատրաստեսցես զանձն քո
 մաքրութեամբ մտաց , և եռանդեամբ
 սրտի բորբոքելոյ յայնպիսի ծանր վի-
 ճակ : Եւ արդ արա զայն ոչ առ հար-
 կի կամ առ բռնադատութեան , ոչ առ
 սովորութեան , և ոչ ցրտութեամբ ,
 այլ ամենայն ոգւով և ջերմեռանդու-

Թեամբ : Այլ եթէ ըստ նախագրե-
 լոցս ծանիցես զանձն քո իբրու ոչ կոչե-
 ցեալ առ յԱստուծոյ , կամ անյարմար
 գտեալ , մի թողուր զանձն քո յաղթիլ
 'ի մարդկային ակնածութենէ , 'ի կա-
 մաց ծնողաց և ազգականաց , 'ի շահասի-
 րութենէ և 'ի պատճառանաց , այլ պատ-
 մելով զիրսն յունկն վերակացուի հո-
 գւոյդ , դադարեա 'ի խորհրդոյ աստի , և
 թող զեկեղեցական ճանապարհ , և հաւ-
 տատեա զսիրտ քո յետս դառնալ անտի ,
 առ ապահովել զյաւիտենից փրկութիւն
 քո , անշուշտ դնելով 'ի մտի թէ չպակասէ
 քեզ առ յԱստուծոյ օգնականութիւն
 առ յաղթելոյ ամենայն դժուարու-
 թեան . և ունիցիս եւս առ այս ձեռնոր-
 ւութիւն ամենայն իրօք յեպիսկոպոսէ
 քումմէ , եթէ նա գիտակ լիցի քեւ և
 կամ 'ի ձեռն այլոյ դիտաւորութեան քո
 Այլ չիք տարակոյս , զի լաւ իցէ հաւաս-
 տեաւ փրկիլ 'ի ցածուն վիճակի աշ-
 խարհականութեան , քան բարձրանալ
 'ի պատիւ քահանայութեան , և 'ի նմին
 կեալ առաւել յանցաւորութեամբ , և
 մատնիլ յահագին պատուհաս աններե-
 լի : Թէ չառնես այդպէս , վայ է քեզ .
 լաւ է քեզ բրել զերկիր , կամ մուրա-
 ցիկ լինել , զի մի լիցի յաւուր միում

դոչել լալագին . Այսօր դատապարտեցայ , վասն զի ձեռնադրիլ կամեցայ :

Ի է . Արկնակի առաւելուցուն յանցանք քո՝ եթէ մեղօք մերձենաս յընդունելութիւն կարգի : Արբուծիւն վարուց խնդրի յընդունողն կարգի , որպէս զի արժանաւոր լիցի 'ի կատարել զայն . և մահուչափ մեռանիս 'ի ձեռնադրիլդ ծանրացեալ մեղօք , 'ի չարաչար խոստովանիլդ և 'ի հաղորդիլդ ծանրաբեռնես զողիդ սեղանակապտութեամբք . բա՛բէ , 'ի միում եւեթ աւուր առնել այնչափ անհեթեթ սեղանադերժութիւնս , և այն ընդդէմ Աստուծոյ՝ որ կամի ցուցանել զմեծ ողորմութիւն : Փոխել զփրկութիւն 'ի կորուստ , զսուրբ խորհուրդս 'ի սրբապղծութիւն , և յեղաշրջել զկեանս 'ի մահ , յայտ առնեն զքեզ կորստական լինել հողի դժպհի : Այլ դժուարին իսկ է , թէ դու 'ի լաւ անդր վախճանեսցես զընթացս քո , որ սկսարդ այդպիսի սոսկալի սկզբամբք :

Ի Ը . Աթէ թոշակաւոր իցես , վայելես յինչս եկեղեցւոյ . հապա , փոյթ յանձին կալ ջերմեռանդն սրտիւ պաշտել

զժամերդու թիւն , յոր պարտաւորեալդ
 ես : Ի թողուլ անդ զբողորն կամ զմասն ,
 բաց 'ի մահու չափ մեղաց , պարտիս յետս
 հատուցանել զեկամուտս ըստ չափոյ
 պակասելոյդ , ըստ կանոնին սահմանե-
 լոյ 'ի սրբոյն Պիոսէ հինգերորդէ : Ըյս
 հատուցումն պարտաւորէ զքեզ խղճի
 մտօք յառաջ քան զյայտարար վճիռ
 դատաւորի , և ոչ կարես ըսուլ զայն
 պարտս ողորմութեամբ իւրիք , զոր ար-
 դէն արարեալ իցէ քո 'ի հասից թոշա-
 կի : Ունիս և զայլ պարտիս , և մանա-
 ւանդ զծանր պարտաւորութիւն չթող-
 լոյ վատթարանալ , այլ առաւել պահ-
 պանել ամենայն խնամով զեկեղեցա-
 կան եկամտից զտեղիս . և ծանր պարտք
 'ի վերայ կան քեզ 'ի կիր արկանել 'ի
 բարեպարիշտ գործս վասն եկեղեցւոյ ,
 և վասն աղքատաց զայն ամենայն որ
 ինչ յաւելցի յեկեղեցական հասից յետ
 օրինաւոր պարենի քո : Օ որ ինչ միան-
 զամ արտաքոյ հարկաւոր կերակրոյդ և
 անպաճոյճ զգեստուդ պահեցես առ
 քեզ 'ի սեղանոյ անտի , գիտեա՛ զի չէ
 քո , այլ գողութիւն է և յափշտակու-
 թիւն և սեղանակապտութիւն : Եւ ոչ
 իսկ կարող ես պարզեւել զայն ազգա-
 կանացդ ընդդէմ եկեղեցական կանո-

նաց, երբ չիցեն ստուգապէս աղքատք
 յիւրեանց վիճակի: Եկեղեցական ե-
 կամուտք 'ի տունս այլոց են որպէս հուր
 այրեցող ներքոյ և արտաքոյ՝ ասէ ոմն 'ի
 բարեպարիշտ ծիրանաւորաց: Եւս ա-
 ուաւել ծանունս մեղանչես, եթէ ծա-
 խեսցես 'ի շուայլութիւնս, և կամ յիրս
 անարժանս: Յուշ լիցի քեզ զի եկեղե-
 ցական հասք՝ են ինչք Մստուծոյ, եկե-
 ղեցւոյ, աղքատաց, և ուխտք հաւատա-
 ցելոց, զին արեանն Քրիստոսի. և չե-
 մարթ կարգել զնոսին 'ի յագուրդ ազա-
 հութեան և փառասիրութեան ազգա-
 կանացդ կամ անձինդ. և չարտին կուր
 լինել կղերիկոսաց աշխարհասիրաց, կնա-
 մարդեաց, խաղացողաց, դատարկապոր-
 տից, և որ 'ի նոցին սակի: Եւս ինչք
 թողեալ եղեն 'ի պէտս սիրոյ, և ոչ չարա-
 չար վատնութեան. և եթէ առաքեալն
 պատուիրէ, զի Ար ոչն աշխատի, և կերիցէ
 մի, ապա ցասմանն Մստուծոյ ներքոյ ան-
 կանխա դու, եթէ անաշխատ դատարկա-
 կեցութեամբ ուտես զհաց եկեղեցւոյ,
 զժառանգութիւն սրբոց վկայից, զճրի-
 տուրս հաւատացելոց բարեպաշտից 'ի
 պարէն պաշտօնէից եկեղեցւոյ առ
 'ի շահ հոգւոց, և 'ի փառս Մստու-
 ծոյ. և զայս ամենայն գիտելով չտա-

նիս փոյթ առ 'ի վարել զայն ըստ
պարտեաց խղճի մտաց 'ի բարին եկե-
ղեցւոյ :


ԻԹ. Աթէ ձեռնադրեալ իցես 'ի սուրբ
կարգս , բաց 'ի պարտաւորութենէ աս-
տուածային ժամերգութեան՝ յիշեա զի
ոչ եւս ես ազատ , և չէ քեզ օրէն ան-
ցանել 'ի կապս աշխարհականս . այլ
պարտիս ծախել զամենայն ինչ յաւէ-
ժապէս 'ի ծառայութիւն Մատուծոյ , ո-
րում ծառայելն է թագաւորել . և նո-
րին օգնականութեամբ ունիս պահել
զոսկեղինիկ ողջախոհութիւն : Աթէ
յաշխարհիկ ոք մեղք ընդդէմ մաքրու-
թեան ծանունք են ընդդէմ մերձաւո-
րին՝ բաց 'ի մարդասպանութենէ , 'ի
քեզ ծանրագոյն եւս են , քան յաշխար-
հիկ այր . վասն զի յետ հանդիսապէս
ընծայելոյդ Մատուծոյ զքո ողջախոհու-
թիւն՝ չկարես ապականել զայն առանց
ամենաժանր սեղանակապտութեան :
Ա եր անարատ , մաքրափայլ , ողջախոհ ,
որպէս վայել է պաշտօնէից Քրիստոսի ,
և գործակցաց կատարողութեան մար-
մնոյ և արեանն տեառն : Յուչ ած
զնախավկայն սուրբ Ստեփանոս , որ
վասն անզուգական մաքրութեան 'ի

քո պաշտօն ընտրեցաւ յառաքելոց : Առաջին սարկաւազունք լի էին հողուով սրբով և իմաստութեամբ , և նոցա յանձնեալ էին կարևորագոյն գործք սիրոյ . կերպարանակից լեր սիրոյ նոցա և առաքինութեան : Ասեւ յաւուր յայսմիկ պաշտօն սարկաւազի է ոչ միայն սպասաւորել սրբոյ սեղանոյ , այլ և քարոզել : Հայա , կրթեա զանձն քո ըստ իմաստուն կարգաւորութեան ծերագունից 'ի քարոզութիւն ուսմամբ և կարևոր վարժութեամբ : Այ միայն քահանայք , այլ և սարկաւազունք ըստ քանի սրբոյն Պաւղոսի պարտին լինել անստգտանելի : Քաջ 'ի միտ առ , ասէ Սկեբերան , զի առաքեալն պարտաւոր է և զքեզ յառաքինի և յանարատ վարս :

Լ . Ի մերձենալ մեծի աւուր , յորում ընծայիս 'ի ձեռնադրութիւն քահանայութեան , յիշեա զոր ասէր ցանձն իւր ոչ որպիսի և է եկեղեցական ոք , այլ սուրբն Փրանկիսկոս սալեզեան .
 “ Քահանայիցն վիճակ մեծ է քան զհրեշտակն լինել : Այ՛ յո պարտ և արժան է ինձ քննել զանձն իմ և փորձել ամենայն փութով՝ ուր պարտ է ինձ քահա-

նայագործել զմարմին և զարիւն որդւոյն
 Մտուծոյ . որպէս զի 'ի յատակ սրբոյ
 բաժակին ոչ գտից զդատապարտութիւն
 անձին իմոյ . : Մաքրեա զանձն քո ա-
 ռանձնութեամբ , ապաշխարութեամբ ,
 մեռելութեամբ . և կանխեաց յաղօթս ,
 յողորմութիւնս , և յեռանդն ջերմագինս :
 Յաւուր յորում զառաջինն մատուցանես
 պատարագ , 'ի բաց լիցին մեծածախս կե-
 րակուրք և ըմպելիք , և ամենայն զբօսանք
 ընդունայնութեան , և այն ամենայն չա-
 րաչար սովորութիւնք յաւելորդս մու-
 ծեալք 'ի համարձակութենէ ժողովրդ-
 դեան , կամ յագահութենէ քահա-
 նայից : Շատասջիր ձաշել ընդ ընտա-
 նիս քո , և յայնպիսի օր սրբութեան մի-
 ունիցի տեղի և ոչ մի աշխարհական խը-
 րախութիւն , կամ ցնդումն մտաց . վասն
 զի առ Մտուած միայն պարտին ուղղիլ
 ամենայն ուխտք սրտի առանց իրիք
 մտածութեան երկրաւոր իրաց : Վոյդ
 հանդերձք և շուք հանդերձանաց լի-
 նիցին սուրբ առաքինութիւնք . ջերմե-
 ռանդն ամիսիումն սրտի լիցի 'ի սիո-
 փանս եկեղեցւոյ , և ոչ թատրոնական
 երաժշտութիւն . համար աղքատաց
 դարմանելոց լիցի քո հանդիսական սե-
 ղան : Սուրբն Մնդրէաս Վորսինի չկա-

մեցաւ շուք ինչ հանդերձանաց ըստ
 ըղձից ծնողաց և ազգականաց, այլ
 մատոյց զառաջին պատարագն արտաքոյ
 քաղաքի 'ի փոքրիկ վանս ինչ, և Մս-
 տուած մխիթարեաց զնա փափկու-
 թեամբք զրախտին: Արպէս եսս տե-
 սանեմ, սուրբք ամենայն միշտ զքահա-
 նայութիւնն առ հարկի առին յանձն
 որպէս բեռն ծանր: Արչափ աւելի բարձր
 և վսեմական է պատիւ քահանայու-
 թեան, այնչափ առաւել մեծ է և
 վտանգն: Աթէ լինիցի 'ի քեզ պատ-
 կառելի երկիւղ քահանայական պա-
 տուոյ, ունիցիս անդստին 'ի կղերիկո-
 սութենէ քաջալաւ նշան կոչման. և 'ի
 քահանայութեան զամենալաւ միջոց և
 յորդոր 'ի ընուլ զմեծամեծ պարտաւո-
 յութիւնս քո:



Յ Ա Ն Կ

Ա . Քրիստոսի փրկչին բանք առ սպասա- լորս սեղանոյն թէ զի՛նչ կարևոր պի- տոյ իցեն մտածական աղօթք	1
Բ . Վասն վերջին վախճանի	7
Գ . Պատիւ քահանայութեան	12
Դ . Սրբութիւն	17
Ե . Յաղագս մեղաց	21
Զ . Դարձեալ յաղագս մեղաց	26
Է . Գայթակղութիւն	32
Ը . Պատարագ սեղանակապուտ	37
Թ . Վասն ոչ զգուշանալոյ 'ի մեղաց	42
Ժ . Անմաքրութիւն	47
ԺԱ . Արծաթսիրութիւն	52
ԺԲ . Ամբարտաւանութիւն	57
ԺԳ . Մահ	62
ԺԴ . Դարձեալ յաղագս մահուան	67
ԺԵ . Դատաստան	72
ԺԶ . Դարձեալ յաղագս դատաստանի	77
ԺԷ . Դատաստան արգարոյ	81
ԺԸ . Դժոխք	85
ԺԹ . Վստանգ դատապարտութեան	89
Ի . Ներելի մեղք	94
ԻԱ . Գաղջութիւն	98

ԻԲ .	Դատարկակեցութիւն	103
ԻԳ .	Ուսումնասիրութիւն	108
ԻԴ .	Հաւատք	114
ԻԵ .	Յոյս	119
ԻԶ .	Սէր Աստուծոյ	123
ԻԷ .	Սէր ընկերին	128
ԻԸ .	Նախանձաւորութիւն	133
ԻԹ .	Խոնարհութիւն և Հեզութիւն	138
Լ .	Մեռելութիւն	145
ԼԱ .	Արքայութիւն	151
	Քննութիւն խղճի վասն եկեղեցական		
	անձին		157
1	Ազգարար բանք առ խոստովանահարս .		169
7	Ազգարարութիւնք առ ձեռնադրելիս .		208
13		
17		
21		
26		
33		
37		
42		
47		
52		
57		
62		
67		
72		
77		
81		
86		
91		
96		
101		

мыль

Г. И. М.

ВФ
—
2

0027660

5817

2014

